

Ozioma Jesu Kristi Léké Ke Matiu Dọn De E

Ndị Mü Jizos' Kraisti

¹ Onwan wụ Ekukwọ wę gi gba ndị mü Jizosi, nwa Defidi, nwa Ebrahim.

Gha Ebrahim D'e ru Defidi

² Ebrahim wụ nędzi Aziki, Aziki wụ nędzi Jekopu, Jekopu wụ nędzi Juda lę umunę-e-ikennye. ³ Juda wụ nędzi Perezi lę Zera. Nnę mü ni wę wụ Tama. Perezi wụ nędzi Héz'rónu, Héz'rónu wụ nędzi Aram, ⁴ Aram wụ nędzi Aminadabu, Aminadabu wụ nędzi Nashonu, Nashonu wụ nędzi Salumonu, ⁵ Salumonu wụ nędzi Buazi, nnę Buazi wụ Rehabu. Buazi wụ nędzi Obedi, nnę Obedi wụ Rutu. Obedi wụ nędzi Jese. ⁶ Jese wụ nędzi eze wụ Defidi.

Gha Defidi D'e ru Ogen Wę Gi Weri Wę Si Ali Babilonu

Eze wụ Defidi wụ nędzi Solomonu, hụn nnę e [te] wụ nwunyę Yuria. ⁷ Solomonu wụ nędzi Rehobam, Rehobam wụ nędzi Abija; Abija wụ nędzi Asa, ⁸ Asa wụ nędzi Jehoshafat; Jehoshafat wụ nędzi Joram—hụn wuzi Jehoram; Joram wụ nędzi Uzia. ⁹ Uzia wụ nędzi Jotam, Jotam wụ nędzi Ahaz; Ahaz wụ nędzi Hézikaya. ¹⁰ Hézikaya wụ nędzi Manasę, Manasę wụ nędzi Emosi; Emosi wụ nędzi Josaya. ¹¹ Josaya nọ mü

Jekonaya (hun wu Jehoyakin) le umune-e-ikennye—ogen we ke we gi wepu we alı we, we we si alı Babilonu.

Gha Ogen Wę Gi Weri Wę Si Alı Babilonu D'e Ru Ogen Kraisti

¹² Ogen we gi wepuwu we si Babilonu, Jekonaya no mu Shiatelü, Shiatelü wu nedì Zerubabelü, ¹³ Zerubabelü wu nedì Abiyudu, Abiyudu wu nedì Eliyakim, Eliyakim wu nedì Azo, ¹⁴ Azo wu nedì Zadok, Zadok wu nedì Akim, Akim wu nedì Elayudu, ¹⁵ Elayudu wu nedì Eleaza, Eleaza wu nedì Matani, Matani wu nedì Jekopu, ¹⁶ Jekopu wu nedì Josefu, di Meri—onye hun mu Jizosi, hun w'a kpo Kraisti hun wu “Onye Ahun Osolobue Tume.”

¹⁷ Ya wu, agbo we ile gha ogen Ebrahim d'e ru ogen Defidi wu agbo mmено; gha ogen Defidi d'e ru ogen we gi we we si alı Babilonu wu agbo mmено; gha ogen we gi wesi we Babilonu d'e ru ogen Kraisti wu agbo mmено.

Omumụ Jizos' Kraisti

¹⁸ Enina ke we don mu Jizosi wu Mezaya: e kweriole we ni nnę e wu Meri jenkö d'a lụ Josefu. Kani, ni we d'a nogbama nke di-lę-nwunye, Meri a turuguo imę ghahani iken Mmón-nso. ¹⁹ Makeni Josefu hun 'ya ni 'ya jenkö d'a lụ wu onye eziomumę leni o chonị n'o gbe ifenren ye e ihun id'anya ihian ile, o no bu e obi n'o sikö d'e kpechan a nzuzue. ²⁰ Kani, ogen o gi e ro ihienni, o no ro nrö. Imę nrö hu, o no hun mmón-ozi Di-nwọnni-enyi k'o bia d'e kunrun e, si, “Josefu nwa Defidi, atule egun; luma Meri, makeni nwa o rị imę e gha eka Mmón-nso bia. ²¹ O jenkö d'a mu okennye; i jenkö d'a kpo

nwa hụ Jesu/Jizosị* makele iya jenkö d'a zuofuha ndị nke e imẹ njọ wẹ.”

²² Ihien ndinị ile mè keni wẹ gi mēzu ihien Onye-nwọnni-enyi ku ghahanị onyę-amụma: o sị, ²³ “Lee e, okpoho keleni marịn okęnnye jenkö d'a tu imẹ, mụ okęnnye; wẹ jenkö d'a kpọ nwa hụ ‘Imanuelu’, ya wụ, ‘Osolobue sòn enyi nodị’.”

²⁴ Ogen Josefụ gi tēnhin, o nọ mè ihien mmɔn-ozi Di-nwònni-enyi gwa a. O nọ luma Meri; ²⁵ kani, aranhịnni wẹ nke di lę nwunyę d'e ru ogen o gi muğụ okęnnye ibuzo a ahụn. Josefụ nọ kpọ a Jizosị/Jesu.

Isi Nke Ebụo

Ndi Ahun Gha Azụun Ọwụwa-enyia-anwụn Bia

¹ Wẹ mụ Jesu imẹ obodo Bętulehem hụn rị azụun Judia ogen Hęrođu gi wụ eze. Ogen hụ, ndị marịn ihien kokisẹ rị e ku nọ gha alị rị azụun Ọwụwa-enyia-anwụn bịa Jerusalém, ² a jụ ajuju, sị, “Elebe kę onyę hụ wẹ mụ nke ọhụn hụn wụ eze ndị Ju rị? Makeni, enyi a hụnolę kokishịa ku oku e k'o puha ogen enyi gi rị alị rị azụun Ọwụwa-enyia-anwụn; enyi bịa d'e fe e.”

³ Ogen eze wụ Hęrođu gi nụ ihienni, obi eruzini 'ya lę ndị Jerusalém ile alị. ⁴ O nọ kpogbama ndị-isị nchụ-ejan lę ndị-nkuzi Iwu, jụ wẹ, sị, “Elebe kę wẹ de ni iya kę wẹ jenkö d'a nọ mụ Mezaya, Onyę Hụ Osolobue Tumę?”

⁵ Wẹ nọ za, sị, “Bętulehem hụn rị Judia rọ, makeni onyę-amụma de, sị,

⁶ ‘Bętulehem hụn rị imẹ Juda,

* **Isi Nke Mbụ:**21 Anị ęfannị wụ Onyę-nzụopuha.

ezioku ro ni i wu obodo me ekere imé ndi okiki
Juda;
kaní onyé-okiki jenkó d'a gha imé i puha,
hun jenkó d'a kí ndi nke m wu ndi Izrelu.' "

⁷ 'Ya Hérodú no kpó ndi hú marín ihién kokisé rí e
ku, gi nzuzue jú wé ogéne wé gi hún kokisé hú. ⁸ 'Ya
o no zi wé jen Bételehém, sí, "Jen ni; chokénenmé ni
nwata hú. Onú hún a, bia ni d'a gwa m, ni mmé lè
enwén m jenzi d'e fe e."

⁹ Ogéne wé gi nuchanringüu ihién eze ku, wé no
jenmé ebe wé jenkó! Kokisé hú no puhaži, du wé
ru Bételehém; e ru wé ebe nwata hú rí, o no wuzo.
¹⁰ Ogéne wé gi hún kokishia hú, iğhogho no jun wé
obi. ¹¹ Ogéne wé gi banye imé ulo hú, hún nwata hú
lè nné e wu Meri, wé no sekpu, fe nwata hú. 'Ya
wé no topu ekpa wé buche ihién ñianranní rí ichen-
ichén, ye e goru lè frankisensi lè maa.

¹² Makéni Osolobue a dole wé eka-ntin imé nró si
w'e kinlé azúun d'e kunrun Hérodú, wé no ghasi
uzo ozó lashi alí wé.

Josefú E Gi Nzuzue We Wé Gbasi Ijiptu

¹³ Ogéne wé gi lamagüu, mmón-ozi Di-nwónni-
enyi no bia d'e kunrun Josefú imé nró, sí a, "Lihi
oto! Weri nwata hú lè nné e gbasi Ijiptu; nodi
ni ebahún d'e ru ogéne m jenkó d'a gwa i, makéni
Hérodú e buguo a obi no jenkó d'a cho nwata hú
kéni o gbu e."

¹⁴ 'Ya Josefú no lihi, gi imé uhinhin weri nwata
hú lè nné e si Ijiptu. ¹⁵ Wé no nodi ebéhú d'e ru
ogéne Hérodú gi nwún. Onwan ké ihién ahún Di-
nwoónni-enyi gi onyé-amúma ku gi mèzu, ni "Imé
Ijiptu ké m gha kpópuha nwa m."

Hérodù A Sí Wé Gbu Umueka

¹⁶ Ogèn Hérodù gi hùn ní ndí hù marìn ihien kokisé rì e ku e meole e ero, eje-olulu nò bumé e. O nò zi ndí hùn o zi, wé nò jen d'e gbupù umueka-ikennyé ile rì Béтуlèhem lè alí ndí hù nokunmèn'e, ikennyé ndí hùn rì ahùa ebùo lè ndí keleñi ru ahùa ebùo—ogèn ndí ahùn marìn énya kokisé gwa a ní ya kë wé hùn ya wù kokisé k'ò gha gbakò ogèn, mè ihienni o mè.

¹⁷ 'Ya kë wé gi mèzu ihien Osolobuè gi onyé-amúma wù Jérimaya ku, sì,

¹⁸ "Wé nü olu ohu imé obodo Rama,
o hù a kwan—e goo ntan, e goo imòn.
Rechelù rò—o rì a kwan umù a;
o niní wé hùhù a,
makéni a nwùnchanringuò wé."

A Gha Wé Ijiptu Lùa

¹⁹ Ogèn Hérodù gi nwùnhunguù, mmón-ozi Di-nwónni-ényi nò bìa d'e kunrun Joséfù imé nrò imé alí Ijiptu, ²⁰ sì a, "Lihi, weri nwata hù lè nné e si alí Izrelù, makéni ndí rì a cho ní wé gbu nwata hù a nwunguò." ²¹ O nò tènhin, weri nwata hù lè nné e si alí Izrelù.

²² Kani, ogèn o gi nü ní Akílahusu ríkin eze nedí e wù Hérodù, a kí Judia, egún anin'a jen ebéhù. A doğuzi w'a éka-ntin imé nrò, o nò si egbèrè Galili.

²³ O nò jen d'e biri imé obodo w'a kpò Nazareti. Èríra kë ihien ahùn ndí-amúma ku, sì, "Wé jénkò d'a kpò a onyé Nazareti" gi mèzu.

Isi Nke Etò

Ozi Jónu Hùn E Mè Mirin-Chuku Zi

¹ O ru, Jönü hün e mē mirin-Chuku nō füha imē atu Judia, a hi,

² “Roghari ni, makeni Ali-eze elu-igwee a riguo nsue!”

³ Jönüni wü onyé hü onyé-amüma wü Azaya ku oku e ogen o gi sị,

“Olu onyé ohu rị a han imē atu,
a sị,

‘kwa ni ni Di-nwọnnyi-enyi uzọ;
mémé ni uzọ a n'o zinrin’.”

⁴ Ewuru wę gi eñenren anu w'a kpó kamelụ* mémé kę Jönü e yi; akpukpó-anu kę wę gi mémé akpukpó-ukun e; ihiẹn-oriri e wü igurube lę mirin-enwün rị ọfia.

⁵ Ndị Jerusalém lę ndị Judia ile lę ndị obodo ile nokunmę Iyi Jodani hü e jen d'e kunrun e. ⁶ Wę hü e kupuhá njø wę, ọ hü e mē wę mirin-Chuku imē mirin Jodani.

⁷ Kanj, ogen o gi hün ndị bu ọda imē ndị itu-Farisi lę ndị itu-Sadusi kę wę rị a bịa n'o mē wę mirin-Chuku ahun ọ rị e mē, ọ nō sị wę, “Igunrun agwo! Onyé sị unu gba ni iwe lę ọnuma Osolobue lalani ọsó?! ⁸ Míkwö ni nwan mkpuru ghosi ni ọnụ e roghariguo; ⁹ atukwolę ni enwen unu ntụ, a sị, ‘Ebrahim wü nedị enyi nụ! Makeni, m rị a gwakwo ọnụ, Osolobue jenkö d'a saeka gha ọmụma ndini wepuhá ni Ebrahim ụmụ.’” ¹⁰ “Anyun a riguołe nwan ukun osisi, e che: osisi ọwulę mijeni ezigbo mkpuru, e gbutu w'e tuye ọkụn. ¹¹ Mmē nwèn gi mirin-mmaka e mē unu mirin-Chuku, unu gi a ghosi ni unu e roghariguo; kale onyé hün lala m

* **Isi Nke Etq:4** “anyinnyan-mkpukpuke”

azụn ka m iken ọhụnma-ọhụnma—erudeni m onye hụn jenqo d'e bu akpukpo-ukụ a—o jenqo d'e gi Mmọn-nsq le ọkụn mē ọnu mirin-Chuku. ¹² Ihien o gi a fuchan ọka rị a eka: o sikọ d'a fuchanpu ọka ile rị ebe o nọ a kükpo ọka a, kpɔnpu chanrin ọka a ye ebe o buto ọka, kpɔngbamazi ẹfifia ọka buche imē ọkụn hụ wę ghaleni e ri-eka e tinyụn.”

*Jonu E Mę Jizosị Mirin-Chuku
(Mak 1.9-11; Luk 3.21-22)*

¹³ 'Ya Jizosị nọ gha Galili bịa Iyi Jodanị d'e kunrun Jonu ni Jonu mē ẹ mirin-Chuku. ¹⁴ Jonu te jụ ajụ, sị Jizosị, “Mmę te furu ni m bịa n'i mē m mirin-Chuku, kanị 'yụ bịa nwan d'e kunrun m?”

¹⁵ Jesu nọ sị, “Hapụ a n'o rị eri ra kikenni; o furu ni enyi məzukwama ihien ile Osolobue chọ.” 'Ya Jonu nọ kweri mē ẹ mirin-Chuku.

¹⁶ Jonu e megụ Jizosị mirin-Chuku, hụn Jizosị gihu ghagụ nime mirin pula, elu-igwee nọ kpupun'a idemini; o nọ hụn Mmọn Osolobue k'o gi ụdị nduru hidanla, bịa ebe o rị, bekwasị a.

¹⁷ Idumuzi, olu nọ gha elu-igwee sị, “Onwan wụ ezi Nwa m; ihien ẹ a suọka m.”

Isi Nke Eno

Ekwensu A Nwan Jizosị

¹ 'Ya kę Mmọn-nsq nō duru Jizosị si imē atu keni Ekwensu nwan a. ² Jizosị bu ọnu ukinkin lę efinnai —orogbo akpụ-uhuokin ọgunnai; omegụ, egn nō gunma a. ³ 'Ya kę onye-ọnwunwan hụ nō bịa, sị a, “Omęni 'yụ wụ Nwa Osolobue, sị ọmuma ndini hęnrinsönme ogbe brędi.”

⁴ Kanj Jesu no si a, “E deguo w'a imē Ekukwo-nso ni, ‘Ihjan a ra gi ihiēn-oriri suq a ri ndun, oku ile gha Osolobue onu pūha kē wē gi a ri ndun.’ ”

⁵ 'Ya kē Ekwensu no weri e si imē obodo nsō wu Jerusalēm, w'ē tumē mkp'onunū Ulo-nso, ⁶ si a, “Omēlē iyū wu Nwa Osolobue, tūha enwēn i ye ali. Makelē, e deguo w'a imē Ekukwo-nso, si, ‘O jenqo d'e ye ndi mmōn-ozi e iwu banyen'i; wē sikō d'a parī i, amamgbe y'a kpogburu qmūma.’ ”

⁷ Jizosī no si a, “E deguoziķwō w'a imē Ehuhuō-nso, si, ‘Anwankwolē Di-nwōnni-ēnyi wu Chuku i.’ ”

⁸ Ekwensu no werizi e si elu-ugu jen elu odata-oda, ghosikwama a ali-eze ile ri uya le ogho wē, ⁹ si a, “M k'e ye i ihiēn ndiñi ile, omēni y'e keni m isi ali.”

¹⁰ 'Ya Jizosī no si a, “Ekwensu, puni m! Makēni, e deguo w'a imē Ekukwo-nso, si, ‘Di-nwōnni-ēnyi wu Osolobue i k'i k'e keni isi-ali; iya suq k'i k'e fe.’ ”

¹¹ 'Ya kē Ekwensu no la Jizosī tō, ndi mmōn-ozi no pūha, yemē e ihiēn ri a mkpa.

Jizosī E Bidon Orun A Imē Galili (Mak 1.14-15; Luk 4.14-15)

¹² Ogēn Jizosī gi nū ni e buguo wē Jonu che imē ulo-ngan, o no si Galili. ¹³ O no gha Nazareti ri imē Galili pu, jen d'e biri imē obodo Kapanom hūn rizi Galili, eħu mirin Galili, egberē Zebulonu le Naf'tali — ¹⁴ keni ihiēn onyē-amūma wu Azaya ku mēzu. Azaya si,

¹⁵ “Ali Zebulonu le ali Naf'tali,
hūn rišonmē uzo ‘Ohimin’ —
wē fetugū Iyi Jodani;
Galili wē ile ri,

alị ndị wụleni ndị Ju jun!

¹⁶ Ndị bi imẹ ishi
a hụnolę oken ukpę;
ukpę e nwunmeguọnị
ndị bi alị onyinyon-ọnwụn.”

¹⁷ Jizosị nọ gha ogęn hụ zime ozi, a sị, “Roghari
ni, makèni Ali-eze Osolobue a rịgụo nsue!”

*Jizosị A Kpọ Ndị Okụn-Azụn Eno
(Mak 1.16-20; Luk 5.1-11)*

¹⁸ Ogęn Jizosị gi ghakọ m kpènren mirin Galili,
o nọ hụn umunę-ikennye ẹbụo, Saimonu (hụn w'a
kpọ Pita) lę Andurụ nwéné e, ebe wę rị a tụ ọga e ye
imẹ mirin ahụn, (makèni wę wụ ndị a kụn azụn).
¹⁹ O nọ sị wę, “Sonmę ni m, m jenkọ d'e mę ụnụ
wuru ndị a kúha ihiān rịkẹ azụn.” ²⁰ Wę nọ na ọga
wę tọ ozigbo, sonmę e.

²¹ Ogęn o gi jenshi ihun, o nozị hụn umunę ẹbụo
ozo, Jemisi nwa Zebedi lę Jonu nwéné e; uwę lę nedị
wę rị imẹ ụgbọ, e dònzi ọga wę. O nọ kpọ wę ẹbubụo.
²² Wę nọ latọ ụgbọ-mirin hụ ni nedị wę, sonmę e
ozigbo.

*Jizosị A Kuzi, O Zi Ozioma, O Gwọ Ọrià
(Luk 6.17-19)*

²³ Jesu nọ ghagbarị Galili ile, a kuzi imẹ ulọ-ofufe
ndị Ju, e zi ozioma Ali-eze, a zuo emu lę Ọrià ile rị
ichèn-ichèn rị a kùnị wę. ²⁴ Ya kę otiti e nọ ghagbarị
alị Siria ile; wę nọ wehé n'e ndị ile emu rị a kụ, ndị²⁵
bu Ọrià ichèn-ichèn lę ndị ihièn rị a turu, ndị ibobo
lę ndị oro lę ndị eje-mmɔn rị imẹ wę—o nọ zuo
wę. Igunrun hi-ogbe nọ gha Galili lę obodo iri
hụ nogbamanị wụ Dikapolisi, lę Jerusalem lę Judia
lę nfetu Iyi Jodani sonmę e.

Isi Nke Isen

Nkuzi Jizosị Nọ Elu Oke Kuzi

¹ Ogèn Jesu gi hụn igunrun ihiyan hụ, o nọ si enu oke; o nódigụ alị, 'ya ụmụ-azụn a nọ bịa d'e kunrun e.

Ndị Nke Wẹ Ka Mma (Luk 6.20-23)

² O nọ kuzimé wẹ, sị,

³ “Ngózi rị nị ndị la enwèn wẹ tònị Osolobue imẹ mmọn*,
makèni Ali-eze elu-igwee wụ nke wẹ!

⁴ Ngózi rị nị ndị hụn rị a kwannị,
makèni wẹ jènkọ d'a ròkọ wẹ obi.

⁵ Ngózi rị nị ndị hụn e welùa enwèn wẹ ali,
makèlẹ wẹ sikọ d'e nwònrin ụwa ile.

⁶ Ngózi rị nị ndị o rị a gun nị ihiyen ile rị kẹ Osolobue
don cho a,

a gun wẹ kẹ ihiyen-oriri lẹ ihiyen-oriṛa —
makèni, efo jènkọ d'e jun wẹ.

⁷ Ngózi rị nị ndị hụn e mẹ ebere,
makèlẹ wẹ sikọ d'e mẹ ni wẹ ebere.

⁸ Ngózi rị nị ndị obi wẹ rị ochan,
makèni wẹ sikọ d'a hụn Osolobue.

⁹ Ngózi rị nị ndị hụn e mẹ ni udòn rị,
makèni wẹ sikọ d'a kpọ wẹ ụmụ Osolobue.

¹⁰ Ngózi rị nị ndị wẹ rị e kpokpo makèni wẹ rị e bi
kẹ Osolobue don cho a,

makèni Ali-eze elu-igwee wụ nke wẹ.”

¹¹ “Ngózi wụ nke ọnụ wẹ gha a kpari ụnụ, e
kpokpo ụnụ,

* **Isi Nke Isen:**3 ...ndị wụ “igbènnye” imẹ mmọn.

e gi ifiri m e buo ụnụ ụdị eje-ihiẹn ile rị ichẹn-ichẹn.
12 Ghogho ni; ẹfọ 'ya sụo ụnụ ụsụo —
 makele ụgwọ-ørun ọnụ hi-ogbe imẹ elu-igwee!
 Makeni, ेrìra kẹ wẹ dọn kpokpo ndị-amụma ndị hụn
 buni ụnụ ụzo.”

Nnu Lẹ Ukpẹ
(Mak 9.50; Luk 14.34-35)

13 “Unụ wụ nnu ụwa, kanị ọwụni nnu asụozini
 ụsụo, eghani k'o jenkö d'a dọn sụomazị ụsụo? O
 nwonzini ihiẹn ọwule wẹ gi e e mè, kama, w'a ma
 a e tuhu, a zogbume w'e.

14 Unụ wụ ukpé ụwa. Obodo wẹ tunye elu oke
 asaeka zueri. **15** Ozozị, ihiān a ra munityekwọ ukpé
 zuemẹ e okpuru afere, kama, w'e bu e e che enu
 ihiẹn, keni ihiān ile gi e legha ụzo. **16** Mezikwoni ni
 ेrìra: ni ni ukpé ọnụ nwun hụn ihiān e legha, keni
 wẹ hụn ørun-oma ụnụ, gi e ja Nedi ọnụ rị elu-igwee
 mma.”

Nkuzi Banyeni Iwu

17 “Erokwole ni ni m bia d'a kagbu Iwu Mozizi
 mọbụ ihiẹn ndị-amụma de. Abianị m d'a kagbu
 wẹ, kama, m bia d'e mèzu wẹ. **18** Makeni, m rị
 a gwa ụnụ ezioku, d'e ru mgbe elu-igwee lẹ ụwa
 ghafe, o nwonnị mkpuru-ekukwọ ọwule mọbụ ihiẹn
 wẹ vinyedę mkpuru-ekukwọ, hụn rị imẹ Iwu, hụn
 jenkö d'a ghafeni bụ o mezuni—kẹ hụn kachanrin
 ntin. **19** Ya wụ ni onyę ọwule dan iwu ohu imẹ iwu
 ndịni, kuzi ndị ozo ेrìra, wẹ sikọ d'a kpọ a onyę hụn
 kachanrin ekere imẹ Ali-eze elu-igwee. Kanị, onyę
 hụn e mèni wẹ, a kuzi wẹ, wẹ sikọ d'a kpọ a oken-
 ihiān imẹ Ali-eze elu-igwee. **20** Ezioku kẹ m rị a gwa
 ọnụ, mmanị ụnụ ka ndị-nkuzi Iwu lẹ ndị Itu-Farisi

uche Osolobue e me, onu asaeka banye Ali-eze eluigwee.”

Nkuzi banyeni Ibu-olulu

²¹ “Onu a nuguo ni we si ndi akan, ‘Egbule ni ochu; we sikø d'a ma onye owule gbu-ochu ikpe.’ ²² Kanji, mmø le enwøn m si onu ni we sikø d'a ma onye owule buni nwøne e olulu[†] ikpe; onye owule kpo nwøne e iyi jenkø Ogwa Ndø-isì; okun-mmøn ri e che onye owule kpo nwøne e ‘Onye-nzuzu!’ ”

²³ “Yawù, omèni i ri e ye oyiye i ebahùn w'a nodi e ye oyiye, y'a no ebeħu nyanhan n'o nwøn ihièn i me, hùn nwøne i gi bu iwe i obi, ²⁴ la oyiye i tø ebeħu w'a no e ye oyiye, pu, iyù le nwøne i suokingu, i kebe kinhen d'e ye oyiye i.”

²⁵ “Iyù le onye-ikpe i suokin egwa, ebe 'yu le 'ya kelèni ru ogwa, amamgbe o weri i ye oka-ikpe, oka-ikpe e weri i ye onye ewuru-ogi, a tu we i ye ulø-ngan; ²⁶ M ri a gwa i ezioku, y'a saeka fuhà d'e ru mgbe i kuguu ikobø ikpazuu wø be i.”

Nkuzi Banyeni Ughere

²⁷ “Unu a nuguo ni we si we, ‘Agherelé.’ ²⁸ Kanji mmø le enwøn m ri a gwa onu ni onye owule lee okpoho enya, o la a enya, e mèolè mgba a imè obi e. ²⁹ Omèni enya èka-nni i a han i e me njo, gupu a tuhu. O ka i mma ni mkpamkpa ehù i ohu arizi a, karì ni we tu ehù i ile ye okun-mmøn. ³⁰ Omèni èka-ihièn i a han i e me njo, bepu a tuhu. O ka i mma ni mkpamkpa ehù i ohu arizi a, karì ni we tu ehù i ile ye imè okun-mmøn.”

[†] **Isi Nke Isen:22** móbu: ...onye owule buni nwøne e olulu bu o nwønni ihièn nwøne e me.

Nkuzi Banyeni Mkpechan

(Mat 19.9; Mak 10.11-12; Luk 16.18)

³¹ “Wę sịzıkwo, ‘Onyę ọwule kpechan nwunyę e jenkö d'e ye e erekwó ghosi n'o kpechanole a.’

³² Kani mmé lę enwén m ria gwa ọnú ní onyę ọwule kpechan nwunyę e, wezuka ní nwunyę e zo ukú ye ofia, ria e mé e n'o zo okú ye ofia. Onyę ọwule lü okpoho wę kpechangụ na nwunyę ihiyan.”

Nkuzi Banyeni Ikun-iyi

³³ “Ozø, ọnú a nügwozi ní wę sị ndí akan, ‘Ekunlé Osolobue tū ntü; i jenkö d'e mé ni Di-nwɔnni-enyi ihiyen i kunn'e.’ ³⁴ Kani mmé lę enwén m sị únú, ekunkwole ihiyen-owule, kaka. Ekunkwole elu-igwee, makéni 'ya wụ ukpo Osolobue; ³⁵ ekunlé ụwa, makéle 'ya wụ ihiyen o gi a tükwasị ukú a; ekunlé Jerusalém, makéni 'ya wụ obodo Eze uku hụ; ³⁶ ekunkwole isi i, makéni y'e ri-eka gbehuto ntutu ohu n'o chanma Ɂchan móbụ n'o gimé ngi. ³⁷ Sihü ‘Eghẹ́’ móbü ‘Mba’; ihiyen ọwule kari ọnwan gha eka Eje-onyę hụ bịa.”

Nkuzi Banyeni Mmegwari

(Luk 6.29-30)

³⁸ “Unú a nügwo ní wę sị, ‘Onyę tikpo ihiyan énya ohu, wę tikpogwari a énya ohu; onyę tikwọn ihiyan eze ohu, wę tikwóngwari a eze ohu.’ ³⁹ Kama, mmé lę enwén m sị i emegwarilé onyę mé i eje-ihiyen. Kama, oméni ihiyan a ma i ọra nti eka-nni, y'e bu azụn hún-ebø zimèn'e. ⁴⁰ Onyę chọ n'o kpe i narin i ewuru i yi imé, yezikwó a hún i yiye elu e. ⁴¹ Onyę waye i olu n'i jen maili ohu, y'e son e jen maili ebúo. ⁴² Onyę ọwule rịo i ihiyen, y'e ye e; onyę ọwule chọ n'o zinarin i ihiyen, ajule.”

Inwé Ihien-ösüşuo Ndi-iñenren I

⁴³ “Onu a nuguo ni wé si, ‘I sikó d'e nweríri ihién-ösüşuo ndí-oma í, ze izize ndí-iñenren í.’ ⁴⁴ Kani mmé le enwéen m sí unu ‘E nwe ni ihién-ösüşuo jénni ndí-iñenren onu; e mé ni ni ndí rí e kpokpo ni unu ekpere.’ ⁴⁵ Onwan sikó d'a ghosi nke-esi ni onu wú umu Nédi unu hún rí elu-igwee. Makéni o mé anwun a e tikpu kę onye-njo kę onye-oma; o zi mirin e jénni ndí e mé ihién o cho le ndí ghaleni e mé ihién o cho. ⁴⁶ Makéni, oméle ndí ihién i a suó suó kę ihién wé a suó í, elee ugwo-órún k'i k'e nwónhen? Ele ériira kę ndí a na ugwo-isi, ndí hún wé gi njó marín, e mé? ⁴⁷ Ozozí, oméni ndí nke i suó kę y'e kele, k'i gi mékari ndí ozó? Ele ériira kę ndí kweriléni e mé? ⁴⁸ Zu ni nwan oke kę Nédi unu hún rí elu-igwee dòn zu oke.”

Isi Nke Isin

Emékwole Ni Wé Hún I

¹ “Kpachanpukwo ni énya amamgbe ihién onu rí e meni Osolobue a wúrú ni unu rí e mé ni wé hún unu; makéni unu mé e, onu anarinkózí ugwo-órún éka Nédi unu hún rí elu-igwee.”

Nkuzi Banyeni Iméni Ndi-igbenneye Ohunma

² “Ya wú, ogé ọwule onu rí e ye ndí igbenneye ihién, akule ni egogo* ríké kę ndí-ihunnai dòn e mé imé ụlo-ofufe le ọkp'uzó, keni ihián ile hún uzó ja wé mma. M rí a gwa unu ezioku, a narinchanrìnguole wé ugwo-órún wé. ³ Kama, unu gha e ye ndí-igbenneye ihién, anile ni éka-ekpén onu marín ihién

* **Isi Nke Isin:2** Egbuléni opi.

eka-nni ụnu rị e mè, ⁴ keni ihiẹn ụnu mè ni ndị-igbennye wuru ihiẹn zuerini; nị Nedi ụnu hụn a hụn ihiẹn zuerini kụ ọnụ ugwo.”

Nkuzi Banyeni Ekpere

⁵ “Ozozị, ụnu gha e mè ekpere, emeľe ni kę ndị-hunnai, makeni o sụo wę nị w'e turu imē ụlo-ofufe lę ọkp'uzo e mè ekpere, keni ihięn hụn wę. Ezioku kę m rị a gwa ụnu, a narinchanringuolę wę ugwo-ɔrun wę. ⁶ Kama, ụnu jenkonị d'e mè ekpere, ban nị mmulọ, gunma uzo, mè ekpere jenni Nedi ọnụ hụn wę ghaleni e legha; Nedi ụnu hụn a hụn ihiẹn zuerini sikọ d'a kụ ọnụ ugwo.”

⁷ “Kanị ụnu gha e mè ekpere, aghalę ni e ku oku ohu, e kudonzi e nökę kę ndị hụn ghaleni e fe Osolobue dọn e mè, makeni wę rị e ro ni ọtutu-oku wę kę wę sikọ d'e gi nụ ekpere wę. ⁸ Anolę ni nwan kę wę, makeni Nedi ọnụ a maringhọ ihięn rị ụnu mkpa nị ụnu d'a rioma a.” ⁹ “Ya wụ, e mè ni nwan ekpere eniňa:

‘Nedi enyi hụn rị elu-igwee,
wę dọnmę ęfan i nsọ.

¹⁰ Ali-eze i ya bịa d'a kịma,
uche i ya mè elu-ụwa, rịkę kę o dọn e mè elu-igwee.

¹¹ Ye enyi ihięn enyi jenkonị d'e ri tannị;

¹² gbaghari enyi eje-ihięn ndị enyi mè, nökę kę enyi dọn gbaghari ndị hụn mè enyi eje-ihięn.

¹³ Edulę enyi ye imē ọnwụnwani,
ka gbafuha enyi ęka Eje-onye hụ.’ ”

¹⁴ “Eghẹe, ọnụ gbaghari ndị ozọ eje-ihięn wę mè ụnu, Nedi ụnu hụn rị elu-igwee sikọ d'a gbaghari ịzıkwo ọnụ; ¹⁵ kanị, ọwụni ụnu agbagharini

ndị ozọ eje-ihiẹn ndị wę mę ụnu, Nędi ụnu a gbagharịkọ ụnu eje-ihiẹn ndị ụnu mę.”

Nkuzi Banyeni Ibu-ọnụ

16 “Ogen Ọwule ụnu rị e bu-ọnụ, eronmélé ni ihun rikę ndị ihunnai. W'e ronmę ihun, keni ihiian ile hụn nị wę rị e bu ọnụ. Ezioku kę m rị a gwa ụnu, a narinchanringuole wę ugwo-ɔrun wę.”

17 “Kama, ọnụ gha e bu ọnụ, te ni udẹn isi ụnu n'o dẹn, fin ni ihun, ọnụ a ha ntutu, **18** amamgbe w'a marin nị ụnu rị e bu ọnụ, keni Nędi ụnu suq, hụn wę ghalenị a hụn, marin; Nędi ọnụ hụn a hụn ihiẹn zuerini sikọ d'a kụ ụnu ugwo.”

Aku-le-uba Hụn Rị Elu-igwee

19 “Akpatolę ni ni enwẹn ụnu akụ-le-uba imé ụwanị, ebe erekia sikọ d'a saeka ripụ a, ebe o sikọ d'a saeka gba nchara, ebe ohin sikọ d'a saeka gbukpọ banye, zun. **20** Kama, a kpato nị nị enwẹn ọnụ akụ-le-uba elu-igwee, ebe erekia jenkoleni d'e ri-eka ripụ a, ebe o jenkoleni d'a nọ gba nchara, ebe ohin jenkoleni d'a saeka gbukpọ. **21** Makeni ebe akụ-le-uba ụnu rị, iya kę obi ọnụ jenkö d'a rịzi.”

Ukpè Hụn Zu Oke

22 “Enya wụ ukpè hụn rị ehu. 'Ya wụ, omeni enya ụnu rị ikęn, ehu ụnu ile jenkö d'e nwọn ukpè. **23** Kanị, omelę enya ọnụ arị ikęn, ehiụ ụnu ile sikọ d'a wụ ishi-ishi. O mę nwan nị ukpè hụ rị imé ụnu wụ ishi, ishi hụ sikọ d'a karị eka!”

Odibo A Ra Saeka Fee Nna Ebụo

24 “O nwọnni onye a saeka e fe nna ębụo, makélé, ohu k'a rikęnmę e mkpa, hụn-ębụo arıkakö a mkpa;

móbú o wechanrin enwén e ye ohu, legberi hún-
ébó: y'a sakó éka fe Osolobue lè egho.”

Ehuele Uhue, Chogüü Nke Osolobue

²⁵ “Ya wü, m rí a gwa ọnú, ehuelé ni uhue ihién únú jénkó d'e ri móbü ihién únú sikó d'a ra gi rí ndün móbü ihién únú jénkó d'e yiye éhú ọnú. Ele ndün ka ihién-oriri mkpa? Ele éhú ka ékwa mkpa?
²⁶ Lekpôdë ni nnunú ndí hún e fehunméri: w'a ra kún ihién móbü e we ihién ugbo móbü donmë ihién imé ohan, bu Nédi ọnú hún rí elu-igwee hú e ye wé ihién-oriri. Ele únú ka wé mkpa a rí? ²⁷ Onyé imé únú sikó d'a saéka gi uhue o rí e hue gi mgbahunmë okulókú ohu tócheni? ²⁸ Kí haín ọnú gizi e hue uhue ihién únú jénkó d'e yi? Lekpó ni ké obobo rí imé ofiá don e sue: w'a ra rún oran, w'a ra kpa ékwa; ²⁹ kani, m rí a gwa ọnú ní, ké Solomónu nwéhanlé oghø, o yini ihién owule ríhan mma ké obobo ohu imé ndíni. ³⁰ Oméri Osolobue e yimé efifia rí ogige ihién rí mma enína—efifia hún rí ndün tanní, eki fon e bu w'e che imé okún—o yimekó únú hún ka mma? Euu, ndí okukwe nta! ³¹ 'Ya wü, ehuelé ni nwan uhue, a sì, 'Kí enyi k'e ri?' móbü 'Kí enyi k'a ra?' móbü 'Kí enyi k'e yi?' ³² Ndí kweriléni, uwé a chü ihién ndíni wé, bu ezioku-ezioku, Nédi únú hún rí elu-igwee a maringhó ni ihién ndíni ile rí ọnú mkpa; ³³ kama, chomagudé ni Ali-eze Osolobue lè ihién Osolobue chö, o sikó d'e yezikwó únú ihién ndíni ile.”

³⁴ “Ya wü, ehuelé ni uhue banyeni ekile, makéni ekile sikó d'e nwón nsongbu nke e; nsongbu ühüohin e zuguo n'a.”

Isi Nke Esa

Ikin Ibe i Ikpe

¹ “Amale ndị-ozọ ikpe amamgbe Osolobue a ma i ikpe. ² K'i dọn han enen kẹ Osolobue sikọ d'a dọn han n'i. Eka i gi mayeni ihiyan ihiyen kẹ Osolobue jeniko d'e gi mayen'i.

³ Kị haịn i gi a hụn irinrin-nkụn rị nwene i ẹnya, kanị y'a ra hụn ogwe-nkụn rị i ẹnya? ⁴ Nanị kẹ y'e dònzi saeka sị nwene i, ‘Nị m wepụ i irinrin-nkụn rị i ẹnya’ bụ ogwe-nkụn rị 'yụ lẹ enwene i ẹnya? ⁵ Onye ihunnai! Bu uzo wefụ ogwe-nkụn rị i ẹnya, keni i hụn uzo legha irinrin-nkụn rị nwene i ẹnya ọhunma mefụ.”

Egile Ihiyen Ri Nso Gu Egu

⁶ “Eyekwole nkite ihiyen rị nso; atukwole ihiyen rị i mkpa yeni ezin, amamgbe w'a zokpukpogu a, maye i ọgun, rụ i ẹhụ.”

Rio, Cho, Dü Eka

⁷ “Rio ni, wę sikọ d'e ye ọnụ; cho ni, ụnu sikọ d'a hụn; dü ni eka, wę sikọ d'a kpopụni ọnụ uzo. ⁸ Makeni onye ọwule rịonị jeniko d'e nwọnhen; onye ọwule chonị sikọ d'a hụn; wę sikọ d'a kpopụni onye ọwule dü eka uzo. ⁹ Onye imé ọnụ jeniko d'e ye nwa a akpuru-omuma omeni o rio a brèdi ¹⁰ móbụ ye e agwo omeni o rio a azun? ¹¹ 'Ya wụ, omeni ụnu wụ ndị njo marin kẹ ụnu dọn e ye ụmu ọnụ ihiyen rị mma, Nedi ọnụ rị elu-igwee eyekọ ndị rị a rịon'a ihiyen ka mma? ¹² 'Ya wụ, ihiyen ọwule i rị e mè, e mè ndị ozo ihiyen i cho ni wę mè i: ọnwan wegbamé ihiyen ile Iwu lẹ ndị-amuma ku.”

Uzo Mè Warara

13 “Ghasi ni ọnụ-mgbon hụ mè warara. Makeni, ọnụ-mgbon wẹ gha a banye ntikpọ shịa ashịa, uzọ a rizikwọ nfe, ndị hụn a gha uzọ hụ bu odata. **14** Kanị, ọnụ-mgbon wẹ gha a banye ndụn mè warara, uzọ a zezikwọ e ze, ndị a hụn n'a ebuni odata.”

Osisi Lẹ Mkpuru A

15 “Kpachanpụ ni ẹnya banyeni ndị amuma-ntụ: w'e kónrin ríké sị wẹ wụ atụnrụn, a bịa d'e kunrun ụnu, kale, eje-eworọ kẹ wẹ wụ. **16** Unu jenkö d'e gi m kpuru wẹ marin wẹ. Ihian a ra ghori grepu enu abi-ogun; ihian a ra ghori figi elu ogun-le-ekirika. **17** Eríra k'o gizi mè ni m kpuru rị mma kẹ osisi rị mma a mi, kanị m kpuru riléni mma kẹ osisi riléni mma a mi. **18** Osisi rị mma asako eka mi m kpuru riléni mma; osisi riléni mma a sakọ eka mi m kpuru rị mma. **19** Osisi ọwule hụn miléni m kpuru rị mma, e gbutu wẹ e, tu ye ọkụn. **20** Egheę, m kpuru ndini mi k'i jenkö d'e gi marin wẹ.”

“A Marin M'ili”

21 “Ele ndị ile hụn a kpọ m ‘Onye-nwọnnyi-enyi, Onye-nwònnyi-enyi’ jenkö d'a banye Ali-eze eluigwee, kanị, ndị hụn e mè uche Nedi m hụn rị eluigwee, uwé suọ. **22** Uhuohin hụ, ndị bu odata jenkö d'a sị m, ‘Di-nwònnyi-enyi, Di-nwònnyi-enyi! Ele ẹfan i kẹ enyi gi bu amuma? Ele ẹfan i kẹ enyi gi chupụ eje-mmọn, rụn okęn orụn-atuménya rị ichen-ichen?’ **23** Ogen hụ, m sikọ d'a gwapụ wẹ, sị, ‘O nwònnyi ogen m gi marin ọnụ; gha nị ebe m rị pụ! Unu ndị e mè eje-ihien.’ ”

Mmadu Ebụo Ahụn Rị A Tun Ulo

²⁴ “Ya wụ, onye ọwule hụn nụ oku ndịnị m rị e ku, gi wę rụn ɔrun, sikọ d'a nọ kẹ onye hụ marịn ihien, hụn tun ulọ a ye elu ọmụma. ²⁵ Mirin nọ zue, ide-mirin nọ huhé, oken ufere a kpokwasị ulọ hụ, kanị ọ dannị, makeni wę rụnye e elu ọmụma. ²⁶ Kanị, onye ọwule nụ oku ndịnị m rị e ku bụ o gini wę rụn ɔrun sikọ d'a rị kẹ onye-nzuzu, hụn tun ulọ a ye elu uzunzun. ²⁷ Mirin nọ zue, ide-mirin nọ huhé, oken ufere nọ kpokwasị ulọ hụ, o nọ dan, dankpochannṛin ọhụnma-ọhụnma!”

Jizosị Kẹ Oku Rị Eka

²⁸ “Ogen Jizosị gi kugụ ihien ndịnị wę, nkuzi e nọ tụ igunrun hụ ile ẹnya. ²⁹ Makeni ọ kuzi wę nöké onye oku rị eka a, ẹle riké ndị-nkuzi Iwu wę.”

Isi Nke Esato

Jizosị A Zuọ Onye-oti (Mak 1.40-45; Luk 5.12-16)

¹ Ogen Jesu gi hidan enu oke hụ, igunrun hi-ogbe nọ sònémé e. ² ‘Ya Okènnye ohu wụ onye-oti nọ bia d'e kunrun e, gbur' e osekpu sị, “Di-nwọnni-ẹnyi, ọwụni y'a choghọ, i k'e ri-eka zuo m, a rị m ọchan.”

³ Jesu nọ tịnpụ eka, mètụ a, sị, “A choghọ m, dịnhịn n'i rị ọchan.” Ozigbo, oti hụ nọ gha a ẹhụ pụ, o nọ rị ọchan. ⁴ Jizosị nọ sị a, “Hụn a n'o nwònni onye i gwa ihienni; ka we enwèn i d'a ghosi onye nchụ-éjan, y'e ye oyiyé hụ Mozizi ku imé Iwu—gi ghosi wę nị y'a dìnhịngụo.”

Jizosị A Zuọ Odibo Onye-isi-agha Ndị Rom (Luk 7.1-10)

⁵ Ogèn Jizòsì gi banhan imé Kapanòm, onyé Romu ohu wù ɔkì-agha, hùn a kí ndí-agha ögún-isen no bìa d'e kunrun e, riò a, ⁶ sì, “Di-òkpa, emu rì a kù odibo m, o diné ediné ulò—o ra sa èka mehunmè, o rì imé okèn afùnfùn.” ⁷ Jizòsì nò sì a, “M sikò d'a bìa d'a zuò a.”

⁸ Kanì onyéni a kí ndí-agha ögún-isen nò sì a, “Di-òkpa, eruni m onyé i sikò d'a banhan iwe e, ka kuhù oku suò, odibo m k'a dìnhìn. ⁹ Makéni, mmé nwèn rì okpuru ihiàn, nwònzikwò ndí-agha rì okpuru m. M'a sì onyé ohu, ‘Jèn,’ o jèn; m'a sì onyé ozò, ‘Bìa,’ o bìa; sìzi igbòn m, ‘Mè ihiènni,’ o mè e.”

¹⁰ Ogèn Jizòsì gi nù ihièn o ku, o tū a ènya; o nò sì ndí rì e sòn n'e, “M rì a gwa ọnù ezioku, ahùntuni m onyé Izrèlù nwè okukwe nò ènìna. ¹¹ M rì a gwa ụnụ, ndí bu ọda sikò d'a gha azùn ile bìa, kè azùn ọwùwa-ènya-anwùn kè azùn ndídan ènya-anwùn, bìa d'e sòn Ebrahim lè Aziki lè Jekòpù e ri oriri imé Ali-eze elu-igwee; ¹² kanì ụmụ Ali-eze,* sikò d'a wù ndí wé tū ye ezi imé ishi, ebe wé jènkò d'a nò a kwan ékwan, a ta nkwenren-eze.” ¹³ O nò sì onyé hù hùn a kí ndí-agha ögún-isen, “Jènmè; ya rìn'i k'i dòn kweri.”

Ogen hù hùra, odibo e nò dìnhìn.

*Jizòsì A Zuò Ndí Bu Ọda
(Mak 1.29-34; Luk 4.38-41)*

¹⁴ Ogèn Jizòsì gi banye iwe Pita, o nò hùn ní nné nwunyé Pita diné ediné—emu rì a kù a, èhu-òkùn rì e nwun e. ¹⁵ O nò mètu a èka, 'ya èhu-òkùn hù nò hapù a. O nò lihi, lemè Jizòsì obìa.

* **Isi Nke Esato:12** ndí hùn nké a banye n'e

¹⁶ Ogèn ènyasi hù, wé nò wéhé ni Jizosì ndí bu odata eje-mmón rísonmè imé wé, o nò gi oku-ònù chupusonmè mmón ndíni wé, zuózikwò ndí ile emu ri a kú. ¹⁷ Ènína k'o dòn mèzu ihièn Chuku gi onye-amúma wú Azaya ku. Azaya sí, “O wepù orìa ènyi, buru emu ènyi.”

*Ihièn Isòn Jizosì Chọ
(Luk 9.57-62)*

¹⁸ Ogèn Jizosì gi hún igunrun hi-ogbe nòhunmè n'è, o nò sì umú-azùn a fetu mirin hù. ¹⁹ Ya onye-nkuzi Iwu nò bìa d'e kunrun e, sì a, “Di-nwònni-ènyi, m jénkò d'e sòn i ebe ọwùlè i jénkò.”

²⁰ Jizosì nò sì, “Ufu nwòn okporo; nnùnù e fe elu nwòn ẹkù; kaní *mme wú* Nwa nke Ihian e nwòn ebe *m'e* buche isi *m.*” ²¹ Onyè ozò imé umú-azùn a nò sì a, “Di-òkpa, ní m jéngùù d'e li nèdi *m.*”

²² Kaní Jizosì nò sì a, “Sònémè m, hapù ndí nwùnní ní wé li ndí nke wé nwùnní.”

*Jizosì E Tinyun Ebi
(Mak 4.35-41; Luk 8.22-25)*

²³ Ogèn o gi banyegùù imé ụgbọ-mirin, umú-azùn a nò sòn e banye. ²⁴ Idènmizi, ebi nò kpoma, hún wú ní ebiri-mirin nò kpónbanma imé ụgbọ hù; kale Jizosì ri ụran. ²⁵ Ya wé nò jen d'a kpötien e, sì, “Di-nwònni-ènyi, zuópùha ènyi! Ènyi e d'a la iwi!”

²⁶ O nò sì wé, “Kí hain onu gi a tụ egun? Unu ndí okukwe nta!” Ya o nò lihi oto, jụgbọ ebi hù lè ebiri-mirin hù. Ebe ọwùlè nò méchanrin rajúù.

²⁷ O tükènmè wé ènya. Wé nò sì, “Elee ụdị ihian wú ọnwan? Hún wú ní ufere lè ebiri-mirin e hume n'è isi!”

*Jizosì A Zuo Mmadu Ebùò Eje-mmòn Rì Imè Wé
(Mak 5.1-20; Luk 8.26-39)*

28 Ogèn o gi ru azùùn hùn-ebò—hùn wù alì ndì Gadara, ikènnye ebùò eje-mmòn rì imè wé nò gha ikpékpé bia d'e kunrun è. Wé tumè enya, e gbogbo, nke wù nì o nwònni onyè a saèka a ghafe azùùn hù.

29 Idumuzi wé nò yi oro, sì, “K'i gi ènyi e mè Nwa Osolobue? I bia d'e ye ènyi afunfun bụ ogèn e ke ru?”

30 Igunrun ezin rì èhù ebèhù a kpa nni. **31** Eje-mmòn ndì hù nò riò Jesu, sì, “Omele y'a chupù ènyi, dodo zi ènyi ye imè igunrun ezin hù.”

32 'Ya o nò sì wé, “Jènmè ni!” 'Ya wé nò púha, banyesonmè imè ezin ndì hù. Igunrun ezin hù ile nò kpotu, zùnban imè mirin hù, ragbu enwèn wé.

33 Ndì rì e du ezin ndì hù nò gbasi imè obodo d'a gwa wé ihièn ile mèni lè ihièn mè ikènnye ndì hù eje-mmòn te rì imè wé. **34** 'Ya ndì obodo hù nò púha d'e kunrun Jizosì; ogèn wé gi hùn a, wé nò riò a n'o gha egbèrè wé pú.

Isi Nke Itenei

*Jizosì A Zuo Onye-oro
(Mak 2.1-12; Luk 5.17-26)*

1 Jizosì nò banye imè ụgbò-mirin, fetu mirin si obodo e. **2** 'Ya wé nò gi ute buhen'e okènnye ohu orò kinmin. Ogèn Jizosì gi hùn okukwe wé, o nò sì onyen'i orò kinmin, “Atulé egun nwa m, a gbagharigùo wé i njò i.”

3 'Ya ndì hù imè ndì-nkuzi Iwu nò sì enwèn wé, “Okènnyen'i rì e kù aru.”

⁴ Kanị ogən Jizosị gi marịn ihiẹn wę rị e ro, o nọ sị, “Kị hain ọnụ gi e ro eje-ihiẹn imẹ obi ọnụ? ⁵ Elee hụn ka nfe: i sị, ‘A gbaghariguo wę i njọ i,’ ra i sị, ‘Lihi ọtọ jenmẹ ijẹn?’ ⁶ Kanị, m jenkọ d'a ghosi unu ni Nwa nke Ihian nwọn iken o gi a gbaghari njọ eluwani.” O nọ sị onyę hụ orọ kinmin, “Lihi ọtọ! Heri ute i, lama iwe i!”

⁷ Okènnnyę hụ nọ lihi ọtọ, lama iwe e. ⁸ Ogən igunrun ihiān rị ebēhụ gi hụn ihienni, egun nọ tụ wę, 'ya wę nọ ja Osolobue hụn ye ihiān ụdị ikenni mma.

*Jizosị A kpọ Matiu
(Mak 2.13-17; Luk 5.27-32)*

⁹ Ogən Jizosị gi gha ebahụn pukọ, o nọ hụn onyę ohu ẹfan a wụ Matiu ebe o nodiali imẹ ulo-orun ndị a na ụgwọ isi. O nọ sị a, “Sonmę m,” o nọ lihi ọtọ, sonmę e.

¹⁰ Ogən Jizosị gi nodị alị imẹ ulo iwe Matiu e ri ihiẹn-oriri, ndị bu ọda imẹ ndị a na ụgwọ isi lę ndị njọ nọ bịa d'e du 'ya lę ụmu-azụn a ri ihiẹn-oriri.
¹¹ Ogən ndị Itu-Farisi gi hụn ihienni, wę nọ sị ụmu-azụn a, “Kị hain onyę-nkuzi ọnụ gi e sòn ndị a na ụgwọ isi lę ndị njọ e ri ihiẹn-oriri?”

¹² Kanị, ogən Jizosị gi nụ a, o nọ sị wę, “Ndị ehịụ ri iken a ra chọ dibię, kama, ndị ehụ rileni iken wụ ndị a chọ dibię. ¹³ Jen ni d'a mụ ihiẹn okuni Ekukwo-nsọ ku wụ, ‘M chọ omikẹn, elejichụ-ejan.’ Makeni, ele ndị rị-ochan kẹ m bịa d'a kpọ ni wę roghari, kanị ndị njọ.”

*Ajụjụ Banyeni Ibu-ọnụ
(Mak 2.18-22; Luk 5.33-39)*

¹⁴ Umụ-azụn Jọnu nō bịa d'e kunrun Jizosi, ju a, sị, "Kị haịn ẹnyi lẹ ndị Itu-Farisi gi e bu ọnụ mbụ-lẹ-ebọ, kanị umụ-azụn i a ra bu ọnụ?"

¹⁵ Jizosi nō za wẹ, sị, "Nị ndị bịa agbamékukwọ sukuru ebe okennye rị a gba erekukwọ keleni pụ? Ogen lala hụn wẹ e gi wehụ a imẹ igunrun wẹ, ogen hụ, wẹ jenkö d'e bumẹ ọnụ."

¹⁶ "O nwonni onyé e gi erekwa ọhụn taleni a kwakin nke akan. Makeni, erekwa ọhụn hụ wẹ gi kwakin e sikọ d'a dokapụ, ebahụn ọ doka a jowaye njo. ¹⁷ W'a ra gizikwọ ihiẹn akan gbaye manya ọhụn. Makeni wẹ gi e, ọ gbawa, manya a kwanhu, ihiẹn wẹ gi gbaye e a la iwi. Kama, w'a gba manya ọhụn e ye imẹ ihiẹn ọhụn, ogen ahụn wẹ ẹbụo alakö iwi."

*Jesu A Zuọ Okpoho Hụ Ihiẹn Rị A Gba, Kpötien
Nwata Nwụnhunni
(Mak 5.21-43; Luk 8.40-56)*

¹⁸ Ebe ọ rị a gwa wẹ ihiẹn ndịnị wẹ, onyé ohu imẹ ndị-isị wẹ nō banhan, gbu n'e osekpu, sị, "Nwam-m-okpoho nwụnhunhụ kikenni, ka bịa d'e bu eka i kwasi a—makele, i bu eka i kwasi a, ọ sikọ d'a rị ndụn."

¹⁹ 'Ya Jizosi nō lihi ọtọ sònme e, 'ya lẹ umụ-azụn a. ²⁰ Idènmizi, okpoho ohu ihiẹn rị a gba kete ahụa mmębụo nō ghaha azụn Jizosi, mętụ ntin efe Jizosi eka. ²¹ Makeni ọ sị enwẹn e, "M mętuhụ ewuru e eka, m sikọ d'a rị mma."

²² Jizosi nō gbehutọ, ogen o gi hụn a, ọ nō sị a, "A tule egun nwa m, okukwe i e męolę i dịnhịn." Okpoho hụ nō dịnhịn ²³ Ogen Jizosi gi ru iwe onyé-isi hụ, hụn ndị rị e gbu erekpíri lẹ igunrun ihiẹn kẹ wẹ rị a zụn uzụn, ²⁴ ọ nō sị wẹ, "Pụ nị, nị nwata

hụ anwunni, ụran k'o rị." Wę nọ muma a ẹmu.
²⁵ Ogèn wę gi wepugụ ığunrun hụ ezi, o nọ banye, kwondon nwata hụ eka, nwata hụ nọ lihi. ²⁶ Ihienni nọ kpogbama egberé hụ ile.

Jizosì A Zuò Ndì Enya-ishì Ebùo

²⁷ Ogèn Jizosì gi gha ebèhụ pukò, ikennye ẹbuo ẹnya kpu ishi nọ sònme e, e yi oro, a sì, "Mẹ omikèn ẹnyi nwa Defidi!"

²⁸ Ogèn o gi banye imẹ ụlo, ndì ẹnya-ishì hụ nọ bia d'e kunrun e. O nọ sì wę, "Unu e kwerigho nị m sikò d'a saeka mè ihienni?" Wę nọ sì a, "Egheè, Di-nwɔnni-ẹnyi."

²⁹ 'Ya o nọ mètụ wę eka ẹnya, sì, "Ya rị nị ọnụ kẹ ụnụ dòn kweri." ³⁰ 'Ya ẹnya wę nọ shiapụ, wę nọ leghama ụzọ. Ya Jizosì nọ dokènme wę eka-ntin, sì wę, "Anjkwolè ni onyè ọwulè marìn ihienni."

³¹ Kanì a pụ wę, wę nọ kusonmè oku e egberé hụ ile.

Jizosì A Zuò Onyè Ghaleni E Ku Oku

³² Ogèn ndì ahụn ẹnya te kpu ishi gi pukò, ndì ozø nọ wèhé onyè-odin eje-mmòn rị imẹ e d'e kunrun Jizosì. ³³ Ogèn Jesu gi chupugụ eje-mmòn hụ, onyè-odin hụ nọ kumè oku. O tukènme ığunrun hụ ẹnya. Wę nọ sì, "A hùntuni wę ihièn nọ enìna imẹ Izrèlụ." ³⁴ Kanì ndì Itu-Farisi nọ sì, "O gi ikèn onyè-isi eje-mmòn a chupụ eje-mmòn."

Orùn Rìni E Hiké. Kanì Ndì K'a Rùnn'a Ebuni Oda

³⁵ Jizosì nọ ghama obodo-obodo, kẹ ndì shianị kẹ ndì mè ekere, a kuzi imẹ ụlo-ofufe ndì Ju, e zi ozioma Ali-eze, a zuò ụdi emu lè ọrià ile. ³⁶ Ogèn o gi hụn ığunrun ndì hụ rịsonmè imẹ obodo ndì

hu, omiken wę no meme e, makeni wę no kę ndi obi rulen ali, ndi nweleni onye e yeni wę eka—rikę atunrun nwonleni onye-ndu. ³⁷ O no si umu-azun a, “Ihien-ugbo wę sikö d'a ghę e hikę, kanı ndi orun ebuni odata. ³⁸ Me ni nwan ekpere rię Osolobue, Onye hun nwon ugbo, n'o zihe ndi-orun sikö d'a ghę n'a ihien-ugbo e.”

Isi Nke Iri

*Ndi-ozi Mmębuo Pu-ichen
(Mak 3.13-19; Luk 6.12-16)*

¹ Jizosi no kpö umu-azun a mmębuo, ye wę iken w'e gi chępu eje-mmɔn lę iken w'e gi zuo udi emu ile lę oria ile. ² Ndini wü ęfan ndi-ozi hu pu-ichen mmębuo, ndi apostu mmębuo: ndi ibuzo wü Saimonu hun w'a kpö Pita ni Andurụ nwene e; Jemisi nwa Zebədi lę Jonu nwene e; ³ ndi ozo wü Filipu lę Batolomi; Tamosi ni Matiu (Matiu hun e te na ugwo isi); Jemisi nwa Alifiosi lę Tadios; ⁴ Saimonu hun te ri ndi gi eka-iken e me ni wę chępu ndi Rom ri a kę ali wę; onye ozo wü Judas' Iskarotu hun ren'e ogęn ikpazun.

*Orun Mmadu Mmębuo Hu
(Mak 6.7-13; Luk 9.1-6)*

⁵ Jizosi no zipu mmadu mmębuoni, si wę, “Ejenkwolę ni d'e kunrun ndi wuleni ndi Ju; abanyekwolę ni obodo ndi ali Sameria owitz. ⁶ Kani, jenmę ni d'e kunrun ndi Izrelu, atunrun Osolobue huni. ⁷ Onu jenkonji, e zi ni ozioma, a si, ‘Ali-eze elu-igwee a riguo nsue.’ ⁸ Zuo ni ndi emu ri a kę, kpotien ni ndi nwunnj, zuo ni ndi oti—kenci

* **Isi Nke Iri:3** Lebayosu

wę rị ọchan, chụpụ ni eje-mmọn. Ụnụ nwọnhen e ọfẹ, ye n'ẹ ọfẹ. ⁹ Ewerile ni ego ọwule. ¹⁰ Ebule ni ẹkpa; ewerile ni ẹwuru mọbụ akp'okụ ozọ che ni hụn ụnụ yi; ewerile ni ọkpo. Makeni, o furu ni wę ye ndị-ørụn ihiẹn wę gi e bi.”

¹¹ “Obodo ọwule ọnụ banye, kẹ hụn shia ẹfọ kẹ hụn shialeni, chorị ni onyę furuni. Nodị ni iwe e d'e ru ogęn ụnụ e gi gha obodo ahụn pụ. ¹² Ọnụ gha a banye imę ulo hụ, kele ni wę. ¹³ Omęni ndị rị ulo hụ e furughọ nke-esi, udon hụ ụnụ kele a rị ni wę; kani omęni efuruni wę, udon ụnụ e kinhenni ụnụ azụn. ¹⁴ Onyę ọwule mọbụ obodo ọwule nabanhaneleni ọnụ mọbụ ju n'o gɔnkọ ozi ụnụ ntịn, ụnụ pukonị iwe onyę hụ mọbụ obodo hụ, tichanpụ ni ejan rị ọnụ okụ tọ n'a. ¹⁵ Ezioku kẹ m rị a gwa ụnụ, o sikọ d'a ka obodo hụ njọ karị ali Sodom-lẹ-Gomora Ụhuohin Ichin-ikpe.”

Ukpokpo Hụn Lalani
(Mak 13.9-13; Luk 21.12-17)

¹⁶ “Lee n'ẹ, m rị e zipụ ọnụ nökę ebe wę nọ zi atunrun jen ebe ẹworo† rị. E gi ni akọ e bi, rịkẹ agwo, ka rị ni kẹ nduru hụn ghaleni a rụ onyę ọwule ehụ. ¹⁷ Kpachanpụ ni ẹnya ebe ijiyan rị, makeni wę jenkọ d'e wejen ọnụ ọgwa rị ichen-ichen, fian ụnụ mkpińsın imę ulo-ofufe wę. ¹⁸ Wę sikọ d'e gi ufiri m dokpụn ọnụ jenni ndị Govano lẹ ndị-nze, ọnwan jenkọ d'e me keni ụnụ shia ni m eri id'ẹnya wę lẹ id'ẹnya ndị ali ndị ozọ ile wuleni ndị Ju. ¹⁹ Kani ogęn w'e gi we ọnụ ye wę, ehuelé ni uhue banyeni ihiẹn ụnụ jenkọ d'e ku mọbụ kẹ ụnụ a dọn ku e, makeni ụnụ jenkọ d'e nwọnhen ihiẹn ụnụ jenkọ d'e

† Isi Nke Iri:16 wofu

ku ozigbo hụ. ²⁰ Makeni ele ụnu jenkö d'e ku, kama, Mmọn Nedi ọnụ jenkö d'e gi ụnu ku.”

²¹ “Umune jenkö d'e we umune wę ye wę gbu; ndị nedi jenkö d'e we ụmu wę ye wę gbu; ụmu jenkö d'e bunumani ndị muni wę, mę wę gbu wę. ²² Ize ụnu jenkö d'a ban ihiyan ile makę ufiri ẹfan m, kani onyę hụn din ndidi d'e ru njendemę jenkö d'e nwę nzuopuha. ²³ Wę kpokpo ọnụ imę obodo ohu, gbasi ni hụn sòn'n'e. M rị a gwa ụnu ezioku nị ụnu gini d'e jenchanringụụ obodo ile rị Izrèlụ, Nwa nke Ihiyan sikö d'a bija.

²⁴ Onyę wę rị a zụn ara karị onyę rị a zụnn'a, odibo ara karị nna a. ²⁵ O hughọ mma nị onyę wę rị azụn rị kę onyę rị a zụnn'a lę ni odibo rị kę nna a. Owule wę kpọ nna hụn nwọn ulọ ‘Bézibọ’ (onyę-isi eje-mmọn ile), ki wę jenkö d'a kpọ ndị ulọ a?”

Onyę Hụn Furu W'a Tu Egún E (Luk 12.2-7)

²⁶ “Ya wụ, atule ni nwan egun wę. Makeni o nwọnni ihiyen kpumeni hụn jenkoleni d'e kpupụ, mọbụ hụn zuerini hụn jenkoleni d'a wa. ²⁷ Ihiyen m gwa ọnụ imę ishi, ku n'e ifonrin-ifon; ihiyen wę kagwa ụnu, gi n'e yi oro elu ulọ. ²⁸ Atule ni egun ndị hụn sikö d'a saeka gbu ęhụ bụ a sa wę ęka gbu umęndụn; ka tu nị egun onyę hụn sikö d'a saeka tikọ kę umę-ndụn kę ęhị imę ọkụn-mmọn. ²⁹ Ele ębuo ịkobọ kę w'e re achụ? Kani o nwọnni achụ ohu hụn sikö d'a dan alị omení Nedi ụnu a nị n'a dan. ³⁰ Kę ntutu rị ụnu isi, wę gun wę a gun. ³¹ Ya wụ, atule ni nwan egun, ọnụ ka mkpa a rị karidę achụ bu ọda.”

*Ikupụ A N'i Wụ Nke Kraistị Lẹ Ighorị Nị Y'elẹ Nke
E
(Luk 12.8-9)*

³² “Ya wụ, onyę ọwule nọ id'enya ihiyan kupụ a n'o wụ nke m, 'ya kę m jenkọ d'a nọ id'enya Nędzi m hụn rị elu-igwee kuzikwọ a n'o wụ nke m. ³³ Kanị onyę ọwule nọ id'enya ihiyan ghori, sị n'o marin m, m jenkọ d'a nọ id'enya Nędzi m hụn rị elu-igwee sizophwọ nị a marin m'a.”

*Elep Udọn Kanị Opia-agha
(Luk 12.51-53; 14.26-27)*

³⁴ “Erokwole ni nị m bịa d'e mẽ ihiyan ile hēnrin ohu elu ụwa? Mba, ezioku kę m rị a gwa ụnu, ele ịri-ohu kanị opia-agha hụn e kebeni. ³⁵ Makeni m bịa d'e kebe okennye lẹ nedị e, okpoho lẹ nnę e, nwunye-nwa lẹ nnę-di e. ³⁶ Ndị ulọ ihiyan jenkọ d'a wụ ejen-iñenren wę.”

³⁷ “Onyę ọwule ihien nedị e móbụ nnę e ka a sụo karị kę ihien m dọn a sụo a efuruni onyę sikọ d'e sonni m; onyę ihien nwa-a-okennye móbụ nwa-a-okpoho ka a sụo karị kę ihien m dọn a sụo a efuruni onyę sikọ d'e sonni m. ³⁸ Onyę ọwule hụn buruleni obe† e sonmę m e furuni onyę jenkọ d'e son ni m. ³⁹ Onyę ọwule cho n'o ghe isi e, isi e a tọ, kanị onyę hụn tuhu ndụn a makę ufiri m jenkọ d'a hụn a.”

*Ugwó-orùn Ndị-ozị Jesu Lẹ Ndị Nabanhannị Wę
(Mak 9.41)*

‡ **Isi Nke Iri:38** Ogèn ahụn, ndị Rom e gi obe wę gi osisi mémę e gbu onyę wę ma ikpe-onwụn. Onyę hụ e buru obe e sonmę ndị-agha hụn jenkọ d'a kpogbur'ę. Wę kpomagụ a elu-obe, a nὸdị wę ebęhụ e che nche d'e ru ni ọ nwụnhụn.

40 “Onye ọwule nabanhān ụnu, nabanhān m; onye hūn nabanhān nī m nabanhān onye zihēni m. **41** Onye ọwule hūn nabanhān onye-amūma makēni o wū onye-amūma jenkō d'e nwōnhēn ugwo-ørūn onye-amūma; onye ọwule hūn nabanhān onye hūn e bi kē Osolobue chō makēni o bi kē Osolobue chō jenkō d'e nwōnhēn ugwo-ørūn onye e bi kē Osolobue chō. **42** Onye ọwule ye onye ohu imē ndīnī mē ekere mkpu mirin-oyi ohudē makēni o wū nwa-azūn m, m rī a gwa ụnu ezioku, ugwo-ørūn onye hū etuhukō.”

Isi Nke Mmanai

*Ndi-ozi Jönü Hün E Mirin-Chuku Zihé
(Luk 7.18-35)*

1 Ogen Jizosị gi gwagụụ umu-azūn a mmębụ hū ihien ndī wę jenkō d'e mē, o nō gha ebęhụ pü d'a kuzimę, e zi ozi imē obodo wę ndī shia-efo. **2** Ogen Jönü hūn e mē mirin-Chuku gi nō ụlo-ngan nū ihien ndī hū Kraistị rī e mē, o nō zi umu-azūn a d'e kunrun e, **3** sị a, “Iyụ wū onye hū sikō d'a biani ra enyi sikō d'e lemę enya onye ozo?”

4 Jizosị nō za wę, sị, “Jen ni d'a gwa Jönü ihien ọnụ rī a nū lę ihien ụnu rī a hūn: **5** ndī enya te kpu ishi a hūnmagụo uzō; ndī nguro e jenmęguo ijen; ndī oti hū a dīnhīn, a wūrū ndī rī ọchan; ndī odin a numagụo ihien, wę hū e welī ndī nwūnnī, wę hū e zi ndī igbennye ozioma. **6** Ngozi ya rī nī onye gilēni ihien o hūn m ęhụ nwemē obi-ebuq!”

7 Ogen umu-azūn Jönü gi pukō, Jizosị nō gwama igunrun hū oku Jönü, sị, “Kini kē ọnụ jen imē atu d'e lee? Efifia ufere rī e buhunmē? **8** Kini kē

ụnu jenzi nwan d'e lee? Onye yi ekwa ñanrannị? Kaka, ọgwa ndị-nze kẹ wẹ nọ a hụn ndị yi ekwa ọma ñanrannị.⁹ Kịnjị kẹ ụnu jenzi nwan d'e lee? Onye-amụma? M sị ọnụ eghẹ, ọ karidị onye-amụma.¹⁰ Hụnnị wụ onye hụ wẹ de banyen'ę, sị,

'Lee ę,

m rị e zi onye ozi m
n'o buru n'i uzọ,
kwademẹ n'i uzọ.'

¹¹ Ezioku kẹ m rị a gwa ụnu, imẹ ndị ikpoho mụ, o ke nwọn onye ọwule hụn ka Jọnụ hụn e mẹ mirin-Chuku. Kanị onye hụn kachanriṇ ntịn imẹ Ali-eze elu-igwee ka a. ¹² Gha ogen Jọnụ hụn e mẹ mirin-Chuku gi bidon ọrun a d'e ru ogenni, Ali-eze elu-igwee hụ e gi ik'en-ik'en a gha ihun, ndị-ik'en hụzị e gi ik'en a banye ę. ¹³ Makeni ndị-amụma ile lę Iwu Mozizi busonmẹ amụma, kusonmẹ uche Osolobue d'e ru ogen Jọnụ gi bịa. ¹⁴ Oméri ụnu jenḳo d'e kweri, Jọnụ lę enwèn ę wụ Elaija hụ wẹ de n'o lala-alala. ¹⁵ Onye hụn nwọn ntịn 'ya nụ."

¹⁶ "Kịnjị kẹ m sikọ d'e gi nwan ma atụ agbọnị? O nọ kẹ ụmuęka nọdị alị imẹ afia, a hị ibe wẹ, a sị,

¹⁷ 'Enyi gi ekpiri bụ ębu a suonị,
ọnụ e tenni egū;
enyi e ye olu ekwan,
ụnu akwanni ekwan.'

¹⁸ Makeni, ogen Jọnụ gi bịa, o rini, ọ ranị—wẹ sị, 'Eje-mmọn rị imẹ ę.' ¹⁹ Mmẹ wụ Nwa nke Ihian a bịa, m hụ e ri, a ra—wẹ sị, 'Lee onye oken ihięnoriri, onye-manya, ọwụ ndị a na ugwo-isi lę ndị ọzọ wẹ gi njọ marin k'ọ wụ.' Kanị, ihięnen wẹ gi a marin amamihięn wụ ihięnen ọ runpuha."

*Jesu A Banmanị Obodo Ndị Hụn Kwerilẹni Ozi
Wę Zi Wę Mban
(Luk 10.13-15)*

20 'Ya ọ no banmanị obodo ndị hụ ọ ka ɔrun-atumemenya a rụn imẹ wę mban, makeni e rogharini wę. 21 "O sikọ d'a fụ ụnu ndị Korazin' ɔrun! O sikọ d'a fụ ụnu ndị Bésaídà ɔrun! Makeni omení imẹ ali Taya-lę-Sidonu kę wę no rụn oken ɔrun-atumemenya ndị wę rụn imẹ Korazin lę Bésaídà, nké o teké ndị Taya-lę-Sidonu roghari, yiri ekwa ahio, kpọn ntụn kpu enwèn wę gi ghosi ni e roghariguo wę." 22 "M rị nwan a gwa onu, nke Taya-lę-Sidonu k'a ka nke ụnu mma Uhuohin Okinkin-ikpe. 23 Kę ịyụ wụ obodo Kapanom, wę sikọ d'e busi i elu-igwee? Mba, wę jenkọ d'e wetu i si ali-mmモン. Makeni, omení imẹ *eje-alị* ahụn wụ Sodom kę wę no rụn oken ɔrun-atumemenya ndị wę rụn imẹ i, nké o mè ni ọ hụ a d'e ru tanni. 24 M rị nwan a gwa i, nke Sodom k'a ka nke i mma Uhuohin Okinkin-ikpe!"

*Bia Nị D'e Kunrun M Nị Ọnu Zu Ikẹn
(Luk 10.21-22)*

25 Ogèn hụ, Jizosị no sị, "M rị e kele i Baba, Onye nwọn elu-igwee lę ụwa, makeni i zuemени ndị marin ihiẹn lę ndị nwụ uche ihiẹn ndini, we e ghosi umu-ndu. 26 Eghẹ Baba, enina k'o dọn suọ i." 27 "Nedi m e buguo ihiẹn ile che m eka. O nwọnnye onye ọwule marin Nwa wezuka Chuku-Nedi; o nwònnye onye ọwule marin Chuku-Nedi wezuka Nwa, lezi onye ọwule Nwa chọ n'o mè e n'ọ marin Chuku-Nedi.

28 Bia nị d'e kunrun m, ụnu ndị ndun gụ, ndị bu ibu nyinni, m jenkọ d'e ye ụnu izu-ikẹn. 29 Yiri ni

agbun m—yoku m*, ụnu a munarịn m; makeni m wụ onye rị jụ, hụn e welua enwèn e alị imē obi. Ọnụ mē e, umē-ndụn ụnu e zu ikēn. ³⁰ Agbun yoku m† a ra kēnren, ibu m'e buye ihiān ara nyin.”

Isi Nke Mmębuo

*Ajụju Banyeni Uhuoḥin Izu-ikēn
(Mak 2.23-28; Luk 6.1-5)*

¹ Ogen hụ, o ru Uhuoḥin Izu-ikēn ohu, Jizosi ghafekọ ugbo wẹ kụn ọka-witi; ẹgụn hụ a gun ụmu-azụn a, 'ya wẹ nō ghoriṇa ọka-witi a ta. ² Ogen ndị Itu-Farisi gi hụn ihienni, wẹ nō sị a, "Y'a hụn a, ụmu-azụn i e méméolé ihiēn iwu sị w'e mélé Uhuoḥin Izu-ikēn."

³ O nō sị wẹ, "Unu e ke gantu ihiēn Defidi mē ogen ẹgụn gi rị a gun 'ya lẹ ndị 'ya lẹ wẹ wị? ⁴ K'o dọn banye ulo Osolobue, ri bredi-nsọ ahụn w'e bupuhani Osolobue, hụn iwu sị n'o furuni nị iya mọbu ndị ya lẹ wẹ wị ri e, nị ndị nchụ-ejan suọ* e ri e?" ⁵ "Ra ọnụ e ke gantu imē Iwu k'o dọn wụrụ nị, o ru Uhuoḥin Izu-ikēn, ndị nchụ-ejan rị a rụn ọrun imē Ulo-nsọ a dan iwu Izu-ikēn† bụ ikpe amanị wẹ?

⁶ M rị nwan a gwa ụnu nị ihiēn ka Ulo-nsọ rị ebeni! ⁷ Oméri ụnu te marin alị okuni: 'M chọ omikēn ẹlẹ ịchụ-ejan‡, ọnụ e ke gha a ma onye

* **Isi Nke Mmanai:**²⁹ Griki: Yiri ni yoku m. Yoku wụ ihiēn wẹ gi e kengbama efin ẹbụo wẹ gi a rụn ọrun-ugbo keni wẹ saeka jen ahanmahan.

† **Isi Nke Mmanai:**³⁰ Griki: yoku m * **Isi Nke Mmębuo:**⁴ 1 Samuēl 21.1-6 † **Isi Nke Mmębuo:**⁵ ghahanị iṛụn ọrun Ulo-nsọ Uhuoḥin Izu-ikēn ‡ **Isi Nke Mmębuo:**⁷ Hosaya 6.6 k'o rị

nwōnlēni ihiēn o mē ikpe. ⁸ Makēni, mme wū Nwa nke Ihiān kē oku Uhūohin Izu-ikēn rī eka.”

*Okēnnye Eka Ohu Nwūnhūn
(Mak 3.1-6; Luk 6.6-11)*

⁹ Jesu nō gha ebahūn pū, banye ulō-ofufe wē. ¹⁰ O nwōn okēnnye eka ohu nwūnhūn rī ebēhū. Ndī-Itu-Farisi ndī hū chōkō ihiēn w'e gi ma Jesu ikpe, wē nō jū a ụtaa, sị, “Iwu kwerioghō nī wē zuo ndī emu rī a kū Uhūohin Izu-ikēn?” ¹¹ O nō sị wē, “Omēni onyē ohu imē onu nwōn atunrūn ohu suq, nī atunrūn hū a danban imē olu Uhūohin Izu-ikēn, o zukō eka ye e, wepūha? ¹² Bū ihiān ka mkpa ọda-ọda karī atunrūn. 'Ya wū, iwu e kwerioghō nī w'e mē ihiēn rī mma Uhūohin Izu-ikēn.” ¹³ 'Ya o nō sị okēnnye hū, “Tinpū eka i.” O tinpū a, o nō rī mma kē hūn-ēbo. ¹⁴ Kani, ndī Itu-Farisi ahūn nō pū d'e ri n'ē ngo kē wē sikō d'a dọn gbu e.

Odibo Osolobue Horī

¹⁵ Ogēn Jizōsị gi marīn ihiēn ndī Itu-Farisi ahūn romē, o nō gha ebahūn pū, ndī bu ọda nō sōnmē e, o nō zuochanrin wē ile. ¹⁶ O nō dō wē eka ntīn w'a nīlē ihiān marīn nī iya rō. ¹⁷ Onwan wū igi mēzu ihiēn Osolobue gi onyē-amūma wū Azaya ku, sị,
¹⁸ “Ledē odibo m, hūn m horī; ezi odibo m rō; ihiēn e a suoka m.

M jēnkō d'e bu Mmōn-nsō m kwasị a; o jēnkō d'a ghōsī ndī alī ndī ozo ile rī ụwa ezigbo eñen.

¹⁹ O dōkō ndōndō mōbū yi oro; o nwōnni onyē sikō d'a nū olu e ọgbara-ogbe.

²⁰ O kpagipukō ẹfifia-ridi rī a kpagini mōbū tinyūnpū ukpē rī e tinyūnni,
d'e ru ni o ye ezi-omumē mmēri.

21 Ndị ali ndị ọzọ ile jẹnkọ d'e gide ἑfan a nwọn olil'ẹnyá."

Jizosí Lé Bézibó

22 'Ya wé nō wéhen'ē onyé eje-mmón rí imé e, hún o mèni a ra legha uzo, a ra ku oku. O nō zuo a, onyé ẹnyá-mpin odin hú nō kumé oku, húnma uzo.

23 O nō tükénmè igunrun hú ẹnyá, wé nō sí, "Onwan wúdè nwan Nwa Defidi ra?" **24** Kaní ogéndi ndí Itu-Farisi gi nü a, wé nō sí, "Ikéñ Bézibó, onyé-isi eje-mmón ile, ké okénnnyéni gihú a chupú eje-mmón."

25 Jizosí a marínguó ihién wé rí e ro imé obi wé, o nō sí, "O nwónni ali-eze ọwule kebeni hún wé jénkoléni d'a la iwi; o nwónni obodo móbu ikpun-ulo kebeni hún sikó d'a toní. **26** Oméle Ekwensú rí a chupú Ekwensú, o kebeguó enwéne. Naní ké ali-eze e e dòn nwan tó? **27** Oméni ikéñ Bézibó ké m gi a chupú eje-mmón, ikéñ onyé ké ndí nke ụnú gi a chupú wé? 'Ya wú, uwé jénkọ d'a ma ọnú ikpe. **28** Kaní, oméni ikéñ Mmón-nsó Osolobue ké m gi a chupú eje-mmón, 'ya wú ní Ali-eze Osolobue e ruguolé ebe ụnú rí. **29** Naní ké ihián e dòn saéká banhan iwe dikéñ, kwari ibu e, mmaní o bu uzo kénmeguó a? Eghéé, o kénmeguú a k'o nō saéká kwari ihién rí iwe e.

30 Onyé ọwule hún ríleni azún nke m rí a lúsón m ogún; onyé ọwule hún ghaléni e són m e kpónkikomé rí e kpónyiya. **31** M rí nwan a gwa ụnú ní wé jénkọ d'a gbaghari ihián njó ọwule, gbaghari wé arú ọwule wé ku, kaní agbagharíkó wé onyé ku arú banyeni Mmón-nsó. **32** Wé jénkọ d'a gbaghari onyé ọwule kuja oku mmé wú Nwa nke Ihián;

kanị, agbagharịkọ wę onyę kuja oku Mmọn-nsọ, agbagharịkọ w'a kę ogenni kę ogęn lalani.”

Osisi Lẹ Mkpuru A

³³ “Mémé osisi n'o rị mma, mkpuru a jenkọ d'a rị mma; memé osisi n'o jọ njo, mkpuru a sikọ d'a jọ njo—makèni mkpuru osisi kę wę gi a marin a. ³⁴ Igunrun agwo! Nanị kę ụnụ a dọn saeka ku ihiẹn rị mma ebe ọnụ wụ ndị-njo? Ihiẹn jun ihijan imé obi y'a gha a ọnụ a püha. ³⁵ Ezigbo ihijan, a gha ihiẹn rị mma rị a imé e wepuha ihiẹn oma, kanị eje-ihijan a gha eje-ihiẹn rị a imé e wepuha eje-ihiẹn. ³⁶ M rị a gwa ụnụ n'o ru Uhụohin Ichin-ikpe, ihijan jenkọ d'a za ajụju banyeni oku ile nwọnleni isi hụn wę ku. ³⁷ Makèni wę jenkọ d'e gi ihiẹn i ku ma i ikpe, gizikwọ ihiẹn i ku sị nị ikpe a manị i.”

A Sị Wę Jesu Ghosi Wę Ahịma Pu-ichẹn

³⁸ 'Ya ndị hụ imé ndị-nkuzi Iwu lẹ ndị Itu-Farisi n'o sị Jesu, “Onyę-nkuzi, enyi chọ n'i ghosi enyi ahịma pu-ichẹn hụn gha eka Osolobue bia.” ³⁹ Kanị o nọ sị wę, “Eje-agbọ enya rileni uze ohu sị wę ghosi wę ahịma! Kale, o nwònni ahịma wę jenkọ d'a ghosi wę wezuka ihiẹn mè onyę-amụma wụ Jona: ⁴⁰ ेrìra Jona dọn nödị imé ẹfọ azụn hụ hi-ogbe akpụ-uhụohin eto kę mmę wụ Nwa nke Ihijan sikọ d'a nödị imé alị akpụ-uhụohin eto.

⁴¹ Ndị Ninivę jenkọ d'a püha ọsheri Ogen Okinkin-ikpe, shiagbu ndị agbonị eri, makèni e rogharioghọ wę ogen Jona gi zi wę ozi Osolobue—bụ ihiẹn ka Jona rị ebeni!

⁴² Eze-okpoho alị Shiba, alị hụ rị azụn ndịdan-mirin, jenkọ d'a püha ọsheri Ogen Okinkin-ikpe, shiagbu ndị agbonị eri. Makèni, o gha alị tegbu

enwēn e bia d'e gon amamihiēn Solomōnū ntin; ka lee nwan, ihiēn ka Solomōnū rī ebeni!"

*Ihiēn E Wekinhēn Eje-mmōn Wē Chupuguu
(Luk 11.24-26)*

⁴³ “Eje-mmōn gha imē iħian pu, o għas-Sonm ebe mirin rilejni, a chō ebe o sikò d'a no zu iken. Omieni o hunni, ⁴⁴ o jenkò d'a si enwēn e, ‘M sikò d'e kin-azżuun iwe m hūn m għa puha.’ O bia, hūn a ni o nwōnni ihiēn riñ'a, ni a zachanringu q'w'a, donzichanrin a, ⁴⁵ o jen d'e wéhé eje-mmōn esa ozo hūn ka ya le enwēn e njø, ‘ya le wé a wi banye ebekku d'e biri. Qnodi ikpazuun ony়ে hū a ka njø karj nke mbu. Erira k'o jenkò d'a rizikwō ni ndi eje-agħboni.”

*Nnē Lé Umuñé Jizoñi
(Mak 3.31-35; Luk 8.19-21)*

⁴⁶ Ogħen Jizoñi gi rī a gwa igunrun hū oku, nnē e le umuñé-egħenneye no bia d'e turu ihun ezi, a chō ni wé gwa a oku. [⁴⁷ Ya kę ony়ে ohu no si, “Lee, nnē i le umuñé i ikennnye turu ihun ezi, wé chō ni wé gwa i oku.”] ⁴⁸ Kani, o no za ony়ে hū gwa n'a, si, “Ony়ে wu nnē m? Elee ndi wu umuñé-m-ikennnye?” ⁴⁹ O no zin umu-azjuun a ċeka, si, “Ndini rī ebeni wu nnē m le umuñé-m-ikennnye. ⁵⁰ Makeni ony়ে őwule hūn e mē uche Nedi m hūn rī elu-igwee wu nwene-m-ikennnye le nwene-m-okpoho le nnē m.”

Isi Nke Mmētō

*Ilu Jesu Gi Ony়ে-ugbo Ta
(Mak 4.1-9; Luk 8.4-8)*

¹ Uhuhohiñ hū, Jizoñi no għa imē ulu pu, jen d'a nođi al-ġiġi m-kpēnren mirin Galili. ² Igunrun hi-ogbe

nō fihunmē e, hūn wū nī o nō banye imē ugbo, nōdī ali, igunrun hū ile nō turu mkpēnren mirin.³ O nō gi ilu gwa wē ihiēn bu ọda, sī, “Gon ni ntin! O nwē onyē-ugbo jen d'a gha mkpuru imē ugbo.

⁴ Ogēn o gi rī a gha a, mkpuru ndī hū imē wē a danye ọkp'uzo, nnunụ nō bia d'e ripu wē. ⁵ Mkpuru ndī ozō a danye ali-omuma ebe ejan rileni ọda, pu ozigbo makelē ejan arī a ọda. ⁶ Kani, ogēn anwun gi wa, o ma wē, wē nō shinwun, makeni enwọn wē nkporogun. ⁷ Mkpuru ndī ozō a danye ebe ogun rī, ogun ndī hū nō sue, dungbu wē. ⁸ Mkpuru ndī ozō a danye ali rī mma, mị mkpuru; ndī hū imē wē a mị uzō ogun isen, ndī hū uzō ogun eto, ndī hū iri kwasi Ọgun.

⁹ Onyē nwọn ntin 'ya nu.'

*Ihiēn Haīn Jesu Gi A Tasōnmē Ilu
(Mak 4.10-12; Luk 8.9-10)*

¹⁰ Ya kē ụmu-azuwun Jizosị nō bia d'e kunrun e, sī, “Kị haīn i gi e gi ilu a gwa wē oku?”

¹¹ O nō za wē, sī, “E yeguo wē ụnu oghere ọnụ e gi marin ihiēn-mini rịsōnmē Ali-eze elu-igwee, kani eyeni wē wē. ¹² Makeni onyē hūn nwọnni kē wē jenkö d'e yecheni, keni o nwē mmagi-mmagi; kani onyē hūn nwònleni, wē k'a napu a hūn o nwède.”

¹³ “Ihiēn haīn m gi e gi ilu a gwa wē oku wū nī wē rī e lee ilee, kani a rī w'a hūn uzō; w'e gon ntin, kani a rī w'a nu, a rī w'a ghoha. ¹⁴ Ihiēn onyē-amuma wū Azaya ku e meguo ebe wē rī—Azaya sī,

‘Nke esi,
ọnụ jenkö d'a nu,
kalé o nwònni ogēn ụnu e gi ghoha;
ụnu jenkö d'e lee ilee,

kanị o nwɔnni ogɛn ụnu e gi legha uzo, ¹⁵ makeni ndịnị a ra ghọha,
 ntin wę a kpokinguo,
 a nyunmaguo wę ẹnya,
 amamgbe w'e gi ẹnya wę legha uzo, gi ntin wę nụ ihiẹn,
 gi uche wę ghọha,
 gbehutø d'e kunrun m,
 a gbaghari m wę njo wę—ya kẹ Osolobue ku.' "

¹⁶ "Kanị, wę gozi ẹnya ọnụ agozi, 'ya hain wę gi rị a hụn uzo; wę gozizikwọ ntin ụnu agozi, 'ya hain wę gi rị a nụ ihiẹn. ¹⁷ Ezioku kẹ m rị a gwa ụnu, ndiamụma bu ọda lę ndị bu ọda hụn mè ihiẹn Chuku chọ e te choguo ni wę hụn ihiẹn ọnụ rị a hụn, kanị a hunnị w'a; a choguozi wę ni wę nụ ihiẹn ụnu rị a nụ, kanị anunị w'a."

*Ihien Jesu Gi Ilu Onye-ugbo Hụ Kuzi
 (Mak 4.13-20; Luk 8.11-15)*

¹⁸ "Nụ ni nwan nkowa ilu hụ m gi onye-ugbo ta:
¹⁹ Ogen ihiān gi nụ oku Ali-eze bụ ọ ghohan'a, Ejeyonye hụ a bịa, ọ junarịn a ihiẹn wę kụnye imē obi e. Ọnwani wụ hụn wę kụnye ọkp'uzo. ²⁰ Hụn danye alị-omụma wụ onye hụ hụn nụ oku hụ, gi ighoghọ nabahanhan a ozigbo. ²¹ Kanị, makeni onye hụ e nwę nkporo, ọ tohụ erekere. Ogen nsongbu móbu ukpokpo e gi bịa make oku hụ, ọ danpu ozigbo. ²² Hụn wę kụnye imē ogun wụ onye hụ hụn nụ oku hụ, kanị uhue ihiẹn ụwanị lę ihiẹn ọlil'ẹnya akule-uba ụwanị a kpangbu oku hụ, ọ mìnị mkpuru. ²³ Kanị, mkpuru wę kụnye alị rị mma wụ ndị hụ hụn nụ oku hụ, ghọha a, mị mkpuru ezie-ezie: ndị

hụ imẹ wẹ a mị ụzọ ögün-isen, ndị hụ a mị ụzọ ögün-
etọ, ndị hụ a mị ụzọ iri-kwasị-ögün.”

Ilu Jesu Gi Ata-witi Ta

24 O nọ ta nị wẹ ilu ọzọ, sị,

“Ali-eze elu-igwee rịkẹ ebe ihiyan nọ kụn mkpuru
rị mma imẹ ugbo e. **25** Kanị, ebe ihiyan rị ụran,
eñenren nọ bịa d'a kụn ata-witi ye imẹ ọka-witi ndị
hụ pụ. **26** Ogèn ihiyen-ugbo ndinị gi nwan suegụ,
mima mkpuru, ata-witi ndị hụ nozìkwọ pụha.

27 'Ya ndị idibo ahụn nọ bịa d'e kunrun onyę hụ
nwę ugbo, sị a, 'Di-ọkpa, ẹle mkpuru rị mma k'i
kunye imẹ ugbo i? Nanị kẹ ata-witi dọn banzị a?

28 O nọ sị wẹ, 'Onyę-iwe mẹ ihienni.'

Ndị idibo ndị hụ nọ sị a, 'Nị ẹnyi jẹn nwan d'e
huepụ ata-witi ndị hụ?'

29 Kanị o nọ sị, 'Mba, amamgbe ọnụ e huepụ 'ya
lẹ ọka-witi. **30** Hapụ nị wẹ ebụo nị wẹ suegbame d'e
ru ogèn wẹ gi e be ọka-witi. O ru ogèn wẹ gi e be ọka-
witi, a sị m ndị jenkö d'e be n'ę, "Bu ni ụzọ huepụ
ata-witi k'enmęsonmę wẹ ukun-ukun d'a dùn okụn,
ụnụ e bepụha ọka-witi buche ebe m'e buche ihiyen-
ugbo." ’ ’ ’

Ilu Jesu Gi Mkpurụ Mostadi Ta (Mak 4.30-32; Luk 13.18-19)

31 O nọ ta nị wẹ ilu ọzọ, sị, "Ali-eze elu-igwee nọ
kẹ akpuru mostadi ohu hụn onyę ohu weri, kụnye
imẹ ugbo e. **32** Iya kachanrin ntịn imẹ mkpuru ile,
kanị o suegụ, 'ya kachanrin ogbe e hi imẹ ihiyen-
akunkụn ndị hụn hikéléni, o hande kẹ osisi, nke wụ
nị nnụnụ a bịa d'a kpa erekụ e ye agalaba a."

*Ilu Jesu Gi Yisti Ta
(Luk 13.20-21)*

³³ O nō ta nị wę ilu ọzō, sị, “Ali-eze elu-igwee rikē yisti brēdi gi a fū hūn okpoho ohu gi gwōgbama flawa wę gi e shi brēdi hūn k'e jun ihiēn nōkē adana eto d'e ru n'ọ ghagbarị flawa hū ile.”

*Ihiēn Hain Jizosi Gi E Gi Ilu A kuzi
(Mak 4.33-34)*

³⁴ Jizosi gi ilu gwa igunrun hū ihiēn ndinị ile. O nwōnni ihiēn o gileni ilu gwa wę. ³⁵ Onwan wụ igi mezu ihiēn onyē-amụma ku, sị, “M jenkō d'a shiāpụ ọnụ m e gi ilu e ku, m jenkō d'a gha e ku ihiēn zuerini kete w'a tunlē iyetọ ụwa.”

Jizosi A Kowa Ilu Ata-witi Hū

³⁶ 'Ya ọ nō na igunrun hū tọ si imē ụlo. Umụ-azụn a nō bịa d'e kunrun ẹ, sị a, “Kowa nị ẹnyi ilu ata-witi hū wę kụnye imē ugbo.” ³⁷ O nō za, sị, “Onyē hū kụn mkpụrụ rị mma wụ Nwa nke Ihiān. ³⁸ Ugbo hū wụ ụwa; mkpụrụ hū hūn rị mma wụ ụmụ Ali-eze; ata-witi hū wụ ụmụ Eje-onyē hū. ³⁹ Enenren ahụn kụn ata-witi ndị hū wụ Ekwensu; ogēn hū wę jenkō d'e gi ghọ ihiēn-ugbo hū wụ ọgụgụ ogenni; ndị ahụn jenkō d'a ghọn'a wụ ndị mmọn-ozi.

⁴⁰ Kę wę dọn huepu ata-witi ndị hū, wegbama wę dun ọkụn, erira k'o jenkō d'a rị ọgụgụ-ogēn. ⁴¹ Nwa nke Ihiān jenkō d'e zi ndị mmọn-ozi ẹ. Wę jenkō d'e kpọnpu ihiēn ọwule e buhę njo lę ndị ile e mę eje-ihiēn imē Ali-eze ẹ, ⁴² tụ wę ye okęn ọkụn hū. Ebęhụ, ihiān jenkō d'a rị a kwan ékwan, a ta

nkwenren-eze. ⁴³ Ogèn hù, ndị ezi-omumé k'e time
ké ẹnya-anwùn imé Ali-eze Nèdi wé. Onyé hùn nwòn
ntin 'ya nü."

Ilu Ndị Jesu Gi Ihien Rị Okèn-mkpa Zuerini Ta

⁴⁴ "Ali-eze elu-igwee rị ké ihien rị okèn-mkpa
zueri imé ugbo, hùn onyé ohu hùn, zuemezi e, gi
ighogho jen d'e rechanrin ihien ile o nwòn, bia d'e
nonrin ali hù."

⁴⁵ "Ozozi, Ali-eze elu-igwee nò ké ebe onyé-afia
rị a chosonmè ihien rị mkpa a kóni. ⁴⁶ Ogèn o gi
hùn hùn a kokènmeni rigbu enwen e mkpa, o nò jen,
rechanrin ihien ile o nwè, bia d'e nonrin e."

Ilu Jesu Gi Oga Ta

⁴⁷ "Ozozi, Ali-eze elu-igwee ríké oga wé tuye imé
ohimin, o nò nwündon ụdị azùn ile rị ichen-ichen.

⁴⁸ Ogèn o gi jun, wé nò dòkpúnpuha a mkpènren
mirin; ya wé nò nodi ali, hopuha ndị rị mma, buche
imé ükpalí, kpón ndị ríleni mma tuhu. ⁴⁹ Èríra k'o
jènkò d'a rị o ru ogugu-ogèn. Ndị mmón-ozi jènkò
d'a púha, hopu ndị-njó ebe ndị-oma rị, ⁵⁰ kpón wé
ye okèn okùn hù. Ebèhù, ihiän jènkò d'a rị a kwan
ekwan, a ta nkwenren-eze."

Ezioku Nke Ohùn Lè Nke Akan

⁵¹ Jizosì nò ju, sì, "Onu a ghotaguo ihien ndini
ile?" Wé nò sì a, "Eghẹe." ⁵² O nò sì wé, "Ya wú
ní onyé nkuzi Iwu ọwule wé zun maké Ali-eze elu-
igwee nòké onyé nwòn ulò, hùn gha ebe o dönme
ihien e wefúha kéké ihien ohùn kéké ihien akan."

A jù Wé Jizosì Imé Nazarèti (Mak 6.1-6; Luk 4.16-30)

⁵³ Ogęn Jizosı gi tagüyü ilu ndini wę, o no gha ebahun pü, ⁵⁴ si obodo e. O no kuzimę wę imę ulo-ofufe wę, hün wü ni nkuzi e no tu wę enya, wę no si, “Elebe kę okęnnyenı nō nwęhen amamihienni lę örüñ-atüménya ndini o rị a run? ⁵⁵ Ele nwa Kapınta wü önüwan? Efən nnę e ele Meri? Ele Jemisi lę Josefı lę Saımonı lę Judası wü umune-e-ikęnnye? ⁵⁶ Ele enyi lę umune-e-ikpoho rị ebeni? Elebe kę okęnnyenı gha nwęhen ihien ndini ile?” ⁵⁷ ‘Ya wę no wemę n'ę iwe. Jizosı no si wę, “W'a gbaye onyę-amüma agbaye ebe ile mmanı imę alı a lę ezi-lę-ulö a.” ⁵⁸ O runni örüñ-atüménya bu odata ebęhü makęni ekwerini ni w'ę.

Isi Nke Mmęno

*Onwụn Jönü Hụn E Mę Mirin-Chuku
(Mak 6.14-21; Luk 9.7-9)*

¹ Ogęn hụ, Herodụ hụn rị a kị Galili nō nụ ihien Jizosı rị e mę, ² o no si ndi idibo e, “Onyenı wü Jönü hụn e mę mirin-Chuku. O ghaguo önüwụn lihi, ‘ya hań o gi nwọn iken o gi e mę ihien ndini.’”

³ Herodụ ku ेrira makęni Herodụ nwunrun Jönü, kęn e ęgbụn, bu e che imę ulo-ngan makę ufiri Herodiasi nwunyę nwęne e wu Filipu, ⁴ makęle o teguo Jönü gwama a, si, “Iwu ekwerikwoni n'i sikö d'a lụ a.” ⁵ O te cho n'o gbu Jönü, kalę egun ihien ndi alı k'e mę anin'a makęni wę weri Jönü rikę onyę-amüma.

⁶ Kanı, o ru ụhuohin hụ wę gi a nyanhan ọmumụ Herodụ, nwa-okpoho Herodiasi mü nō tenni wę egu, ęfọ nō suọ Herodụ uşuo, ⁷ hün wü ni Herodụ

nō kwe e nkwa, kun iyi, n'o sikō d'e y'ę ihien ọwule
o chọ.

⁸ Nnē e nō dunye e, o nō sị Hérodū, “Gi aférəni ye
m isi Jònù hùn e mè mirin-Chuku.”

⁹ O nō fù eze, kanị o nō gi ifiri iyi o kun lę ndị obia
a sị wę ye nwata-okpoho hụ 'ya. ¹⁰ O nō zi wę, wę
nō jen d'e bepụ Jònù isi imẹ ụlo-ngan. ¹¹ Wę nō gi
eférę buhę e, we e ye nwata-okpoho hụ, o nō w'ę
jenni nnę e.

¹² Umụ-azụn Jònù nō bịa, buru ęhụ a li, jen d'a
gwa Jizosị.

*Jizosị E Ye Igunrun Hi-ogbe Ihien-oriri
(Mak 6.30-34; Luk 9.10-17; Jon 6.1-14)*

¹³ Ogen Jizosị gi nü ọnwan, ya sụo nō gi ugbo-mirin
gha ebéhụ pụ, si ebe ihian rileni. Kanị ogēn ndị
rị ebahụn gi nü n'o puguo, wę nō gi ụkụ gha imẹ
obodo ndị hụ sonmę e. ¹⁴ Ogen o gi ru mkpənren
mirin, o nō hùn igunrun hi-ogbe. O nō mè omikən
wę, zuo ndị emu rị a kụ.

¹⁵ O ru ogēn ęnyasi, umụ-azụn a nō bịa d'e kun-
run e, si, “O nwọnni onyę bi ebeni, bụ eki e giguo. Sị igunrunni la, nị wę jen imẹ obodo ndị mè ekere-
ekere risonmę ebeni d'e ńonrinsomę ihien-oriri.”

¹⁶ Jizosị nō sị, “Ele hùn w'ę gi lama; ye ni wę
ihien-oriri.” ¹⁷ Wę nō sị a, “Ogbe brędi isen lę azụn
ebuo sụo ke ęnyi nwọn ebeni.” ¹⁸ O nō sị wę, “Węhę
ni ni m wę.”

¹⁹ 'Ya o nō sị igunrun hụ nodị alị enu irurue rị
ebahụn. O nō weri ogbe brędi isen hụ lę azụn ebuo
hụ, lee ęnya elu-igwee, ye ekele, bebe brędi ndị hụ
ye umụ-azụn, wę nō ye igunrun hụ. ²⁰ Wę ile nō

rijunchanrin ẹfọ. 'Ya wẹ nō tutukomẹ ifunfun ẹ hodunị, o jun ụkpalị mməbụo.

²¹ Ndị hụn ri brēdini wụ ihien nöké ikennye ogun-iri kwasi nnụ-mməbụo*, wezuka ikpoho lę ụmuékwa.

*Jizosí Lẹ Pita E Jẹn Ijen Elu Mirin
(Mak 6.45-52; Jon 6.15-21)*

²² 'Ya Jizosí nō sị ụmu-azụn a banye imẹ ụgbó-mirin buru n'ę uzọ jenmẹ azụn hụn-ebọ. 'Ya lę enwèn ẹ nō nodi gbashia igunrun hụ. ²³ O gbashiagụ wẹ, 'ya suọ nō nyinrin ugu d'e mẹ ekpere. O ru ogen ẹnyasi, 'ya suọ hụ ebéhụ. ²⁴ Kani, ụgbó-mirin hụ e jenteguo ogen hụ, ebiri-mirin hụ e ti ụgbó hụ, e tiki ę azụn—makeni ufere rị a gha ihun e fehẹ. ²⁵ O ru uzọ-utuntụn biribiri, Jesu nō jenhen ijẹn elu mirin Galili hụ d'e kunrun wẹ. ²⁶ Ogen ụmu-azụn a gi hụn a k'o jenla ijẹn elu mirin hụ, 'ya egun nō tuma wẹ. Wẹ nō sị, "Onyę-mmən ro!" Wẹ nō gi egun yi oro. ²⁷ Kani, o nō kuyeni wẹ oku ozigbo, sị, "Kwondon ni obi ụnụ, mme rọ, atule ni egun."

²⁸ Pita nō sị a, "Di-nwọnni-enyi, owule iyụ rọ, sị mbia d'e kunrun i elu mirin." ²⁹ Jesu nō sị a, "Bia." 'Ya Pita nō gha imẹ ụgbó-mirin hụ pụha, jenmẹ ijẹn elu mirin, buruko Jizosí.

³⁰ Ogen o gi hụn oken ufere hụ, egun nō bia a, o nō rubanma imẹ mirin. Ya o nō yi oro, sị, "Di-nwònnoni-enyi, zuopụha m!" ³¹ Jizosí nō tịnpụ eka ozigbo kwondon ẹ, sị, "Onyę okukwe-nta! Kị haín i gi nwọn obi-ebuọ?" ³² Ogen wẹ gi banye imẹ ụgbó-mirin hụ, oken ufere hụ nō kusi. ³³ Ndị hụn rị

* **Isi Nke Mmənə:21** ikennye nnụ-uku isen

ime ụgbọ-mirin hụ nō gbu n'ę osekpu, sị, “Ezioku-ezioku, iju wụ Nwa Osolobue.”

Jizosí A Zuɔ Ndị Emu Ime Obodo Genesareti (Mak 6.53-56)

³⁴ Ogèn wẹ gi fetugụ mirin, wẹ nō pụha obodo Genesareti. ³⁵ Ogèn ndị obodo hụ gi marin nị Jesu rọ, wẹ nō zi ozi ghagbari egberé hụ ile, wehesonmnen'e kẹ wẹ han emu ri a kụ. ³⁶ Wẹ nō riọ a nị wẹ metude ntin ewuru e eka; kẹ wẹ han metun'a nō dìnhịn.

Isi Nke Mmisen

Odinali Ndị-akan (Mak 7.1-13)

¹ 'Ya ndị Itu-Farisi lẹ ndị-nkuzi Iwu nō gha Jerusalem bia d'e kunrun Jizosí, sị a, ² "Kị haịn ụmụ-azụn i gileni a gbaye ọdinalị ndị nedị enyi kani? W'a ra kwọ eka wẹ kebe ri ihiẹn-oriri." ³ O nō za wẹ, sị, "Kị haịn ọnụ gi a dan iwu Osolobue keni ụnụ kwadon ọdinalị ọnụ?" ⁴ Makeni Osolobue ye iwu, sị, 'Gbaye nedị i lẹ nnę i,' sizi, 'Onye ọwule kuja oku nedị e mọbụ nnę e, wẹ k'e gburiri onye ahụn.' ⁵ Kanị ụnụ sị, 'Onye sị nedị e mọbụ nnę e, "E wegwo m ihiẹn nké m'e ye i ye Osolobue oyiye," o rizini mkpa n'o gi ihiẹn o nwę gbaye nedị e mọbụ nnę e.' ⁶ 'Ya wụ, ọnụ e gi ifiri ọdinalị ụnụ e mẹ oku Osolobue a wuru ihiẹn la iwi. ⁷ Ndị ihunnai kẹ ụnụ wụ! Amuma Azaya bu banyeni ụnụ wụ ezioku! Azaya sị nị Osolobue sị,
⁸ 'Onụnụ-ire sụo kẹ ndịnị gi
a gbaye m,
obi wẹ e tekẹ ebe m ri.'

⁹ Wę rị e fe m mmaka,
ihiẹn w'a kuzi
wụ ọdịnalị ihijan mmaka tumē.' ”

Ihiẹn Ndị Hun E Mere ịhijan
(Mak 7.14-23)

¹⁰ Jesu nō kpozunhan igunrun hụ ebe o rị, sị wę, “Gon ni ntịn; ghota nị! ¹¹ Ele ihiẹn banye ihijan ọnụ e mere a, kanị ihiẹn gha ọnụ pụha, 'ya e mere ịhijan.” ¹² 'Ya ụmụ-azụn a nō bia d'e kunrun e, sị a, “Y'a marịngho nị iwe we ndị Itu-Farisi ogēn wę gi nụ ihienni i ku?”

¹³ O nō za, sị, “Wę jenkọ d'e huepụ ihiẹn ọwụle Nedi m rị elu-igwee kụnleni. ¹⁴ Hatu ni wę, wę wụ ndị-ndu hụn ẹnya kpu ishi—owụnị onyę ẹnya-ishị e du onyę ẹnya-ishị, wę ebụo jenkọ d'a danye imē olu.” ¹⁵ Ya Pita nō sị a, “Kowa nị ẹnyi ilu nẹi.”

¹⁶ 'Ya o nō sị, “Onụ nwẹn e ke ghọtakwọ nwan? ¹⁷ Ụnụ a hụn n'a nị ihiẹn ọwụle banye ọnụ e si ẹfo, gha erịra shi mgbugbu-nsin? ¹⁸ Kanị ihiẹn gha ọnụ fụha gha obi ihijan pụha—iya wụ ihiẹn e mere ịhijan. ¹⁹ Makèni imē obi kẹ ihiẹn ndịnị gha a pụha: eje-iroro, igbu-ochụ, ịna-nwunye-ịhijan lę ịzo-ukụ-eye-ofia, mgba-nzuzue, izun-ohin, ịshia eri-ntụ lę nkuto. ²⁰ Ihiẹn ndịnị wę nwę e mere ịhijan. Kanị, igi eka wę kwolənị ri ihiẹn-oriri ara mere ịhijan.”

Okukwe Okpoho Ohu Nwa A Nwọn Nsɔŋgbu
(Mak 7.24-30)

²¹ Jizosị nō gha ebęhụ pụ, si egbere Taya-lę-Sidonu. ²² Ogēn hụ hura, okpoho onyę alị hụ wụ Kena hụn gha egbere ahụn bia nō pụha, yimē oro, a sị, “Euu Di-nwọnni-ẹnyi, Nwa Defidi, mệ omiken m, eje-mmọn rị imē nwa-m-okpoho, o rị e sɔŋgbu e

oda-oda.” ²³ Kanı Jesu azan'a kaka. Ümu-azụn nọ bịa, rịo a, sị, “Gwa a lama, makeni ọ rị e yisòn enyi oro.”

²⁴ Jesu nọ sị, “Wę zi m d'e kunrun atụnrụn Izrəlụ huni sụo.”

²⁵ 'Ya kẹ okpoho hụ nọ bịa, sekpu ali ihun e, sị, “Di-nwọnni-enyi, ye ni m ἑka.”

²⁶ Jesu nọ sị, “Ọ rịnị mma nị wę tu brędi ümụeka ye ni nkite.”

²⁷ Okpoho hụ nọ sị a, “Egheę Di-nwònñi-enyi, kanị, kẹ nkite e ri ifunfun gha ebe ndị nwònñi wę rị e ri ihiēn-oriri a dan.”

²⁸ 'Ya Jizosị nọ sị, “Euu okpoho, okukwe i e hikę ogbe! 'Ya rị nị i k'i dọn chọ.” Nwa a hụ nọ dìnhịn ozigbo.

Jizosị A Zuo Ndị Bu ọda

²⁹ Jizosị nọ gha ebahụn pụ, si mkpənren “Ohimin” Galili. Ọ nọ nyinrin enu oke, nōdị ali ebahụn. ³⁰ Wę hụ e huhé d'e kunrun e, e węhę n'ę ndị nguro, ndị oro, ndị enya-ishi, ndị odin lę imerimme ndị ozoo—e bu wę a to ụku a. Ọ nọ zuo wę, ³¹ nke wụ nị o tu igunrun hụ enya kẹ wę dọn rị a hụn ebe ndị odin rị e ku oku, ndị oro e zuzi oke, ndị nguro e jenmę ijen, ndị enya-ishi a hụnma uzoo, wę nọ ja Osolobue Izrəlụ mma.

Jizosị E Yezi Igunrun Ozoo Hi-ogbe Ihiēn-oriri (Mak 8.1-10)

³² 'Ya Jizosị nọ kpozunhan ümu-azụn a ebe ọ rị, sị, “Omkien igunrunni rị e mę m, makeni mmę lę wę a nöpuguo akp'ohin eto, kale ihiēn wę sikọ d'e ri a rị a, bụ a chonị m nị wę bu ęgün la, amamgbę w'a dantosonmę uzoo.”

³³ Umụ-azụn a nō jụ a, sị, “Elebe kẹ ẹnyi jenkọ d'a nō wéhẹ brédi k'e zu igunrunni ri imé atu ebeni?”

³⁴ Jizosí nō sị wé, “Ogbe ole kẹ ụnụ gi?” Wé nō sị a, “Ogbe esa lę azụn mē kíríkírì buleni ọda.”

³⁵ O nō sị igunrun hụ nōdị akpakalị. ³⁶ O nō weri ogbe esa hụ lę azụn ndị hụ; o yegụụ ekele, o nō bebe wé ye umụ-azụn a. Umụ-azụn a nō we wé ye igunrun hụ.

³⁷ Wé ile nō rijunchanrin ẹfọ: wé nō tutukome ifunfun ẹ hodunị, o jun ükpalị esa.

³⁸ Ndị hụn ri ihien-oririni wụ ikennye nnụ-iri, wezukadé ikpoho lę umueka.

³⁹ Jesu a gbashiagụ igunrun hụ, o nō banye ugbo-mirin sị ęgbere Magadanị hụn wụ Mag'dala.

Isi Nke Mmisin

*A Sị Wé Jizosí Ghosi Wé Ahíma
(Mak 8.11-13; Luk 12.54-56)*

¹ Ndị Itu-Farisi lę ndị Itu-Sadusi nō bịa d'e kun-run Jesu, lele ẹ, sị a ghosi wé ahíma gha elu-igwee bịa.

² O nō za wé, sị, “O ru ogèn ẹnyasi, ọnụ sị, ‘Uhuhin sikọ d'a rị mma, makeni igwere fòn efon.’

³ Utuntun, ụnụ sị, ‘Mirin jenkọ d'e zue tanị makeni igwere efonní.’ Ọnụ marin kẹ wé dọn e gi igwere a kowá ihien jenkọ d'e mèni, kale ụnụ ara s'eka a kowá ihien ihien rị e mè ogènni rị a ghosi.

⁴ Eje-agbo ẹnya riléni uzọ ohu rị a chọ ahíma. Kani, o nwonni ahíma wé jenkọ d'a ghosi wé, wezuka ahíma ihien mē onyé-amúma wụ Jona.” O nō na wé tọ, gha ebéhụ pụ.

*Yisti Ndị Itu-Farisi Lẹ Ndị Itu-Sadusi
(Mak 8.14-21)*

⁵ Ogèn ụmụ-azụn a gi fetugụ mirin Galili, wę nọ hụn a nị a zołe wę brędi. ⁶ Jizosị nọ sị wę, “Kpachanpu nị ẹnya ebe yisti ndị Itu-Farisi lẹ ndị Itu-Sadusi rị.”

⁷ Wę nọ sị ibe wę, “O rị e ku ihienni makele ẹnyi e węheni brędi.”

⁸ Ogèn Jizosị gi marịn ihiɛn wę rị e ku, o nọ sị wę, “Kị ọnụ rị e kuni nị ụnụ e nwọn brędi? Euu, ụnụ ndị okukwe nta! ⁹ Ọnụ e k'e ghɔtakwọ nwan? Ụnụ anyanhannị ogbe brędi isen hụ mmađu ögündiri kwasi nnụ-mmebuọ ri lę ükpalị ole ọnụ kpɔnjun ihiɛn wę rihodụ? ¹⁰ Ụnụ anyanhannị ogbe brędi ɛsa mmađu nnụ-iri ri lę ükpalị ole ụnụ kpɔnjun ihiɛn wę rihodụ? ¹¹ Kị haịn ọnụ gileni ghøha nị ẹle brędi mmaka kẹ m rị e ku? Kpachanpu nị ẹnya ebe yisti ndị Itu-Farisi lẹ ndị Itu-Sadusi rị!” ¹² ‘Ya wę nọ ghøha nị ẹle yisti brędi mmaka gi a fụ k'ọ sị wę kpachanpu nị ẹnya, kanị o gi e e ku nkuzi ndị Itu-Farisi lẹ ndị Itu-Sadusi.

*Pita E Ku Onyę Jizosị Wụ
(Mak 8.27-30; Luk 9.18-21)*

¹³ Ogèn Jizosị gi banye egberę Sizeria-Filipi, o nọ jụ ụmụ-azụn a si, “Onyę kẹ wę sị nị ‘ya kẹ mmę wụ Nwa nke Ihịan wụ?”

¹⁴ Wę nọ za, si, “O nwę ndị sị Jọnụ hụn e mę mirin-Chuku, ndị ọzọ sị Elaija, ndị ọzọ sị Jérimaya mọbu onyę ohu imę ndị-amụma *mbu*.”

¹⁵ Kanị o nọ sị wę, “Onyę kẹ ụnụ sị nị ‘ya kẹ m wụ?”

16 Saïmonu wu Pita no za, si, “Yu wu Onye Hu Osolobue Tumé, hún wu Kraistí, Nwa Osolobue—Osolobue hú rí ndún.”

17 Jizosí no si a, “Onye wé gozi agozi k'i wu Saïmonu nwa Jona*! Makéni élé ihian ghosi i ihienyi, kama, Nédi m hún rí elu-igwee ghosi i ya. **18** M rí a gwa i, i wu Pita†, m jenkó d'a tun úka m ye elu omúmaní, ikéñ ɔnwún a saéka méri e. **19** M jenkó d'e ye i ísanhan Ali-eze elu-igwee: ihien ɔwule i si, ‘Mba,’ elu-úwa elu-igwee sikó d'a si, ‘Mba.’ Ihien ɔwule i si, ‘Eghéé,’ elu-úwa, elu-igwee jenkó d'a si, ‘Eghéé.’”

20 ‘Ya Jizosí no dokénmé umú-azúun a éka-ntín, si wé agwale onye ɔwule ni 'ya wu Onye Hu Osolobue Tumé wu Kraistí.

*Jizosí E Ku Oku Afúnfun O Sikó D'a Ta Lé ɔnwún A
(Mak 8.31—9.1; Luk 9.22-27)*

21 Gha ogen hu jenmè, Jizosí no gwama umú-azúun a, si, “M jenkó d'e jenriri Jerusalém, ndí-isi lè ndí-isi nchú-ejan lè ndí-nkuzi Iwu jenkó d'e mé m ni m ta afúnfun bu odata. Wé jenkó d'e gbu m, kaní, hún m'e akpú-uhúohin eto, Osolobue jenkó d'a gha ɔnwún welí m.”

22 Kaní Pita no weri e si usuo, jugbo a, si, “Dinwónni-ényi, Osolobue a ju; o nwónni ogen ihienyi e gi mé i!”

23 Kaní Jesu no gbehutó, si Pita, “Ekwensú, pú ni m! I rí a nokin m uzó, makéni y'a rí e ro nke Osolobue, nke ihian k'i rí e ro.”

* **Isi Nke Mmisin:17** Jónu

† **Isi Nke Mmisin:18** “Pita” wu “omúma” onu Griki.

²⁴ 'Ya Jizosi nō sī umu-azụn a, "Onyę ọwule chọ n'o sòn m, 'ya jukwọ enwèn e, buru obe e, sònme m. ²⁵ Makèni onyę ọwule chọ n'o ghe isi, isi e a tọ a, kani onyę ọwule tuhu ndun a makè ufiri m jenkö d'a hụn a. ²⁶ Elee erere k'ọ ban nị ihian e nwọnchanringuu ụwa ile, tuhu umē-ndun a? Kini kę ihian sikọ d'e gi gbari umē-ndun a?"

²⁷ "Eghee, Nwa nke Ihian lę ndị mmɔn-ozi e jenkö d'a bịa; o sikọ d'e gi oghọ Nedi e bịa. Ogen hụ, o jenkö d'a kụ onyę ọwule ugwo ihiẹn o mè. ²⁸ M rị a gwa ụnụ ezioku, o nwọnghọ ndị rị ebeni hụn jenkoleni d'a nwụn d'e ru ni a hụn wę Nwa nke ihian k'ọ lala nöké Eze kị Ali-eze e."

Isi Nke Mmesa

Jizosi ENwọnhuto (Mak 9.2-13; Luk 9.28-36)

¹ Ogen akpụ-uhuohin isin gi ghafeguu, Jizosi nō weri Pita lę Jemisi lę Jonu nwènè Jemisi, kiri wę si elu-ugu jen elu oda-oda; 'ya lę wę suq wi. ² Jesu nō nō id'enya wę nwònhtuo: ihun e nō nwunmè rikè enya-anwụn, ewo o yi nō henrin nke Ọchan, nwunmè kę ukpe.

³ Idumuzi Mozizi lę Elaija nō fopuha ebe wę rị, wę lę Jizosi nō kumē oku.

⁴ Pita nō sī Jizosi, "Di-nwònnyi-enyi, ọ hughọ mma nị enyi rị ebeni. Omèni y'a chogho, m jenkö d'e mémé ọdu eto ebeni: ohu wụ nke i, ohu wụ nke Mozizi, ohu wụ nke Elaija."

⁵ Ebe ọ rị e ku ihienni, idumuzi, orukpu nwunchannị nō kpumē wę. Olu nō gha imē orukpu

ahụn sị, “Onwan wụ ezi Nwa m; ihiẹn ẹ a suọka m; gòn n'ę ntịn!”

⁶ Ogèn umụ-azụn Jesu ndị hụ gi nụ ihienni, okèn egun nō tuma wẹ, wẹ nō dan ali, we ihun kpumé ali. ⁷ Kani Jizosị nō bịa ebe wẹ rị, mètụ wẹ ẹka, sị, “Lihi ni, atulé ni egun.” ⁸ Ogèn wẹ gi wesi ẹnya elu, o nwọnzi ony়ে wẹ hụn kari Jizosị.

⁹ Ogèn wẹ gi gha elu-ugu hụ hidanla, Jizosị nō dọ wẹ ẹka-ntịn, sị, “Agwakwole ni ony়ে ọwule ihienni ọnụ hụn d'e ru ogèn Osolobue e gi ghagụ ọnwụn weli mmę wụ Nwa nke Ihian.”

¹⁰ Umụ-azụn nō jụ a, sị, “Kị haịn nwan ndị-nkuzi Iwu gi a sị nị Elaija jenkö d'e buriri uzø biagụ?”

¹¹ O nō za wẹ, sị, “Ezię rọ nị Elaija jenkö d'e bu'zø biagụ d'a kwademechanringụ ihiẹn ile. ¹² Kani m rị a gwa ụnu nị Elaija a biaguo bụ amarịnni w'a, e mè w'e ihiẹn suọ nị wẹ. Erira kẹ mmę wụ Nwa nke Ihian jenkö nwan d'e gi ta afunfun ẹka wẹ.” ¹³ Ya umụ-azụn a nō ghota nị Jonyụ hụn e mè mirin-Chuku k'ọ rị e ku.

Jizosị A Zuo Nwata Eje-mmɔn Rị Imẹ E (Mak 9.14-29; Luk 9.37-43a)

¹⁴ Ogèn wẹ gi ru ebe igunrun hụ rị, okènnye ohu nō bịa d'e kunrun Jizosị, sekpu n'ę alị, sị, ¹⁵ “Di-òkpa, mè omikèn nwa-m-okènnye! Ibobo rị a kụ a. O rị a ta okèn afunfun; o danyesonmè imẹ okùn lę imẹ mirin. ¹⁶ M wehé ni umụ-azụn i 'ya, kani asanị wẹ ẹka zuo a.” ¹⁷ Jesu nō sị, “Euu, agbọ nwọnleni okukwe! Agbọ zinleni?! Elee ogèn kẹ m k'e sonru ụnu nödị? Elee ogèn k'e m k'e dinruni ọnụ?! Wehé ni ni m'e.” ¹⁸ Ya k'ọ nō jugbọ eje-mmɔn

hụ, o nọ gha imẹ nwata hụ pụha, nwata hụ nọ dịnhịn ozigbo.

¹⁹ Ya ụmu-azụn a nọ bịa d'e kunrun ebe 'ya sụo rị, jụ a, sị, "Kị haịn ẹnyi gileni saeka chụpụ a?" ²⁰ O nọ za wẹ, sị, "Makèni okukwe ụnu ehini. M rị a gwa ụnu ezioku, omení ọnụ nwọn okukwe hụn hande ke mkpuru mọstadị, ụnu jenkö d'a s'eka sị uguni, 'Gha ebeni pụ si ebahụn!' O jenmẹ. O nwọnni ihien jenkö d'a kari ụnu eka! [²¹ Kanị ụdịnị a ra pụ wezuka nị wẹ bu-ọnụ mē ekpere."]

*Jizosì E Kuzi Oku Ọnwụn A
(Mak 9.30-32; Luk 9.43b-45)*

²² Ogèn Jizosì lẹ ụmu-azụn a gi zu imẹ Galili, Jizosì nọ sị wẹ, "Wẹ jenkö d'e we mmẹ wụ Nwa nke Ihiān che eka ihiān, ²³ wẹ jenkö d'e gbu m; hụn m'e akp'ohin eto, Osolobue e weli m." Ọnwani nọ fukènme wẹ.

Iku Ugwo-isi Ulo-nso

²⁴ Ogèn wẹ gi ru Kapanom, ndị a na ugwo-isi Ulo-nso nọ jenburu Pita, sị a, "Onyę-nkuzi ọnụ ara kudę ugwo-isi* Ulo-nso ra?"

²⁵ Pita nọ sị, "O kụ a kụ." Ogèn o gi lụa, Jizosì nọ bu e ụzo kupuha a, sị a, "Saimonu-o, k'i ro? Onyę ke ndị-nze ụwanị a na ụtụ ichen-ichen w'a na? Umụ wẹ ra ndị ozo?"

²⁶ Ogèn o gi sị, "Ndị ozo."

Jizosì nọ sị a, "Ya wụ nị ụmu wẹ ara kụ. ²⁷ Kanị, amamgbe ẹnyi e mē ihien e se oku, shi mirin hụ;

* **Isi Nke Mmesa:24** ugwo-isi. Akpuru egho w'a kpọ "drak'ma" ẹbụọ ke wẹ gi a kụ ugwo-isi Ulo-nsonị.

y'a tuye ukpo i; y'e weri azụn ibuzo i sikọ d'e gbu—shiaju a ọnụ, i sikọ d'a hụn akpuru egho shékélụ† ohu. Weri e n'i gi e kụ ugwo isi mmę le 'yụ."

Isi Nke Mmęsatō

*Onye Kachanrinni imę Ali-eze Elu-igwee
(Mak 9.33-37; Luk 9.46-48)*

¹ Ogen hụ, umu-azụn Jizosị no bịa d'e kunrun Jizosị, si, "Onye kachanrịn imę Ali-eze elu-igwee?"
² O no kpo nwata ohu, bu e che etintinnai wę, si,
³ "M rị a gwa ụnu ezioku, omęni ụnu egbehutonị, wuru ndị no kę umueka, o nwọnni ogen ọnụ e gi banye Ali-eze elu-igwee. ⁴ Onye ọwule welua enwèn e ali, wuru onye no kę nwatanị, 'ya wụ onye kachanrinni imę Ali-eze elu-igwee. ⁵ Onye ọwule nabanhān nwata no ẹnịna makę ufiri ẹfan m a nabanhanguo m."

*Onwunwan
(Mak 9.42-48; Luk 17.1-2)*

⁶ "Kani onye ọwule han onye ohu imę ndinị me ntịn hụn kwerini ni m me njo, o ka mma ni wę kęnmę ọlo hi-ogbe ye onye hụ olu, tu a ye imę ohimin mini. ⁷ Uwa rị imę nsongbu, makę ihien ndị hụ e me ihiyan e me njo rin'a! Ihien k'a han ihiyan me njo k'a biakwo-o, kale nsongbu rị ni onye hụ wę jenkö d'a gha eka a bịa."

⁸ "Omęni eka i mọbụ ụku i a hain i e me njo, bepụ a tuhu. O ka i mma n'i banye ndịn bụ ẹhiụ i ezuni mọbụ n'i dan nguro, karị ni wę tu i ye imę ọkụn itębitę bụ eka i ẹbụo le ọkụ i ẹbụo zu oke. ⁹ Omęni

† **Isi Nke Mmęsa:**²⁷ "Shékélụ" wụ drak'ma eno.

enya i a haİN i e mē njo, gupu a tuhu. O ka i mma n'i gi enya ohu suq banye ndun karı ni wę tu i ye ɔkun-mmɔn bu enya i ebuo ri a ri.”

*Ilu Jesu Gi Atunrun Hu Tuhuni Ta
(Luk 15.3-7)*

¹⁰ “Hun n'a ni unu elegberini onye ɔwule imē ndinj me ekere. Makeni, m ri a gwa unu, ndi mmɔn-ozı we ri ebe Nedi m hun ri elu-igwee ri e lee ihun e ogɛn ile. ¹¹ Makeni mmɛ wu Nwa nke Ihiyan bia d'a zuopuha ndi huni.”

¹² “Kini kę ɔnu ro? Oméni ihiyan nwon atunrun oğun-isen, ohu imē wę a kpahu, o natoko ohu-aria-ogun-isen hodunji elu-ugu *ebahun wę no a kpa nni* jenmē d'a chö ohu hụ kpahuni? ¹³ O hun a, m ri a gwa unu ezioku, o jenkō d'a ghogho n'a karı ohu-aria-ogun-isen hụ kpahuleni. ¹⁴ Erirazikwo, Nedi ɔnu hun ri elu-igwee achonji ni onye ɔwule imē ndinj me ekere la iwi.”

Nwene I Me I Njo K'i Jenko D'e Me?

¹⁵ “Nwene i me i njo, jen d'a gwa a mmefie e ebe 'yu ni 'ya suq ri a. Oméni o gongho i ntin, 'ya wu ni y'e wechinhenguo nwene i azuun. ¹⁶ Kanji, oméni o gonni i ntin, weri onye ohu mobu mmadu ebuo che ni enwen i, 'yu le wę e jenzi d'a hun a keni o meye wę enya. ¹⁷ O ju n'o gonko wę ntin, gwa ndi uka. O ju n'o gonko uka ntin, weri e rike onye ghaleni e fe Osolobue mobu onye a na ugwo-isi *njo a ma ikpe.*”

Ikèn Uka Kraistì Nwòn

¹⁸ “Ezioku kę m ri a gwa unu, ihiyen ɔwule unu si, ‘Mba’ elu-uya, elu-igwee jenkō d'a si, ‘Mba.’ Ihiyen ɔwule ɔnu si, ‘Eghẹ́,’ elu-uya, elu-igwee jenkō d'a

sị, ‘Eghẹe.’ ¹⁹ M rịzi a gwa ụnụ ezioku, omelé mmadụ ẹbuo imé ọnụ e kwerigbamé elu-uwani rịo ihien ọwule, Nedi m hụn rị elu-igwee sikọ d'e mè ni ụnụ 'ya. ²⁰ Makeni ebe ọwule mmadụ ẹbuo mọbu eto gi ufiri ẹfan m zu, mmé lè wé rị ebéhu.”

Mgbaghari

²¹ Pita nọ bịa d'e kunrun Jizosị, sị a, “Di-nwɔnnienyi, mgbe ole kę nwene m sikọ d'e mè m njọ a gbaghari m'a? Mgbe esa?”

²² Jizosị nọ sị, “Asinị m'i mgbe esa, kanị mgbe esa-esa uzo iri kwasi ọgun eto.”

Ilu Jesu Gi Odibo Hụn Ju N'ọ Gbagharikọ Ta

²³ “Ya wụ, Ali-eze elu-igwee nọ kę ebe eze ohu nọ cho nị 'ya lè ndị idibo e gbakọ egho wé gi e. ²⁴ Ogen o gi gbakoma, wé nọ wehen'e onyę ohu gi e egho higbu enwen e ogbe, k'e zu wé kusonmę ndị-orun nnụ isen-kwasị-ogun orogbo ahụa mmisen. ²⁵ Kanị ọ sanị eka kụ a. Eze nọ sị wé re 'ya lè nwunyę e lè ụmu a lè ihien ile o nwọn, wehé egho d'a kụ a ugwo o gi e.”

²⁶ “Make ọnwan, odibo hụ nọ gbu osekpu, rịokenmę e, sị, ‘Nna, nwọn nị m ndidi, m jenkọ d'a kuchanrin i ihien ile m gi i.’ ²⁷ Nna a nọ gi omiken hapụ a, gbaghari a, sị a y'a kuzile ugwo hụ o gi e.”

²⁸ “Kanị, ogēn odiboni gi pụ, o nọ hụn odibo ibe e hụn gi e egho-orun akp'ohin ọgun-isen suọ. O nọ tọdọn e erekirị, sị a, ‘Kụ m ugwo i gi m.’ ”

²⁹ “Ya odibo ibe e hụ nọ dan ali, rịokenmę e, sị, ‘Nwọn ni m ndidi, m jenkọ d'a kụ i ugwo i.’ ³⁰ Kanị ọ nọ ju, jen d'e bu e che imé ulo-ngan d'e ru ogēn o jenkọ d'a kụ a ugwo hụ.”

³¹ “Ogen idibo ibe e gi hụn ihienni, o fütü wę odata-oda imē obi, wę nō jen d'a gwa Nna wę ihiien ile mени. ³² Ya nna a nō kpo a, sì, ‘Odibo əfə-njō! M hapu i, si i akuzile ugwo hụ ile i gi m, makeni i riọ m ariọ. ³³ O furuni n'i mē ni odibo ibe i omiken kę m don mē n'i omiken?’ ³⁴ Nna a nō gi olulu w'ę ye wę nị wę ye e afunfun imē ulo-ngan d'e ru ogen o jenkō d'a kuchanrin ugwo hụ ile o gi.”

³⁵ Ya wụ, erira kę Nedi m hụn rị elu-igwee jenkō d'e mezikwọ onye əwule imē ụnu, omeni y'e gini obi i ile gbaghari nwene i.

Isi Nke Mmitenei

*Jizosì A Kuzi Banyeni Mkpechan
(Mak 10.1-12)*

¹ Ogen Jizosì gi kuchanringu ihiien ndịni, o nō gha Galili pụ, shi egbéré Judia hụn rị nfetu Iyi Jodani. ² Igunrun hi-ogbe nō sonmē e, o nō zuo wę ebehu.

³ Ndị hụ imē ndị Itu-Farisi nō bịa d'e kunrun e, keni wę shi n'ę ọnyan. Wę nō ju a, sì, “O nwęgho ihiien əwule iwu ku nị ya kę mē okennye kpechan nwunyę e?”

⁴ Jizosì nō za, sì, “Onu e ke gun a imē Əkukwɔ-nsø nị Onye hụn keni wę ke wę oken lę onyenneye ogen mbidon? *Unu e ke gun a n'o* ⁵ sì, ‘Make ọnwan, okennye sikọ d'a natō nedi e lę nne e, jen d'a banye ni nwunyę e, wę ebuo a wuru ehụ ohu.’? ⁶ Ya wụ, elezi wę mmadụ ebuo, kanị wę wụ ehụ ohu. ‘Ya wụ, ihiien Osolobue wegbamagụ, ihiian y'e kebelę e.’”

⁷ Ndị Itu-Farisi hụ nō juzi a, sì, “Kị haịn nwan Mozizi gi ye iwu imē Əhụhụo-nsø, sì nị okennye

siko d'a s'eka ye nwunyé e ẹhụhụo-mkpechan, kpechanpụ a?"

⁸ Jizosị nọ za, si, "Makeni obi ọnụ e zeké—'ya haín Mozizi gi hapụ ụnụ nị ụnụ kpechan nwunyé ụnụ; kanị ẹle ेrịra k'o rị ogèn mbidon. ⁹ M rị a gwa ụnụ, onyé ọwulé kpechan nwunyé e luma onyé ọzọ, wezuka nị nwunyé e zo ukú ye ofia, a gherẹole."

¹⁰ Umụ-azụn a nọ si, "Omèni ेrịra k'o rị egbata okènnỵe lę nwunyé e, o ka mma nị alunị wę di-le-nwunyé."

¹¹ Kanị Jesu nọ si wę, "Elez ihiyan ile jenkö d'a saeka nabanhān okuni, mmanị ndị hụn o wụ nke wę. ¹² O nwọn ndị ghaleni a lụ di-le-nwunyé makeni ẹhụ wę ezuni oke kete w'a mulẹ wę; o nwọn ndị ghaleni a lụ di-le-nwunyé makeni ihiyan meme wę ेrịra; o nwọn ndị si nị alukọ wę make ufiri Ali-eze elu-igwee. Onyé hụn jenkö d'a saeka nabanhān okuni 'ya nabanhān a."

*Jizosị A Gozi Umụ-ndu
(Mak 10.13-16; Luk 18.15-17)*

¹³ O nwę ndị węheni Jizosị umụ-ndu keni o bu ẹka kwasi wę, mè ekpere, kanị umụ-azụn a nọ jugbọ ndị hụ. ¹⁴ Kanị Jizosị nọ si, "Hatu ni umụ-ndu nị wę bịa d'e kunrun m; egbondonlę ni wę, makeni Ali-eze elu-igwee wụ nke ndị nọ eninà." ¹⁵ O nọ bu ẹka kwasi wę, gha ebahụn pụ.

*Okorobia Odafin Hu
(Mak 10.17-31; Luk 18.18-30)*

¹⁶ Ya kę onyé ohu nọ bịa d'e kunrun Jizosị, si, "Onyé-nkuzi, elee ọrun-oma kę m siko d'a run nị m nwọnrin ndun itebite?"

¹⁷ Jizosi no si a, “Ki haịn i gi a ju m oku ihiẹn ri mma? Onye ohu suqo ri mma. I chọ n'i banye ndun, dọnmę iwu ndi hụ ri imę Iwu.”

¹⁸ O no si, “Elee ndi?”

Jizosi no si, “Egbulę očhu; agherelę; ezunlę ohin; ebuokinlę ihiān onu; ¹⁹ gbaye nedị i lę nnę i; ihięn ibe i ya suqo i kę ihięn enwęn i dọn a suqo i.” ²⁰ Okorobia hụ no si, “M hụ e dọnmę ihięn ndịnị ile, kị hόdụzị m jenkö d'e mę?”

²¹ Jizosi no si a, “I chọ n'i zu oke, jenmę, rechanrin ihięn ile i nwọn, y'e we egho e ye ndi igbennye, gi e nwọn akụ-lę-uba imę elu-igwee, y'a bịa d'e sonmę m.” ²² Ogęn okorobia hụ gi nü ihięnni, ndun no guụ a, o no sükuru, pu, makélé o nwọn ihięn ọda-ọda.

²³ Jizosi no si umu-azụn a, “M ri a gwa onu ezioku, o jenkö d'a fụ orun ebe ọdafin jenkö d'a no banye Ali-eze elu-igwee. ²⁴ M rịzi a gwa ụnu, o jenkö d'a ka nfe ni anyinnyan-mkpukpuke wụ kamelụ gha oghere oloden karị ni ọdafin banye Ali-eze Osolobue.” ²⁵ Ogęn umu-azụn a gi nü ihięnni, o tukēnme wę enya, wę no si, “Onye jenkö d'a sazi nwan eka nwọn nzuopuha?”

²⁶ Kanị Jizosi e lee wę enya, o no si wę, “Ebe ihiān ri, o sakö eka mę, kanị ebe Osolobue ri, o nwọnni ihięn wę ghaleni a saeka e mę.”

²⁷ 'Ya Pita no si, “Lee e, enyi a laguqo ihięn ile to sonmę i, kinị kę enyi jenkö nwan d'e nwònhen?”

²⁸ Jizosi no si wę, “M ri a gwa onu ezioku, *imę uwa ohun lalani*, ogęn wę jenkö d'e gi mémę ihięn ile nke ohun, ogęn hụ Nwa nke Ihiān jenkö d'e gi nodị ukpo e nwę ogho, ụnu ndi hụn sonni m sikö d'a nodịsonmę ukpo mmębuqo, a kị ebọn mmębuqo ri Izrelu. ²⁹ Onye ọwule hụn o mени o giguqo ufiri m

nato ụlo ndị o nwọn mọbu umunẹ-e-ikennye mọbu umunẹ-e-ikpoho mọbu nedi e mọbu nne e mọbu ụmu a mọbu ali o nwọn, jenkọ d'e nwọnhen wę uzo ọgun-isen, nwònhenzíkwo ndùn itebe. ³⁰ Kani, ndị bu ọda bu uzo jenkọ d'a kpari azụn, ndị kpa azụn e buru uzo.”

Isi Nke Ogun

Ihiẹn Jesu Gi Ndị Rụn Ọrun Imẹ Ugbo Kuzi

¹ “Makeni Ali-eze elu-igwee rị kẹ ebe onyé ohu nọ pụ uz'utuntun d'e weri ndị Ọrun hụn jenkọ d'a rụn imẹ ugbo-vaini a. ² Ogèn 'ya lę wę gi kwerigbam-agụụ n'o jenkọ d'a kụ wę egho Ọrun akpụ-uhụohin wụ dinariosi ohu, o nọ zi wę ban imẹ ugbo-vaini a d'a rụnma Ọrun.”

³ “Ihiẹn nöké ọkulokụ itenei ụtuntun, o nọ puzi, hụn ndị ozọ wuzo mmaka imẹ afia. ⁴ O nọ sị wę, ‘Unu nwẹn jenmẹ ugbo-vaini m d'a rụn Ọrun, m jenkọ d'a kụ unu ugwo ọhunma.’ Wę nọ jenmẹ.

⁵ O puzikwo ọkulokụ mmebu, ogèn hụ anwụn gi a rị isi lę ọkulokụ eto efinnai, o nọ mezikwo ihiẹn ohu ahụn.”

⁶ “Ihiẹn rịké ọkulokụ isen ẹnyasi, o nọ puzi, hụn ndị ozọ turusonmeni; o nọ sị wę, ‘Kị hajn ọnu gi turu ebeni mmaka kete ụtuntun?’ ”

⁷ “Wę nọ sị a, ‘Makeni o nwònno onyé we ẹnyi Ọrun.’ O nọ sị wę, ‘Unu nwẹn jenmẹ ugbo-vaini m d'a rụn Ọrun.’ ”

⁸ O ru ogèn ẹnyasi, onyé hụ nwòn ugbo-vaini hụ nọ sị onyé hụn e lepụ n'a ugbo-vaini hụ ẹnya, ‘Kpo ndị Ọrun hụ n'i kụ wę ugwo wę, gha ndị ikpazụn kuma d'e ru ndị ibuzo.’ ⁹ Ogèn ndị hụ gha ọkulokụ

isen ẹnyasi rụnma gi bịa, wę nō kụ onyę-onyę imę wę egho-ørün akp'ohin ohu-ohu.”

¹⁰ “Ogen ndị ibuzo gi bịa, wę ro ni wę jenkö d'a kükari wę egho-ørün akp'ohin; kanị wę nō kụ onyę-onyę imę wę egho-ørün akp'ohin*. ¹¹ Ogen wę gi kugụ wę ugwo, wę nō dęnwinnwini ma nị onyę hụn nwọn ørün, ¹² sị, ‘Ndị ịkpazụnnị rụn mgbahunmę okulokụ ohu suọ, bu ẹnyi nwẹn bu ørunnị isi kete ụtuntụn, ma anwụn, kale y'a kụ ẹnyi lę wę ahanmahan.’”

¹³ “Kanị o nō shiarị onyę ohu imę wę, sị a, ‘Di-ẹnyi, a rị m e megbu i; ele egho-ørün akp'ohin kę mę lę yụ kwerigbama? ¹⁴ Weri hụn wụ nke i lama; mmę cho nị m ye onyeni wę we ịkpazụn kę m dọn ye i. ¹⁵ Anikozidę wę m gi ihiẹn m mę ihiẹn m cho nị m gi e mę ra? Ra i rị e we iwe ni m rị a ha-eka?’”

¹⁶ “Ya wụ, ndị kpa azuụn jenkö d'e bu ụzọ, ndị bu ụzọ a kparị azuụn.”

*Hụn m'e Mgbe Eto Jizosị Ku Oku Onwụn A
(Mak 10.32-34; Luk 18.30-34)*

¹⁷ Ogen Jizosị gi jenkö Jerusaleм, o nō wesi umu-azuụn a nkọ ohu, sị wę, ¹⁸ “Lee n'e, ẹnyi jenkö Jerusaleм; ẹnyi ru ebahụn, wę sikọ d'e re Nwa nke Ihian ye ndị-isị nchụ-ejan lę ndị-nkuzi Iwu. Wę jenkö d'a ma a ikpe-onwụn, ¹⁹ we e ye ndị alị ndị ozo nị wę kpa a ye emu, fjan a mkpinsin, kpogbu e elu obe; kanị hụn m'e akp'ohin eto, Osolobue jenkö d'e welie.”

*Ihiẹn Nnę Ohu Rịo Nị Umụ A
(Mak 10.35-45)*

* **Isi Nke Ogun:**10 Griki: dinarıosı

20 'Ya nnę Jemisi lę Jönü, ụmu Zebedi, nō wéhé wé d'e kunrun Jesu, o nō gbu osekpu ihun e, riọ a n'o men'ę ohunma. **21** Jesu nō sị a, "K'i chọ?" O nō sị a, "Ku ę ni onyę ohu imę ụmu-m-ikennyę ębuonị jenkö d'a nödị ali eka-ihiẹn i, hụn-ebọ a nödị ali eka-ekpẹn i imę ali-eze i."

22 Kanị Jizosị nō sị, "Onu a marin ihiẹn ọnụ rị a riọ. Nị ụnu saeka ra ihiẹn rị imę mkpu hụn m jenkö d'a ra?" Wé no sị, "Enyi jenkö d'a s'eka." **23** O nō sị wé, "Ezioku-ezioku, ụnu jenkö d'a ra ihiẹn rị imę mkpu m, kanị ẹle mmę jenkö d'e ku onyę sikọ d'a nödị ali eka-nni m lę eka-ekpẹn m; kama ndị hụ Nędzi m kwademē n'ę, wé jenkö d'a nödị a."

24 Ogen ụmu-azụn iri hodunị gi nụ ihienni umune ębuo hụ me, wé nō bumeni umune ębuo hụ olulu. **25** Kanị Jizosị nō kpozunhan wé, sị wé, "Unu a maringhọ nị ebe ndị ali ndị ozọ rị ndị hụn a kini e mę rikę sị uwę nwọn ndị wé rị a kị, ndị-ndu wé e mę wé a marin nị uwę rị a kị wé. **26** Ka emeļe ni ेrira. Onyę ọwule chọ n'o wuru oken ihijan imę ọnụ, 'ya wuru odibo ụnu; **27** onyę ọwule chọ n'o wuru onyę ibuzo imę ụnu, 'ya wuru igbon ọnụ — **28** nökę kę Nwa nke Ihijan dòn bịa, ẹle ni wé gba n'a odibo, kanị, n'o gba odibo, yezikwo ndun a, gi ę gbahua ndị bu ọda."

*Jizosị A Zuɔ Ndị Enya-ishı Ebụo
(Mak 10.46-52; Luk 18.35-43)*

29 Ogen Jesu lę ụmu-azụn a gi gha Jériko puko, igunrun hi-ogbe nō sónmę e. **30** Ikennyę ębuo enya kpu ishi nödị ali mkpẹnren uzọ hụ. Ogen wé gi nụ nị Jizosị ghafekọ, wé nō yi oro, sị, "Di-nwọnni-enyi, Nwa Defidi mę ni ẹnyi ebere!"

³¹ Igunrun hụ nọ jụgbọ wẹ, sị wẹ kpukin ọnụ; kanị wẹ nọ yikènmede oro, sị, “Di-nwọnni-enyi, Nwa Defidi, mẹ ni enyi ebere!”

³² Jizosị nọ kusi, kpọ wẹ, sị, “Kini kẹ ụnu chọ nị m mẹ ni ọnụ?”

³³ Wẹ nọ sị a, “Di-nwònñi-enyi, enyi chọ nị enyi leghama uzo.”

³⁴ Jizosị nọ mẹ ni wẹ omikèn, mètụ wẹ eka enya. Ozigbo hụ, wẹ nọ hụnma uzo; wẹ nọ sonmè e.

Isi Nke Ohu-kwası-ogun

*Jizosị A Banhan Jerusalém Leké Onye-mméri
(Mak 11.1-11; Luk 19.28-40; Jon 12.12-19)*

¹ Ogèn wẹ gi nokunmeme Jerusalém, e ru we Ugu Olivu hụn rị Befeji, Jizosị nọ zipụ umu-azụun a ębụo, ² sị wẹ, “Banye ni imē obodoni mẹ ekere hụn rị ụnu ihun, ọnụ jenkol d'a hụn Jaki wẹ limē ebèhụ lę nwa a nödiye ni n'ę. Topụ nị wẹ wehę ni m. ³ Onye sị ụnu ihien owule, sị n'a hụ, ‘Nna chọ wẹ’, o sikọ d'a sị ụnu weri wẹ ozigbo.” ⁴ Onwan mẹ keni wẹ mèzu ihien onye-amuma ku, sị,

⁵ “Gwa ndị obodo Zayonu,
lee e, eze ọnụ lala d'e kunrun ụnu,
o welua enwèn e alị:
o rị enu Jaki,
lę elu nwa-jaki.”

⁶ Umu-azụun a ębụo hụ nọ jen, mẹ kẹ Jizosị dòn zi wẹ, ⁷ e wehę wẹ Jaki hụ lę nwa-jaki hụ, gi ewuru w'e yiye elu e gbama elu wẹ, Jizosị nọ nyinrin wẹ.

⁸ Imérinmè ndị rị imē igunrun hụ nọ gi ewuru wẹ gbama uzo, ndị ọzọ a kpagiri agalaba osisi ndị

rịsonmẹ ebéhụ, gbama wę ụzọ. ⁹ Igunrun hụ rị a ihun lę azụn hụ e yi oro, a sị,
“Ojija-mma ya rị nị Nwa Defidi!
Onyę hụ gi ẹfan Di-nwọnni-entyi bịa wụ onyę Chuku
gozi agozi!
Ojija-mma 'ya rị nị Osolobue Ebéhụ Kachanrịn elu
ejen*”

¹⁰ Ogen o gi banye Jerusalém, o rịkẹ sị wę kpasu obodo hụ ile: Wę hụ a jụ, sị, “Onyę wụ ọnwan?”

¹¹ Igunrun ahụn nọ sị, “Hunnị wụ onyę-amumá hụ w'a kpo Jizosị hụn gha Nazareti rị Galili bịa.”

Jizosị E Si Ulo-nsọ

(Mak 11.15-19; Luk 19.45-48; Jon 2.13-22)

¹² Jizosị nọ banye Ulo-nsọ, chupụ ndị ile rị a zụ afia imẹ Ulo-nsọ, hukpumé teburu ndị a gbahutó ego lę oche ndị hụn e re oluikuku. ¹³ O nọ sị wę, “Wę de e imẹ Ekukwo-nsọ, sị,
‘Wę jenkö d'a kpo Ulo m ulo ekpere’,
kale ọnụ e giguọ a hęnrin ebe ndị-ohin e zueri!”

¹⁴ Ndị enya-ishi lę ndị-nguro nọ bịa d'e kunrun e imẹ Ulo-nsọ, o nọ zuo wę. ¹⁵ Kanị ogen ndị-isi nchuejan lę ndị-nkuzi Iwu gi hụn ihiẹn ndị a tụ enya o rị e me, hụnzị kę umu-ndu rị imẹ Ulo-nsọ rị e yi oro, a sị, “Hozana (ojija-mma) rị nị nwa Defidi!”, iwe nọ wemẹ wę. ¹⁶ Wę nọ sị a, “I hụ a nụ ihiẹn umu-ndu ndịnị rị e ku?” Jizosị nọ sị wę, “Eghẹe, m hụ a nụ. Ünụ e ke guntu ebéhụ Ehuhụo-nsọ nọ sị,
‘Y'a zunguọ umuékà lę ndị rị a ra ेran nị wę ja i mma zu oke.’?”

* **Isi Nke Ohu-kwasi-ogun:9** Griki: “...imẹ Elu-igwee kachanrịn elu e jen”. (Osolobue kę wę gi ihienni e ku.)

17 O no la wę to, gha imę obodo hụ pụ, si Bętanị, d'a nödị uchinchin hụ.

*Jizosị A Bu Osisị Figi Onụ
(Mak 11.12-14, 20-24)*

18 Eki e fọn uzotuntụn, ebe o kinko azụn Jerusalém, ęgün hụ a gun a. **19** O no hụn osisi figi ohu mkpənren uezø, o no jen ebe o rị; kanị, o hụnni ihiẹn owitz enu e, mmanị ęhuhuọ suọ. O no sị a, “Amizile mkpuruị jenrin ejen.” Osisi hụ no kpopụ-nkụn ozigbo. **20** Ogèn ụmụ-azụn gi hụn ihienni, o tükenné wę ẹnya, wę no sị, “Nani kę osisi hụ dọn kpopụ-nkụn ozigbo?” **21** Jizosị no sị wę, “M rị a gwa ụnụ ezioku, owitz onu e nwongho okukwe bụ ụnụ enwèni obi-ebuọ, ụnụ jenko d'a saeka mèkarị ihiẹn wę mę osisi figi hụ; elede ọhụn suọ, osuon'a ni onu sị uguni, ‘Jen d'a tụ enwèn i ye imę ohimin,’ o jenko d'e mę. **22** Ihiẹn ụnụ gi okukwe mę ekpere riọ, onu jenko d'e nwonhen e.”

*A Ju Wę Jizosị Kę Onyę Zi E
(Mak 11.27-33; Luk 20.1-8)*

23 Ogèn o gi banye Ụlo-nsọ, ndị-isị nchụ-ejan le ndị-isị no bịa d'e kunrun e ebe o rị a kuzi, sị a, “Elee ikèn k'i gi e mę ihiẹn ndịnị, onyę ye i ikenni?”

24 Jizosị no za wę, sị, “Mmę lę enwèn m jenko d'a ju ụnụ akpụ otaa ohu, ụnụ za m'a, a gwa m onu ikèn m gi e mę ihiẹn ndịnị.” **25** “Mirin-Chuku Jönü mę, elebe k'o gha bịa: o gha elu-igwee bịa ra o gha eka ihiān bịa?”

Wę no tüğbamę iroro, sị, “Enyi sị, ‘O gha elu-igwee bịa,’ o sikọ d'a sị, ‘Kị haịn nwan ụnụ gileni gi oku e dọn?’ **26** Kanị ęgun igunrunni anikọ ẹnyi sị, ‘O gha eka ihiān bịa,’ makèni ihiān ile weri e ni Jönü

Matiu Isi Nke Ohu-kwasi-ogun:27 lxviii Matiu Isi Nke Ohu-kwasi-ogun:36

wụ onye-amụma.” ²⁷ 'Ya wę nọ za Jizosị, sị, “Enyi amarin.” O nọ sị wę, “Mmẹ nwẹn a gwakọ ụnụ iken m gi e mè ihiẹn ndini.”

Jesu E Gi Umune Ebọ́ Kuzi Imẹ́-ihiẹn Chuku Ku

²⁸ “Kịnị kẹ ọnụ ro nwan? Okennye ohu mụ ikennye ebọ́; o jẹn d'e kunrun nke ibuzo, sị a, ‘Nwa m, jẹn d'a rụn ɔrụn imẹ ugbo vajinị tannị.’ ²⁹ O nọ sị, ‘Ejenkọ m.’ Kanị, omegụ, o nọ gbehutọ obi e, jenmẹ. ³⁰ 'Ya nedi e nọ jẹn d'e kunrun hụn-ebọ́, gwazi a ihiẹn ohu ahụn. O nọ sị, ‘Baba, m sikọ d'e jẹn.’ Kanị o jenni. ³¹ Onye imẹ wę mè ihiẹn nedi e cho?’ Wę nọ sị, “Nke ibuzo.” Jizosị nọ sị wę, “M rị a gwa ụnụ ezioku, ndị a na Ụgwọ́-isi wę gi njo wę marin lẹ ndị igbaraja hụ e buni ụnụ ụzọ a banye Ali-eze Osolobue. ³² Makení Jọnụ bia d'e kunrun ọnụ, a ghosi ụnụ ezigbo ụzọ ahụn Osolobue cho, kanị, ụnụ egini oku e don. Kanị ndị a na ụgwọ́-isi wę gi njo wę marin lẹ ndị igbaraja gi e don; ogen ọnụ gide hụn ihiẹn rị e mени ụnụ egidēn'ę cheghari, kweri ihiẹn o ku.”

Ilu Jesu Gi Ndị Wę Ye Ugbo Rụn Ta

(Mak 12.1-12; Luk 20.9-19)

³³ “Nụ nị ilu ozọ: O nwọn onye ohu nwọn alị, o nọ kụn a vajinị, kənhunmẹ e ugba, gu olu ebe w'a nọ a pịnpụha manya-vajinị ye imẹ ugbo hụ, tụnzikwọ ụlo-nche ye e, bu e che eka ndị sikọ d'a gha a rụn a e-gbu-e-ke. O nọ si alị ozọ. ³⁴ Ogen vajinị e rumẹ, o nọ zi ndị idibo e jenni ndị hụ rị a rụn ugbo hụ d'a nahany wę ihiẹn vajinị a mi. ³⁵ Ndị hụ rị a rụnn'a nọ kwondon ndị-idibo e, gbu onye ohu ili, gbu onye ohu ozun, mazị onye ohu ọmụma. ³⁶ 'Ya o nọ zijenzi ndị-idibo e ozọ bu ọda karị ndị ibuzo. E mè wę wę

ihiẹn wé mè ndị ibuzo. ³⁷ Omegụụ, o nọ zịjɛn nwa a, sị, ‘Wé sikọ d'a gbaye nwa m.’ ³⁸ Kanị, ogɛn ndị hụ rị a rụn ugbo-vainị hụ gi hụn nwa a, wé nọ sị ibe wé, ‘Onyeni wụ hụn jenkọ d'e nwọnrin ebeni omegụụ; nị ɛnyi gbupụn'a nwan weri ihiẹn e!’ ³⁹ ‘Ya wé nọ weri e, chupụ a imẹ ugbo-vainị hụ, gbu e.’

⁴⁰ “Onye nwọn ugbo-vainị hụ bịa nwan, k'o sikọ d'e mè ndị hụ rị a rụn ugbo hụ?” ⁴¹ Wé nọ za, sị, “O jenkọ d'e gbu ndị-eti hụ, gbu wé la iwi, we ugbo-vainị hụ ye ndị ozo hụn jenkọ d'a rụnn'a, e yesonmè e ihiẹn-ugbo e ogɛn ihiẹn-ugbo.”

⁴² Jizosị nọ sị wé, “Onụ e ke gụntu ihiẹn Ẹkụkwọ-nso ku? Ẹkụkwọ-nso sị,
‘Omụma hụ ndị a tụn ulọ jụ,
a wuruolę hụn gi ulọ;
Di-nwọnni-ɛnyi 'ya mè ihienni,
o tuka ɛnyi ɛnya!’

⁴³ ‘Ya wụ, m rị nwan a gwa ụnụ nị wé jenkọ d'a narin ọnụ Ali-eze Osolobue, we e ye ndị alị hụ hụn jenkọ d'a mị mkpuru a. ⁴⁴ Onye Ọwule danye elu Ọmụmanị jenkọ d'e tikpochanriṇ, kanị o jenkọ d'e gwerinriẹn onye Ọwule o dankwasị!’

⁴⁵ Ogɛn ndị-isị nchụ-ɛjan lẹ ndị Itu-Farisi gi nụ ilu ndịnị, wé nọ marin nị uwɛ k'ọ rị e ku. ⁴⁶ Wé te cho nị wé nwụnrụn a, kale egun igunrun rị ebahụn a ninị wé, makènị wé weri e nökè onye-amụma.

Isi Nke Ebụo-kwasị-ogun

*Jesu E Gi Oriri-agbamékukwo Kuzi
(Luk 14.15-24)*

¹ Jizosi no tazi ni we ilu, si, ² “Ali-eze eluigwee rike ebe eze ohu no kpø ni nwa a oriri-agbaméhuhu. ³ O no zi ndi-idibo e d'a kpø ndi we kpø oriri-agbamékukwo hu, kani abianji we. ⁴ O no zizi ndi idibo ozø, si, ‘Gwa ni ndi hu we kpø oriri, si, “Lee n'è, a kwademegu m oriri m; e gbuolè m okèn-efin m le umu-efin m zunto. A kwademegu m ihièn ile; bia ni oriri-agbaméhuhu hu.”’”

⁵ “Kani egini w'è don, onye-onye no jenmè ebe o jenkö: onye ohu e jenmè ugbo e, onye ozø e jenmè afia a, ⁶ ndi ozø no nwunrun ndi idibo e, gbe ifenren ye we ihun, gbu we. ⁷ Eze hu no bumè olulu; o no zijen ndi-agha a, we no gbupu ndi ogbu-ochu hu, dunchanrin obodo we okun. ⁸ O no si ndi idibo e, ‘A kwademegu we oriri-agbamékukwo hu, kani ndi we kpø d'e ri e efuruni ndi we siko d'a kpø. ⁹ Jensonmè ni nwan ogbara-ogbe ichen-ichen d'a kpø ke we han unu hun; si ni we bia oriri.’ ¹⁰ Ndi idibo hu no jensonmè ogbara-ogbe ichen-ichen d'e wehe ndi ile we hun, ke ndi-oma ke ndi-eje, nke wu ni ndi-obia e junchanrin ebahun we ri e me mmemme.”

¹¹ “Kani, ogèn eze hu gi bia n'o hun ndi obia, o no hun onye ohu yileni ewuru we gi e jen agbaméhuhu. ¹² O no si a, ‘Di-enyi; nanji k'i don banhan ebeni bu y'e yi ewuru we gi e jen agbaméhuhu?’ O shiarini ihièn owule. ¹³ Eze no si ndi hu e jenn'e ozi, ‘Kènmè n'e ukù le eka, tu a ye ishi hu ri ezi, ebe ihièn jenkö d'a no a kwan èkwan, a ta nkwenren-eze.’ ¹⁴ Makèni ndi we kpø bu oda, kani ndi we hòri ebuni oda.”

*Ajụju Banyeni Iku Ugwo-isi
(Mak 12.13-17; Luk 20.20-26)*

¹⁵ Ndị Itu-Farisi nọ jen d'a tụ iroro nị wẹ marin kẹ wẹ a dọn gi ihiẹn wẹ lẹ Jizosị k'e ku nwündon e. ¹⁶ Wẹ nọ zijen ụmụ-azụn wẹ lẹ ndị itu Hẹrọdụ d'a jụ a ụtaani: “Onyę-nkuzi, ẹnyi a maringhọ n'i wụ onyę ezioku, nị i rị a kuzi uzọ Osolobue k'o furu, nị egun ihięn ara tụ i, y'a ra gbeyeni ihięn. ¹⁷ Gwa ẹnyi nwan ihięn i ro: O furughọ nị ẹnyi kụ eze-kanị wụ Siza ugwo-isi ra o furuni?” ¹⁸ Kani Jizosị a maringuọ nị wẹ jụ ụtaani makęni izize e rị e ze wẹ. O nọ sị, “Kị hain ụnụ gi a nwan m, ọnụ ndị ihunnai. ¹⁹ Ghosidele ni m egho wẹ gi a kụ ugwo-isi hụ.” Wẹ nọ wehen'ę akpuru ego dinariṣi ohu. ²⁰ Jizosị nọ sị wẹ, “Isi onyę lẹ ẹfan onyę wụ ndịnị?” ²¹ Wẹ nọ sị, “Nke Siza rọ.” ‘Ya o nọ sị wẹ, “We ni nwan ihięn Siza ye Siza, ụnụ e we nke Osolobue ye Osolobue.” ²² Ogen wẹ gi nụ a, o tukēnmé wẹ ẹnya, wẹ nọ na a tọ, pụ.

*Ajụju Banyeni Igha Ọnwụn Lihị
(Mak 12.18-27; Luk 20.27-40)*

²³ Uhhohin ohu huzíkwọ, ndị hụ imẹ ndị Itu-Sadusi nọ bịa d'e kunrun Jesu. Ndị Itu-Sadusi kweri nị ndị nwụnnị a ra lihi: wẹ nọ jụ a ụtaa, ²⁴ sị, “Onyę-nkuzi, Mozizi sị nị ‘Omèni okènnỵe nwụnnhụn bụ ọ munị nwa, nwènẹ e ‘ya luma okpoho hụ di e nwụn, kení ọ mudon ni nwènẹ e nwụnnị nwa.’ ²⁵ Ikènnỵe esa wụ umunẹ te rị imẹ ẹnyi; nke ibuzo a lugụn nwunyę, o meguụ, ọ nọ nwụnnhụn bụ ọ munị nwa, ọ nọ la nwunyę e tọ, nwènẹ e hụn e sonn'ę nọ luma a. ²⁶ Erirazilikwọ kẹ nke ebuo ahun mę, lę nke eto, d'e ru hụn mę wẹ esa, wẹ ile a nwụnnhụnchanrin.

Matiu Isi Nke Ebuo-kwasi-ogun:27 lxxii Matiu Isi Nke Ebuo-kwasi-ogun:40

27 Omęgụ, okpoho hụ nō nwụnhụn. 28 'Ya wụ, ogęn ndị nwụnnị e gi nwan lihi, nwunyę onyę k'o jenkö nwan d'a wụ imę mmadụ esa hụ, ebe o mę ni wę ile lugbarị a?"

29 Kanị Jizosị nō za wę, sị, "Unụ e fiegwo uzọ makeni unụ a marin Ehhụo-nso, ọnụ amarin kę iken Osolobue han. 30 Ogęn ndị nwụnnị sikọ d'e gi gha ọnwụn lihi, alukọ wę di lę nwunyę, eyekọ wę wę lurụ, wę jenkö d'a nō kę ndị mmɔn-ozı. 31 O mę nke iweli ndị nwụnnị, unụ e ke gụntu ihien Osolobue gwa ọnụ imę Ehhụo-nso? 32 O sị, 'Mmę wụ Osolobue Ebrahim, Osolobue Aziki lę Osolobue Jekopụ.' Osolobue ẹlę Osolobue ndị nwụnnị, kanị nke ndị rị ndụn." 33 Ogęn igunrun hụ gi nụ nkuzi ę, o tükənmę wę enya.

Iwu Kachanrinni
(Mak 12.28-34; Luk 10.25-28)

34 Ogęn ndị Itu-Farisi gi nụ nị Jesu e kpukingwo ndị Itu-Sadusi ọnụ, wę nō zu, buru ę, 35 onyę ohu imę wę wụ ọkaa-Iwu nō gi ọtaa shin'ę ọnyan, sị 36 "Onyę-nkuzi, elee iwu kachanrin imę Iwu Mozizi?" 37 O nō sị a, " 'Gi obi i ile, enwèn'* i ile lę uche i ile nwę ihien-ösüşo Di-nwọnni-enção wụ Osolobue i.' 38 Onwan wụ iwu kachanrinni lę nke ibuzo. 39 Nke ebuo nozị kę nke ibuzoni, o sị, 'Thien ibe i sikọ d'a suoriri i kę ihien enwèn i dọn a suq i.' 40 Iwu ebuoni gi Iwu Mozizi ile lę ihien ile ndị-amụma ku."

Ajụju Banyeni Kraistị, Onyę Hụ Osolobue Tumę
(Mak 12.35-37; Luk 20.41-47)

* **Isi Nke Ebuo-kwasi-ogun:37** umę-ndụn

41 Ogèn ndị hụ imẹ ndị Itu-Farisi gi nogbame, Jizosị nọ jụ wẹ ụtaa, **42** sị, “Kịnị kẹ ụnu ro banyeni Kraisti? Nwa onye k'o wụ?” Wẹ nọ sị a, “Nwa Defidi.” **43** O nọ sị wẹ, “Nanị kẹ Mmọn-nso dọn nwan mè Defidi kpọ a ‘Di-nwọnni-m’ ebèhụ Ehuhuọ-nso nọ sị,

44 ‘Di-nwònñi-ènyi sị Di-nwònñi-m;
nödị alị eka-nni m,
d'e ru mgbe m bugụ ndì iñenren i
che okpuru ụkụ i?’ ”

45 “O mè nwan nị Defidi kpọ a ‘Di-nwònñi-m’, eghani k'o dọn wuru nwa Defidi?” **46** O nwònñi onye saeka za ihiẹn ọwule. O nwònñini onye egun nị jụ a ụtaa ọzọ gha ụhuohin hụ jenme.

Isi Nke Eto-kwasi-ogun

*Jizosị Sị Wẹ Kpachanpukwo Enya Ebe Ndị-nkuzi
Iwu Lẹ Ndị Itu-Farisi Ri*

(Mak 12.38-39; Luk 11.43-46; 20.45-46)

1 Ya Jizosị nọ sị igunrun hụ lẹ ụmu-azụn a,
2 “Ndị-nkuzi Iwu lẹ ndị Itu-Farisi nödị alị elu Ocho-Mozizi—‘ya wụ, uwę wụ ndị a kuzi Iwu Mozizi; **3** e mè ni nwan ihiẹn ọwule wẹ gwa ụnu, e gi n'e dọn; kale, esonkwole ni wẹ mè ihiẹn wẹ rị e mè. Makeni, w'a kuzi, bụ w'a ra mè ihiẹn wẹ rị a kuzi.
4 W'e kenmè ibu nyinni, hụn a fụ orụn obubu e che ihiān isi-uvun, kani wẹ lẹ enwèn wẹ ara tịnpudé mkpinsin-eka ohu nị wẹ bu ụdị ibu hụ. **5** Wẹ e mè ihiẹn ile w'e mè keni ihiān ile hụn wẹ: wẹ gha e mémé mkpọ Filatri ahụn ihiān ilée deye ihiẹn rị Ekukwọ-nso e kēnmeye ezimezi ihun, e mémé wẹ nke wẹ n'o hi-ogbe. Wẹ gha e mémé Taselu ahun

ihian ile a kwaye ekwa ekpere, e mémézi wé nke wé n'o sue, keni ihian hún wé.⁶ O suó wé ni w'a ndí isi-oché wé gha e ri oriri; a suó wé ni w'e ye wé oché pú-iché imé uló-ofufe,⁷ ni w'e kele wé ekele pú-iché imé afia ebe ihian rí, ni w'a kpó wé 'Onyé-nkuzi.'⁸ Ka anílē ni ihian kpó ọnú 'Onyé-nkuzi,' makéle Onyé-nkuzi ohu suó kę ụnú nwón, umuné kę ụnú ile wú.⁹ Akpokwóle ni onyé ọwule rí elu-uwani 'Nédi ényi,' makéni Nédi ohu suó kę ụnú nwón, elu-igwee k'ó rí.¹⁰ Aníkwóle ni ihian kpó ụnú 'Nna' makéni Nna ohu suó kę ụnú nwón—Kraistí suó wú Nna ụnú.¹¹ Onyé kachanrinní imé ọnú, k'a wúru odibo ụnú.¹² Onyé ọwule busi enwén e elu, wé sikó d'e wetu e ali; kaní onyé ọwule welua enwén e ali, wé jénkó d'e wesi e enu."

*Jizosí A Ban Mban Maké Obibi Ihunnai Wé
(Mak 12.40; Luk 11.39-42, 44, 52; 20.47)*

¹³ "Kaní nsongbu rí ni ụnú ndí-nkuzi Iwu lè ndí Itu-Farisi, ndí ihunnai! Makéni ọnú a kpókin uzó Ali-eze elu-igwee: ụnú a banyekó, ọnú eyekó ndí chọ ni wé banye efe banye.

¹⁴ Nsongbu rí ni ụnú ndí-nkuzi Iwu lè ndí Itu-Farisi, ndí ihunnai! Ụnú e rigbu ikpoho di wé nwún, e gi ekpere sueni e kpukin e. 'Ya wú, ọnú jénkó d'a narín afunfun kaní.'

¹⁵ Nsongbu rí ni ụnú, ndí-nkuzi Iwu lè ndí Itu-Farisi, ndí ihunnai! Makéni ọnú e jénsónmè ali ichéñ-ichéñ, e fetudé ohimin, a chọ kę ụnú a don nwéhendé onyé ohu hún sikó d'e kweri femé ofufe ọnú, kaní onyé gbehutó nwan sónmè ụnú—ụnú e mè e wúru nwa (okùn-mmón ríké ụnú, wúkaridé ụnú.)"

16 “Nsongbu rị nị ọnụ ndị ẹnya-ishi rị e duni, a sị, ‘Omèni ihiyan kun Ụlo-nsọ, o nwọnni ihiyen ọ wụ; kanị, o kun goru rị imẹ Ụlo-nsọ, o jenkö d'e mezuriri ihiyen o kun n'e.’ **17** Ụnụ ndị nzuzu ẹnya kpu ishi! Eleee hụn ka? Goru ra Ụlo-nsọ hụn mē goru hụ rị nsọ? **18** Ọnụ a sị nị ‘Omèni ihiyan kun ebe wẹ nō a chụ-ejan, o nwònni ihiyen ọ wụ, kanị o kun oyiye rị elu e, iwu gi e, o sikọ d'e mezuriri ihiyen o kun n'e.’ **19** Ụnụ ndị ẹnya-ishi! Eleee hụn ka? Oyiye ra ebe wẹ n'a chụ-ejan hụn mē oyiye hụ rị nsọ? **20** Onyę kun ebe wẹ n'a chụ-ejan e kunguọ ebe wẹ n'a chụ-ejan lę oyiye ile rị elu e. **21** Onyę kun Ụlo-nsọ kun Ụlo-nsọ lę Osolobue hụn bi imẹ e. **22** Onyę kun elu-igwee kun ukpo Osolobue lę onyę hụ a nọdị alị elu ukpo hụ.”

23 “Nsongbu rị nị ụnụ ndị-nkuzi Iwu lę ndị Itu-Farisi, ndị ihunnai! Ụnụ a kusonmđe ụzọ-ohu-imẹ-ụzọ-iri ihiyen e mē ofe a sụo—kẹ arabasi-minti kẹ dilụ kẹ kumini—bụ ụnụ a natoguọ ihiyen ndị hụ ka mkpa imẹ Iwu—rịkẹ iye onyę ọwule ihiyen run'ę lę omiken lę okukwe. O te furu ni ụnụ e mē ihiyen ndịnị ka mkpa, bụ ele hụn ụnụ e gi latọ ndị ọzo. **24** Ndi ẹnya-ishi rị e du ndị ọzo! Ụnụ e shenpụ nzinzipin rị imẹ manya, kanị ụnụ e luepụ kamelụ, anyịnnyan-mkpukpuke higbu enwẹn e ogbe!”

25 “Nsongbu rị nị ọnụ ndị-nkuzi Iwu lę ndị Itu-Farisi, ndị ihunnai! Makeni ụnụ a chanchan azụn mkpu lę afere, kale ihiyen wẹ gi ẹnya-uku nwéhen lę imẹ ihiyen gụnni ụnụ ya jun imẹ wẹ. **26** Onyę Itu-Farisi ẹnya-ishi! Bu ụzọ chanchan imẹ mkpu lę imẹ afere, keni azụn wẹ hụn ụzọ nwunchan.”

27 “Nsongbu rị nị ụnụ ndị-nkuzi Iwu lę ndị Itu-Farisi, ndị ihunnai! Ọnụ nō kẹ ili wẹ gi ihiyen ọchan

tekwamé, hún magbu enwén e mma azúun a, kani ihién jun imé wé wú ọkpukpú ndí nwúnní lè ihién ile rúni. ²⁸ Eríra kẹ ụnụ rízíkwo: énya ihián, ọnụ rí kẹ ndí e mé ihién Osolobue chọ, kani ihunnaí lè njo jun imé ụnụ.”

*Jizosí E Ku Oku Ikpe-omúma Lalani Ní Wé
(Luk 11.47-51)*

²⁹ “Nsóngbu rí ní ụnụ ndí-nkuzi Iwu lè ndí Itu-Farisi, ndí ihunnaí! Ụnụ a tún ili ndí-amúma, a chosonmé ihién wé tún wé gi a nyanhan ndí mé ihién Osolobue chọ mma; ³⁰ a sí, ‘Omeni ényi rí a ogéndi ndí nedi ényi wé kaní, ényi e ke són wé gbu ndí-amúma!’ ³¹ Eríra kẹ ụnụ gi a shíagbu enwén ụnụ erí ní ụnụ wú ụmú ndí gbu ndí-amúma! ³² Mészúchanrin ní nwan ihién ndí nedi ọnụ kaní bidon! ³³ Agwó kẹ ụnụ wú! Igúrunrun ejú-alí! Naní kẹ ụnụ jénkó d'e gi wanahin ikpe-omúma lè afunfun ọkúnn-mmón?

³⁴ Lee n'ę nwan, m jénkó d'e ziheni ọnụ ndí-amúma, ndí marín ihién lè ndí-nkuzi. Ụnụ jénkó d'e gbu ndí hú imé wé, kpogbu ndí hú imé wé, fían ndí hú imé wé mkpínsin imé uló-ofufe ụnụ, a chú wé, e kpokpo wé, gha obodo d'e ru obodo, ³⁵ kení edeke ndí ezi-omumé ile wé gbu elu-ụwa hún uzó rí ọnụ isi—gha edeke Ebélu onyé ezi-omumé d'e ru edeke Zékáraya nwa Barakaya, hún ụnụ gbutó imé Ulónso—egbata Ebéhụ-rí-nsó lè Ukpo w'a nódí a chú ejan. ³⁶ M rí a gwa ụnụ ezioku, agbóní jénkó d'e gi isi buru ihién ndínlí ile.”

*Ké Obodo Jerusalém Ríhan Jesu Obi
(Luk 13.34-35)*

³⁷ “Euu Jerusalém! Jerusalém!! Obodo hụn e gbu ndị-amụma, a magbu ndị wę zihen'ę ọmụma! Mgbe ole-lę-ole kę m chọpụ nị m kigbama ụmụ i kę nnaku-ohụhụ dọn a kigbama ụmụ a e ye okpuru nku ę, bụ y'a nini m! ³⁸ Lee ę, a la wę ụlo i tọ okpokoro! ³⁹ M rị a gwa i nị y'a hunkozị m d'e ru ogen i sikọ d'a sị, ‘Onyę hụ gi ęfan Di-nwọnni-ęnyi a bịa wụ onyę wę gozi agozi.’ ”

Isi Nke Eno-kwasi-ogun

*Jizosị E Ku E Ni Wę Jenkọ D'e Tikpọ Ulo-nsọ
(Mak 13.1-2; Luk 21.5-6)*

¹ Jizosị nọ gha Ulo-nsọ pụ; ebe o pukọ, ụmụ-azụn a nọ bịa d'e kunrun ę, a ghosiṣonmę e ụlo rị ichen-ich'en rị Ulo-nsọ. ² Kani Jizosị nọ sị wę, “Onu a hunguọ ihien ndini wę, ęle 'ya? M rị a gwa ụnụ ezioku, o nwònni ogbe-omụma ohu hụn jenkọ d'a hođu enu ibe wę; wę jenkọ d'e nutuchanrin wę ile ye ali.”

*Nsòngbu Lę Ukpokpo Lalani
(Mak 13.3-13; Luk 21.7-19)*

³ Ogen Jizosị gi nodi alị elu Ugu Olivu, ụmụ-azụn a nọ bịa d'e kunrun ę ebe 'ya suq nodi, wę nọ sị, “Gwa ęnyi, elee ogen kę ihien ndini jenkọ d'e mę? Kini jenkọ d'a wụ ahịma obibia i lę nke ögugụ-ogen?”

⁴ Jizosị nọ za wę, sị, “Kpacchanpụ nị ęnya makę w'e dufie onu, ⁵ makęni ndị bu ọda jenkọ d'e gi ęfan m bịa, sị, ‘Mmę wụ Kraistị.’ Wę sikọ d'e gi ę dufie ndị bu ọda. ⁶ Onu jenkọ d'a nusonmę ukwere agha ndị wę rị a lụ, nusonmę nị agha jenkọ d'a rị—kani, anile ni egun tu ụnụ, makęni ihien ndini jenkọ d'e mę bụ ögugụ-ogen e ke ru. ⁷ Makęni alị sikọ d'a luson alị;

ali-eze a luson ali-eze, ụnwụn лe ali-omahihie jenkö d'a rị ebe rị ichen-ichen. ⁸ Ihien ndinị ile rịkẹ ebe imē nohụ mémé okpoho.

⁹ Ogèn hụ, wę jenkö d'e we ụnu ye wę ye nị ọnu afunfun, wę sikọ d'e gbu ọnu; ize ụnu jenkö d'a ban ndị ali ile rị ichen-ichen makę ufiri ẹfan m. ¹⁰ Ndị bu ọda jenkö d'a danpụ imē okukwe, e re ibe wę, e ze ize ibe wę. ¹¹ Ndị amumma-ntụ ndị bu ọda jenkö d'a puha, dufie ndị bu ọda. ¹² Ufiri nị njo jenkö d'a barahi, ihien-osusuo ndị bu ọda nwę jenkö d'a jụụ oyi. ¹³ Kanị onyę hụn din ndidi d'e ru njendemę jenkö d'e nwọn nzuopuha. ¹⁴ Wę jenkö d'e zi ozioma banyeni Ali-eze ghagbarị elu-ụwa ile kę n'o wuru ọsheri ye ndị ali ile rị ichen-ichen; ogèn hụ kę ọgugu-ogèn e gi ru.”

*Arụ Hụ Hụn E Buhe Ntikpọ
(Mak 13.14-23; Luk 21.20-24)*

¹⁵ “Ya wụ, ogèn ọnu jenkö d'e gi hụn arụ hụ hụn e buhe ntikpọ k'o wuzo ebahụn rị nsọ, nökę kę onyę-amumma wụ Danelụ dọn ku (onyę rị a gunni 'ya ghoha), ¹⁶ ndị rị Judia wę gbasikwo elu ugu ndị rịsonmę ebéhụ; ¹⁷ onyę hụn rị elu ulọ y'a gha ebéhụ gbama ọso—y'e hidangukwole banyemęzi imē ulọ n'o jenkö d'e weri ihien ọwule; ¹⁸ onyę hụn rị ugbo, y'e kinkwole ulọ n'o jenkö d'e weri ewuru o yiye elu e. ¹⁹ Euu, o jenkö d'a fụ ndị rị imē lę ndị pa nw'eka ọrun ogèn hụ! ²⁰ Mekwo ni ekpere amamgbe ọso ụnu a wụ ogèn oyi mọbụ Uhuohin Izu-iken. ²¹ Makeni oken nsongbu jenkö d'a rị, ụdi hụn rituleni kete ụwa e bidonlę d'e ru tannị: o ke ritu bụ ọ rịkozi. ²² Oméri ebeluanị wę ogèn hụ, o

nwoñni onyé sikọ d'a wanahinni; kale, wé sikọ d'e gi ufiri ndí Osolobue hóri belua ogé nsongbu ahún.

²³ Onyé sì ọnú, ‘Lee e, Kraistí rí ebeni!’ Móbú ‘Lee e ebéhú,’ ekwerikwolé ni. ²⁴ Makéni ndí kpó enwéen wé Kraistí jénkó d'a fúha, wé lè ndí amúma-ntú, rúnsónmè ihién-ahíma hi-ogbe lè okéen ɔrun-atúményá, kéni wé dufie ihian, dufiedé ndí Osolobue hóri ọwùnì o te k'a ní wé mé. ²⁵ Gon ni ntin! A gwatoguókwo m ọnú ihiénni o gini d'e mé. ²⁶ ‘Ya wú, wé sì unú, ‘Lee e, o rí imé atú’, ejéenkwolé ni; wé sì, ‘Lee e, o rí imé mmughé’, ekwerikwolé ni. ²⁷ Makéni, ríké ké amúma dòn e be elu-igwere ihian ile a hún a—ké ndí rí ọwúwa-énya-anwún ké ndí rí ndídan énya-anwún—éríra ké obíbia Nwa nke Ihian jénkó d'a rí. ²⁸ Ebe ọwúlé ozun rí, ebahún ké udele sikọ d'a gbakikomé.”

*Obíbia Nwa Nke Ihian
(Mak 13.24-27; Luk 21.25-28)*

²⁹ “Hún nsongbu ogéen hú gi ghafeguhú, énya-anwún jénkó d'a gba ishi, ifon etikozi; kokishia jénkó d'a rí a gha elu-igwere a dantusónmè, ikéen ndí rí elu-igwere jénkó d'e mèhunmè. ³⁰ Ogéen hú ké ahíma Nwa nke Ihian jénkó d'e gi púha igwere. Ndí alí ile rí ụwa jénkó d'a kwáan ekwan ogéen w'e gi hún a. Wé k'a hún Nwa nke Ihian k'o rí elu orukpu elu-igwee hún o gi lala, k'o gi ikéen lè ogóhó hi-ogbe lala. ³¹ O sikọ d'e gi okéen opi hanní zipú ndí mmón-ozi é jéen d'e wegßama ndí nke Osolobue rí ebe ọwúlé—ebe ile elu-igwere ru.”

*Ihién Jesu Gi Osisi Figi Kuzi
(Mak 13.28-31; Luk 21.29-33)*

³² “Gi ni osisi figi múnrun ihiénni: Hun agalaba a gihú foríma, y'a marín ní udu-mirin e d'e bidón.
³³ Erírazíkwo, ogéen ọnú e gi hun ihiéen ndíni ile, ọnú a marín ní ogéen hú e ruguo, eghéé, o ruguo ọnúmúzo. ³⁴ M rí a gwa ụnú ezioku, ndí rí ogéenni a gúchanrínkó ihiéen ndíni kebe mezu. ³⁵ Elu-igwee lè ụwa jénkó d'a ghafe, kaní oku m aghafekó.”

*O Nwónni Onyé Marín Uhúohin Hú Móbú Ogen Hú
(Mak 13.32-37; Luk 17.6-30, 34-36)*

³⁶ “O mé nke uhúohin o jénkó d'a wú móbü ogéen o k'a wú uhúohin hú, o nwónni onyé marínni—ké ndí mmón-ozi rí elu-igwee kę Nwa; kaní Chuku-Nédi suó marín. ³⁷ Obíbia Nwa nke Ihílan jénkó d'a nō kę ihiéen mé ogen Nua. ³⁸ Ok'a rí k'o rí ogéen hú ní okéen-mirin hú d'a bia: wé rí e ri, a ra; a lú di lè nwunye, e we ụmú wé e ye di a lúru—d'e ru uhúohin Nua banye imé ugbo-mirin hú, ³⁹ amarín wé ihiéen rí e méri d'e ru ni okéen ide-mirin hú a bia, gbupú wé ile. Eríra kę obíbia Nwa nke Ihílan jénkó d'a rí. ⁴⁰ Ogen hú, ikennyé ebúo jénkó d'a rí imé ugbo a rún ɔrun, e weri wé onyé ohu na onyé ohu tó; ⁴¹ ikpoho ebúo k'a gha a kwó ihiéen, e weri wé ohu la ohu tó. ⁴² 'Ya wú, múnrun ní nwán énya makéni ọnú amarín uhúohin Di-nwónni-ọnú lala! ⁴³ Kaní, marínkwo ní ní oméri onyé nwón ụlo marín ogéen ohin gi lala iwe e imé abalí, nké o nodí che nche, o ke ní a gbukpo ụlo a banhan.” ⁴⁴ “Ya wú, ụnú lè enwéen ọnú sikó d'a kwademézikwo, makéle mmé wú Nwa nke Ihílan lala ogéen ọnú tuléni énya.”

Odibo Furu Wé Gi E Dón Énya Ra Hun Furulen?
(Luk 12.41-48)

⁴⁵ “Onye wụ nwan odibo hụ furu nị wẹ gi e d'enyə, odibo ahụn marịn ihiẹn, hụn nna a sị lefụ ezi-le-ụlo a ẹnyə, n'o ye wẹ ihiẹn-oriri ogēn furuni? ⁴⁶ O jenkö d'a rị nị odibo hụ mma ọwụnị nna a a lụa, hụn a n'o hụ e mè ihiẹn ndị hụ — ⁴⁷ m rị a gwa ụnụ ezioku, o sikọ d'e bu ihiẹn e ile che odibo hụ ẹka lepụ ẹnyə. ⁴⁸ Kani, omení eje-odibo hụ a sị enwèn e, ‘Nna m e biekézi d'a lụa,’ ⁴⁹ o gbumé ndị-idibo ibe e ili, e ri, a ra, ‘ya lẹ ndị-manyा, ⁵⁰ nna a jenkö d'a lụa ụhuoḥin ọ tuléni ẹnyə a lẹ ogēn ọ marinlèni. ⁵¹ o jenkö d'a jakíka a, bu e che ebe ndị ihunnai rị, ebahụn ihięn jenkö d'a nọ a kwan ékwan, a ta nkwenren-eze.”

Isi Nke Isen-kwasí-ogun

Ihięn Jesu Gi Igbagba Iri Kuzi

¹ “Ogēn hụ, ihięn jenkö d'e mè imé Ali-eze elu-igwee jenkö d'a nọ kẹ ebe igabagba iri nọ weri ukpẹ wẹ jenmę d'a nabanhān okénnę jenkö d'a gba ékukwō. ² Mmadụ isen imé wẹ wụ ndị marịn ihięn, mmadụ isen wụ ndị nzuzu. ³ Makéni, ogēn ndị nzuzu hụ gi buru ukpẹ wẹ, ewerini wẹ mirin-ukpẹ che ni hụn rị imé ukpẹ wẹ, ⁴ kani ndị hụ marịn ihięn gi ihięn weri mirin-ukpẹ che ni hụn rị imé ukpẹ.

⁵ Okénnę hụ rị a gba ékukwō abianị ęgwa, ụran no tuma wẹ ile, wẹ nọ ranhịn. ⁶ Kani, o ru imé abalị, oro nọ pụ, sị, ‘Lee n'e-o, okénnę jenkö d'a gba ehụhuo a biaguo-o! Bia nị d'e kunrun e!’ ⁷ ‘Ya igabagba ndị hụ ile nọ lihi, fisi ukpẹ wẹ elu. ⁸ Ndị nzuzu hụ nọ sị ndị hụ marịn ihięn, ‘Yebeye ni ẹnyi mirin-ukpẹ ọnụ, nị ukpẹ ẹnyi rị e tinyụn.’ ⁹ Kani,

ndị hụ marịn ihiẹn nō sị, ‘Mba! O zukọ ẹnyi lẹ ọnụ; ọ ka mma nị ụnu jenburu ndị hụn e ren'ę d'e ńonrin nke ọnụ.’ ¹⁰ Ogęn wę gi jenmegụ d'e ńonrin mirin-ukpe; okęnnỵe hụn jenkọ d'a gba ęhụhụo nō banhan; ndị hụ kwademeni nō son e banye imẹ ebęhụ wę k'a nō ri oriri agbamékukwọ, wę nō gunma uzọ. ¹¹ Omegụ, igbagba ndị ozọ hụ nō biazikwọ, sị, ‘Di-ókpaa! Di-ókpaa! Kpọpụ uzọ nị ẹnyi banhan!’ ¹² Kanị o nō sị, ‘M rị a gwa ụnu ezioku, a marịn m ndị ọnụ wụ.’ ”

¹³ Jizosị a tagụ iluni, o nō sị wę, “Che ni nwan nche, makení ọnụ amarin ụhụohịn mọbụ ogęn o sikọ d'a wụ.”

*Ihiẹn Jesu Gi Idibo Etọ Kuzi
(Luk 19.11-27)*

¹⁴ “Ihiẹn jenkọ d'e mè imẹ Ali-eze elu-igwee jenkọ d'a rị kę ebe okęnnỵe ohu nō jenkọ ali-ihiān, o nō kpọ ndị idibo ę, we ihiẹn o nwọn che wę ęka. ¹⁵ O ye onyę ohu egho jun ękpa isen, ye hụn-ebö egho jun ękpa ębuo, ye hụn mè wę etọ egho jun ękpa ohu—onyę-onyę kę ikẹn e han. ‘Ya o nō jenmę. ¹⁶ Onyę o ye hụn jun ękpa isen nō jenmę ozigbo, gi ę zuma afia, o nō nwọnhenzi egho jun ękpa isen che n'ę. ¹⁷ Erira kę onyę o ye hụn jun ękpa ębuo dọn gi ę nwọnhen ękpa ębuo che n'ę. ¹⁸ Kanị onyę o ye hụn jun ękpa ohu nō jenmę, gu alị, zuemę egho nna a ye ę.

¹⁹ O tebe, nna wę nō lụa; o nō bia nị wę gbakọ. ²⁰ Onyę hụ o ye hụn jun ękpa isen nō bia, węhezi egho jun ękpa isen chen'ę. O nō sị, ‘Nna-ẹnyi, egho jun ękpa isen k'i ye m; lee ę, e nwònhenegụozị m egho jun ękpa isen che n'ę.’ ²¹ Nna a nō sị, ‘Y'e mèyeke, odibo ọma, hụn wę gi e d'ęnya! Y'a ghosighọ n'i furu

nị wę gi i d'ənya imẹ ihiẹn mę ntin, m jenkọ d'e tumę i n'i lepụ ihiẹn bu ọda ənya. Bia d'e sòn m ghogho.' **22** Onyę hụ o ye egho jun erekpa əbuo nō biazikwo, si, 'Nna-ənyi, egho jun erekpa əbuo k'i ye m, lee e, e nwọnhenole m egho jun erekpa əbuo che n'e.' **23** Nna a nō si a, 'Y'e məyekę, odibo Ọma we gi e d'ənya; y'a ghosigho n'i furu ni wę gi i dọn ənya ebe ihiẹn mę erekere rị, m jenkọ d'e ye i ihiẹn bu ọda n'i lepụ ənya. Bia d'e sòn m ghogho.'

24 Onyę hụ o ye erekpa egho ohu nō biazikwo, si, 'Nna-ənyi, a maringho m nị obi i e zekę, n'i y'a ghori ihiẹn i kụnlени, e ri ihiẹn i rụnlени. **25** Egun rị a tụ m, ya m nọ jen d'e zuemę egho i ye imẹ ali; lee e, weri ihiẹn i.' **26** Kanị nna a nō shiarị a, si, 'Eje-odibo! Odibo lagbu enwèn e nzunzun! Y'a maringho nị m'a ghori ihiẹn m kụnlени, e kpónrin ihiẹn m ghotoleni, eley iya? **27** Nké y'e bu nwan egho m cheni m imẹ ulo-egho*, m lụa, keni m weri hụn wụ nke m lę omụnịnwa rị n'a. **28** Napụ n'a nwan egho hụ jun erekpa ohu, w'ę ye onyę hụ nwọn hụn jun erekpa iri. **29** Makeni onyę gi ihiẹn hụ wę ye e rụn ɔrun, e yeche ni w'ę keni o nwọncheni. Kanị onyę gileni ihiẹn wę ye e rụn ɔrun, a napụ w'a kę erekere hụn o nwọn. **30** Tụ nị nwan odibo eti hụ ye ishi rị ezi, ebe ihiian jenkọ d'a nọ a kwan erekwan, a ta nkwenren-eze.'

Okinkin-ikpe Ikpazụn

31 "Ogen Nwa nke Ihiian jenkọ d'e gi gi ogho a bia rikę eze, 'ya lę ndị mmọn-ozi ile, o sikọ d'a nödị ali ukpo e nwę ogho'. **32** Wę sikọ d'e węhe ndị ali ile

* **Isi Nke Isen-kwasi-ogun:27** Ika sizi aza

rị ichen-ichen ebe o rị; o jenkọ d'a hopuha wę ohu-ohu ebe ibe wę rị, erịra onyẹ e du anụ dọn a hopuha atunrun ebe ewu rị. ³³ O jenkọ d'e dönme atunrun ndị hụ eka-ihiẹn e, dönme ewu ndị hụ eka-ekpẹn e.

³⁴ Ogen hụ, eze jenkọ d'a sị ndị hụ rị a eka-nni, ‘Bia ni, ndị Nedi m gozi, weri ni Ali-eze hụ wę kwademẹ ni ụnu kete w'a tunlẹ iyeto ụwa. ³⁵ Makeni, ogen ẹgun gi rị a gun m, onu ye m ihiẹn-oriri, ẹgun-mirin a gun m, ụnu e ye m ihiẹn-örira, a wụ m otumunyę, ụnu a nabanhān m, ³⁶ a gba m oto, ụnu e ye m ekwa, emu a kụ m, ụnu a bia d'e lee m, ogen m gi rị imẹ ulo-ngan, onu a bia d'a hụn m.’ ³⁷ Ogen hụ, ndị ezi-omumẹ ahụn jenkọ d'a za a, sị, ‘Di-nwonni-enyi, eleee ogen kẹ enyi gi hụn i kẹ ẹgun rị a gun i, enyi nọ ye i ihiẹn-oriri mọbu kẹ ẹgun-mirin rị a gun i, enyi nọ ye i ihiẹn-örira? ³⁸ Eleee ogen kẹ enyi gi hụn i n'i wụ otumunyę, enyi nọ nabanhān i mọbu n'i gba oto, enyi nọ yime i ekwa? ³⁹ Eleee ogen kẹ enyi gizi hụn i n'i emu rị a kụ i mọbu n'i rị ulo-ngan, enyi nọ bia d'a hụn i?’ ⁴⁰ Eze sikọ d'a za wę, sị, ‘M rị a gwa onu ezioku, ebe ụnu nọ mē ni onyę ohu imẹ ndịnị rikẹ sị arinị wę mkpa imẹ umunę m ndịnị iya, mmé kẹ ụnu mēn'e!’ ”

⁴¹ “Ogen hụ, o sikọ d'a sị ndị hụ rị eka-ekpẹn e, ‘Pu nị nị m ebeni, onu ndị wę bu-onu! Shi ni ọkụn itebe hụ wę kwademẹ ni Ekwensu lę ndị mmɔn-ozị e! ⁴² Makeni ogen ẹgun gi gun m, ụnu eyeni m ihiẹn-oriri, ẹgun-mirin a gun m, ụnu eyeni m ihiẹn-örira; ⁴³ a wụ m otumunyę, ụnu anabanhannị m; a gba m oto, onu eyiméni m ekwa; emu a kụ m, a nodịzìkwo m imẹ ulo-ngan, kanị onu abianị d'a hụn m.’

44 Wę k'a zazikwo a, sị, 'Di-nwɔnni-enyi, elee ogən kę enyi gi hụn i kę egun rị a gun i mọbụ kę egun-mirin rị a gun i mọbụ k'i wụ otumunyę mọbụ k'i gba ọtọ mọbụ kę emu rị a kụ i mọbụ k'i rị ulo-ngan bụ enyi eyeni n'i eka?' **45** O jenkọ d'a za wę, sị, 'Ezioku kę m rị a gwa ụnụ, ebe o meni ụnụ emeni ni onyę ohu imē ndinị nöké sị arinị wę mkpa imē umunę m ndinị iya, ụnụ emeni ni m'e.' **46** Wę jenkọ d'e zi wę si imē afunfụn itebite, kani ndi ezi-omumē sikọ d'e shi ndun itebite."

Isi Nke Isin-kwasi-ogun

E Rini Wę Jizosị Ngo

(Mak 14.1-2; Luk 22.1-2; Jon 11.45-53)

1 Ogən Jizosị gi kugụụ ihiɛn ndinị ile, o nō sị ụmu-azụn a, **2** "Unụ a maringhọ nị akpụ-uhuohin ebụo ghafegụụ Mməmmə-Nghafe e ru. Uhuhuohin hụ kę wę jenkọ d'e gi we mmę wụ Nwa nke Ihiān ye wę kpogbu."

3 Ogən ohu hụ o gi rị e ku ihienni, ndi-isi nchuejan lẹ ndi-isi rị imē ögwa Kayafasi onyę-isi nchuejan, e zu. **4** Wę nō tugbama iroro nị wę gi nzuzue nwụnrụn Jizosị gbu. **5** Kani, wę nō sị, "Elekwo ogən mməmmeni, amamgbe isusu gha rị."

E Hukpu Wę Jizosị Udeñ Imę Betani

(Mak 14.3-9; Jon 12.1-8)

6 Ogən Jizosị gi rị Betani, iwe onyę w'a kpọ Sa'imonu onyę-oti, **7** okpoho ohu nō węhe ögə-alabasta udeñ ńanrannị rị imē e. O nō hu e ye Jizosị isi ebe o nödị alị e ri ihiɛn-oriri. **8** Kani ogən ụmu-azụn a gi hụn ihienni, iwe nō wemę wę, wę nō sị,

Matiu Isi Nke Isin-kwasi-ogun:9 lxxxvi Matiu Isi Nke Isin-kwasi-ogun:19

“Elee iwi wụ ọnwan? ⁹ Nké w'e re udenni egho hi-ogbe, we e ye ndị-igbenyye.” ¹⁰ Kani, ogen Jizosi gi marin ihiẹn wę rị e ku, o nọ sị wę, “Kị haịn ọnụ gi e sòngbu okpohoni? Ihiẹn rị mma k'o mèni m. ¹¹ Ụnụ lẹ ndị igbenyye rị ebeni ogen ile, kalę mmę nwèn esonko ụnụ nödị ebeni ogen ile. ¹² O gi udenni o hukpu m kwademę olili m. ¹³ Ezioku kẹ m rị a gwa ọnụ, ebe ọwule wę nọ zi oziomma imę ụwa ile, wę jenkọ d'e ku ihienni o mę, gi e a nyanhan a.”

*Judas' E Kweri N'o Re Jizosi
(Mak 14.10-11; Luk 22.3-6)*

¹⁴ 'Ya onyę ohu w'a kpọ Judas' Iskarotu, hụn wụ onyę ohu imę mmadụ mmębụ hụ nọ jen d'e kunrun ndị-isi nchụ-ejan, ¹⁵ sị wę, “Kinị kẹ ụnụ jenkọ d'e ye m omeni e we m Jizosi ye ụnụ? Wę nọ kụ a mkpuru ego ọla (siva) iri-kwasi oğun, ego ọrun akpụ-uhuohin iri kwasi oğun.” ¹⁶ Gha ogen hụ jenmę, o nọ choma oghere o jenkọ d'e gi we Jesu ye wę.

*Jizosi Le Umụ-azụn A E Ri Oriri Nghafe
(Mak 14.12-21; Luk 22.7-13, 21-23; Jon 13.21-30)*

¹⁷ Uhuhuohin hụ wę gi e bidon Mmemmę ahụn wę gi e ri Brędi nwọnleni yisti o gi a fụ, umụ-azụn nọ bia d'e kunrun Jizosi, jụ a, sị, “Elebe k'i cho nị enyi kwademę hụn y'a nọ ri Oriri-Nghafe?” ¹⁸ O nọ sị wę, “O nwę okenyye ohu m zijenkọ ụnụ d'e kunrun imę obodo; jenni d'a sị a, ‘Onyę-nkuzi sị, “Ogen m e ruguọ, mmę lę umụ-azụn m sikọ d'a nödị iwe i mę Mmemmę-Nghafe.”’” ¹⁹ Umụ-azụn nọ mę kę Jizosi dọn zi wę, wę nọ kwademę ihiẹn-oriri Mmemmę-Nghafe.

Matiu Isi Nke Isin-kwasi-ogun:20 lxxxvii Matiu Isi Nke Isin-kwasi-ogun:31

20 O ru ogən ənyasi, Jizosì lè ụmụ-azụn mmębuo hụ no nödị alị e ri ihięen-oriri. **21** Ebe wę rị e ri ihięen-oriri hụ, o no sị, “Ezioku kẹ m rị a gwa ụnụ, onyę ohu imę ụnụ jenkọ d'e re m.” **22** Efọ asuozinị wę ụsụo, onyę-onyę no sị, “Elekwo mmę, Di-nwɔnni-enyi, mmę rọ?” **23** Jizosì no sị, “Onyę hụ mę lę iya buche eka imę afere jenkọ d'e re m. **24** Nwa nke Ihian lako kẹ wę don de banyen'ę, kanị nsongbu jenkọ d'a rị nị onyę hụ jenkọ d'e we Nwa nke Ihian ye wę! O te ka onyę hụ mma nị amụnị w'a.” **25** Judasị hụn sikọ d'e re e ye wę no sị, “Onyę-nkuzi, mmę rọ?” O no sị a, “Iyụ ku.”

Oriri-nsọ

(Mak 14.22-26; Luk 22.14-20; 1Kọ 11.23-25)

26 Ebe wę rị e ri ihięen-oriri ahụn, Jizosì no weri brędi, o yegụụ Osolobue ekele, o no bebe e ye ụmụ-azụn a, sị, “Weri ni ri, ọnwan wụ ehịụ m.” **27** O no weri mkpu, yegụụ Osolobue ekele, o no we e ye wę, sị, “Unụ ile, rarịsonmę ni; **28** makęni ọnwan wụ eđeke m, hụn wę gi biye nkwerigbama ọhụn hụ Osolobue kwademę egbata iya lę ndị nke e eka; eđeke m hụn wę hupụ nị ndị bu ọda, makę mgbagharị njo. **29** M rị a gwa ọnụ, arakozi m manyani gha mkpuru osisi vajinị püha d'e ru ụhụohin hụ mmę lę ụnụ jenkọ d'a razị a nke ọhụn imę Ali-eze Nędi m.”

30 Ogęn wę gi bugụụ ębü Mmęmmę-Nghafe, wę no shi Ugu Olivu.

Jizosì E Ku E Ni Pita Jenkọ D'a Ghori N'o Marin A

(Mak 14.27-30; Luk 22.31-34; Jon 13.36-38)

31 'Ya Jizosì no sị wę, “Ukinkinni, ụnụ ile jenkọ d'a gba m tọ, makęni Ehụhụo-nsọ sị, ‘Osolobue jenkọ d'e gbu onyę-ndu atụnrụn, atụnrụn ile a gbayiya.’

Matiu Isi Nke Isin-kwasi-ogun:32 lxxxviii Matiu Isi Nke Isin-kwasi-ogun:45

32 Kanji, m ghagüyü ɔnwụn lihi, m sikọ d'e buni ụnụ ụzọ si Galili.”

33 Pita nọ sị Jizosị, “O nwọnni ogen m'e gi gba i tọ, osuon'a nị ndị hodonị a na i tọ.” 34 Jizosị nọ sị Pita, “M rị a gwa i ezioku nị ọkpa gini d'a kwan ime abalini, i jenkö d'a ghori mgbe eto nị y'a marin m.”

35 Pita nọ sị, “Kaka, aghorikọ m, osuon'a nị mmé lẹ 'yụ jenkö d'a nwụn!” Umụ-azụn ile hodonị nọ kuzikwo eriara.

*Jizosị E Mę Ekperē Imę Ugbā Gesemani
(Mak 14.32-42; Luk 22.39-46)*

36 'Ya Jizosị lẹ umụ-azụn a nọ si ebe w'a kpọ Gesemani. O nọ sị umụ-azụn a, “Nodi nị ali ebeni nị m jenzuka d'e mę ekpere.” 37 O nọ weri Pita lẹ umụ Zebedi ebuo, o nọ sukuruma, obi nọ ferime e. 38 'Ya o nọ sị wẹ, “Obi e d'a gbawapu m; o d'e gbu m. Nodi nị ebeni son m mu enya.”

39 O nọ jenshi ihun ekere, tuha enwen e ye ali, mę ekpere, sị, “Baba, omeni o rị nfe, nị mkpu afunfunni ghafe m; kanji, uche i y'a mę, ele uche m.”

40 O nọ bija d'e kunrun umụ-azụn a; o hụn nị wẹ rị ụran, o nọ sị Pita, “Ya wụ, onu e ri-eka son m mu enya mgbahunmę ọkulokụ ohu? 41 Mu nị enya, mę ni ekpere, amamgbe ụnu a danye imę onwụnwan; ezioku-ezioku, mmọn ihiyan a chogho, kanji ndun guụ ehụ.”

42 O nọ puzi nke mgbe ebuo d'e mę ekpere, a sị, “Baba, omeni mkpu afunfunni asaeka ghafe bụ aranị m'a, uche i 'ya mę.” 43 O nọ bijazi ebe wẹ rị, hụn wẹ kẹ wẹ rị ụran, makelę enya wẹ a nyintoguo.

44 O nọ lazi wẹ tọ, pu d'e mę ekpere nke mgbe eto, e kuzikwo ihiyen ohu hụ. 45 'Ya o nọ bija d'e kunrun

umu-azụun a, sị wẹ, “Unụ rịkwọ ụran, e zuru iken? Lee n'ę, ogēn hụ e ruguọ—e wẹ wẹ Nwa nke Ihiyan ye ndị njo. ⁴⁶ Lihi ni nị enyi jẹnme. Lee n'ę, onyę rị e reni m a bịauguọ.”

*A Nwụnrụn Wę Jizosị
(Mak 14.43-50; Luk 22.47-53; Jon 18.3-12)*

⁴⁷ Jizosị rịkwọ e ku okuni, kę Judasị hụn wụ onyę ohu imē umu-azụun a mmębụọ bia. Judasị le igunrun hi-ogbe wị—wẹ bu ọpi-aagha le egbe. Ndịisi nchụ-ejan le ndị-isı zihę wẹ. ⁴⁸ Onyę hụn rị e ren'ę gwa wę ihien wę sikọ d'e gi marịn Jesu. O sị, “Onyę m jenkọ d'e gi isu-ọnụ kele, 'ya wụ onyę hụ, nwụnrụn n'a.” ⁴⁹ O nọ bia d'e kunrun Jizosị ozigbo, sị, “Uwa-oma, Onyę-nkuzi!” O nọ su e ọnụ. ⁵⁰ Jizosị nọ sị a, “Di-enyi, mę ihien i bia d'e mę!” 'Ya wẹ nọ kwondon Jizosị, nwụnrụn a. ⁵¹ Ozigbo, onyę ohu imē ndị wẹ le Jizosị wị nọ tịnpụ eka, sepuha ọpi-aagha a, banpụ odibo onyę-isi nchụ-ejan ntịn. ⁵² 'Ya Jizosị nọ sị a, “Wekin ọpi-aagha i azụun, makeni ndị ile e bu ọpi-aagha, sikọ d'a gha ọpi-aagha nwụn. ⁵³ I ro ni asa m eka rịo Nedi m, o zihę ni m ihien karị igunrun ndị mmọn-ozi agha mmębụọ ozigbo? ⁵⁴ Kani, m mę ेrira, nanị kę wę jenkọ d'e gi męzu ihien ndị rị imē Ehụhuo-nsọ hụn ku n'o jenkọ d'a rị eniṇa?”

⁵⁵ Ogēn hụ kę Jizosị gi sị igunrun hụ, “Unụ gi ọpi-aagha le egbe bia d'a nwụnrụn m nöké sị m wụ onyę-ohin? Uhuohin ile m'a nödị alị imē Ulo-nsọ a kuzi, ọnụ a nwụnrụn nị m. ⁵⁶ Kani, ihien ndịnị ile rị nwān e mę keni ihien ndị-amuma ku imē Ekukwo-nsọ męzu.” 'Ya umu-azụun a ile nọ na a tọ, gbama ọso.

Matiu Isi Nke Isin-kwasi-ogun:57 xc Matiu Isi Nke Isin-kwasi-ogun:68

E We Wę Jizosí Si Ọgwa Kayafası, Onye-isi Nchü-ejan

(Mak 14.53-65; Luk 22.54-55, 63-71; Jon 18.13-14, 19-24)

⁵⁷ 'Ya ndị nwụnrụn Jizosí nō we e jenni Kayafası wụ onye-isi nchü-ejan imē Ọgwa a, ebe ndị-nkuzi Iwu lę ndị-isi gbakikomé. ⁵⁸ Kanị Pita sònko a d'e ru Ọgwa onye-isi nchü-ejan, bụ eğbata wę te e te. Ya Pita nō banye, sòn ndị-nche nödị alị keni ọ hụn njendemē ihienni.

⁵⁹ Ogenni, ndị-isi nchü-ejan lę Ndị-isi Nkịkwama ile hụ a chọ ihien w'e gi buokin Jizosí onu keni wę gbu e; ⁶⁰ kanị, ahụnni wę, ọsuon'a nị ndị ọshéri-ntụ puhanị bu ọda. Omegụ, mmadụ ębụ nō nwan puha, ⁶¹ sị, "Onyen'i sị, 'M jenko d'a saeka tikpọ Ulo-nso Osolobue, gi akpụ-uhuohin eto tunkin e.' " ⁶² 'Ya onye-isi nchü-ejan nō lihi, sị, "Y'e nwọn ihien i jenko d'a shịarị? Kị wụ ihien ndịni wę rị a sị nị 'ya k'ime?' " ⁶³ Kanị, Jizosí ekuni ihien ọwule. Onye-isi nchü-ejan nō sị a, "E gi m ẹfan Osolobue hụn rị ndụn sị i gwa enyi mbụni iyụ wụ Kraistị, Nwa Osolobue."

⁶⁴ Jizosí nō sị a, "Yụ ku e. M rị nwan a gwa ụnu ile nị ogenni ghafegụ, ụnu sikọ d'a hündę Nwa nke Ihiian ebe o nödị alị eka-nni Osolobue, Onye hụn nwọn ik'en ile, hụnzikwọ a k'o rị elu orukpu o gi lala."

⁶⁵ 'Ya onye-isi nchü-ejan nō tika efé hụn 'ya lę enwèn e wụ onye-isi nchü-ejan yi, sị, "O kuolé aru! Kị enyi rị a chọzini ndị ọshéri? Onu a nüguo nwan arụni o ku! ⁶⁶ Kinị kę ụnu ro?" Wę nō za, sị, "Ikpe a maol'a, o jenko d'a nwụn!" ⁶⁷ Wę nō jụ a ẹson ihun, fian a ihien, ndị hụ imē wę nō ma a ọra, ⁶⁸ sị, "Iyụ

hun sị nị i wụ Kraisti, Onyę hụ Osolobue Tumę, bu amuma n'i gwa enyi onyę fian i ihien?”

Pita A Ghori N'ọ Marin Jizosi
(Mak 14.16-72; Luk 22.56-62; Jon 18.15-18, 25-27)

⁶⁹ Ogenni, Pita nodi alị ezi ogwa, 'ya nwa-agbọọ wụ odibo nọ bia d'e kunrun ẹ, sị a, "Iyu lẹ Jizosi onyę Galili wizikwo." ⁷⁰ Kani, o nọ ghori id'enyə wẹ ile, sị, "Amarin m ihien i rị e ku."

⁷¹ Ogen o gi si ebe wẹ gha a banye ezi-ogwa hụ, nwa-agbọọ ozọ wụ odibo nọ hun a, sị ndi turu ebēhụ, "Onyeneni lẹ Jizosi onyę Nazareti wị." ⁷² O nọ ghoriizi, kundę Osolobue, sị, "Amarindę m okennye hụ!"

⁷³ O nobezi ekere, ndi turu ebahun nọ bia d'e kunrun Pita, sị a, "I wụ onyę ohu imẹ wẹ nkeesi, asusụ i e sepuhaguo i." ⁷⁴ Ya Pita nọ kumme Osolobue, sị, "Amarindę m okennye hụ." Ozigbo hụ, okpa nọ kwan. ⁷⁵ Ya Pita nọ nyanhan oku Jizosi ku, nị, "Okpa gini d'a kwan, i jenkö d'a ghori mgbe eto nị y'a marin m." O nọ shi ezi d'a kwan ezigbo ekwan.

Isi Nke Esa-kwası-ogun

E We Wę Jizosi Si Ọgwa Paileti
(Mak 15.1; Luk 23.1-2; Jon 18.28-32)

¹ O ru ogęn ụtuntun, ndi-isı nchụ-ejan ile lę ndiisi nọ tufbamę iroro kę w'a don gbu Jizosi. ² Wę nọ k'en e egbun, we e jenni Paileti, onyę Rom hun wụ Govanọ rị a kini wę.

*Judası E Hogbu Enwèn E
(Orùn Ndị-Ozi 1.18-19)*

³ Ogèn Judası hùn re e ye wé gi hùn a ní a maguò wé Jizosì ikpe-ònwùn, o nò kwan mmaní, wekin ni ndí-isi nchù-ejan lè ndí-isi akpurú egho ola iri-kwasi-ogun hù, ⁴ sì, “E mèolè m njò m gi re onyè nwònleni ihièn o mè.” Kani, wé nò sì a, “O gbashiariní ènyi; ohùn wù mkpa i!”

⁵ O nò tu akpurú-egho ola ndí hù ye ali imé Ulo-nsò, pù d'e hogbu enwèn e. ⁶ Ndí-isi nchù-ejan nò tutùrù akpurú-egho ola ndí hù; wé nò sì, “O furuni ní ènyi bu wé che ebe w'e dönme ihièn imé Ulo-nsò, makèni egho èdeke rø (egho-mmè).” ⁷ Ya wé nò tu iroro, gi e ñònrin ogige onyè a kpù-ite, gi e mémè ikpékpe itumunye. ⁸ Ya haín wé gi a kpò ogige hù “Ogige Èdeke” d'e rukwò tanní. ⁹ Ya ihièn Osolobue gi onyè-amúma wù Jérimaya ku nò mèzu, ní, “Wé nò weri akpurú-egho ola iri-kwasi-ogun hù, hùn wù onu egho ndí Izrelù kweri ní 'ya kè wé sikò d'e ñòn okènnye hù;

¹⁰ gi e ñònrin ogige Okpù-ite rikè kè Onyè-nwònni-ènyi dòn gwa m.”

*Paileti A Ju Jizosì Utaa
(Mak 15.2-5; Luk 23.3-5; Jon 18.33-38)*

¹¹ Ogèn ihiènni gi rì e mè, Jizosì turu ihun Paileti wù Góvanò rì a kídòn ni ndí Rom. Paileti nò sì, “Iyù wù eze ndí Ju?” Jizosì nò sì a, “Iyù ku.” ¹² Kani, ogèn ndí-isi nchù-ejan lè ndí-isi gi rì e kusonmè ihièn ndí wé sì ní 'ya k'o mè, o gba nkintin! ¹³ Paileti nò sì a, “Y'a rì a nü ihièn ole wé rì e ku ní 'ya k'i mè?” ¹⁴ Kani, o shiariní ihièn ọwule, kè akpù ohu —nke wù n'o tükènmè Paileti wù Góvanò ènya.

*A Ma Wę Jizos̄i Ikpe Onwụn
(Mak 15.6-15; Luk 23.13-15; Jon 18.39; 19.16)*

¹⁵ Ogēn Mmēmmē-Nghafe Ọwule, Goyano a hapu nị wę onyē-ngan Ọwule wę chọ. ¹⁶ Ogēn hụ, eje-ihiān ohu ihiān ile marin rị imē ulo-ngan, ẹfan a wụ [Jizos̄i] Barabasi. ¹⁷ Ogēn wę gi gbakikomegụ, Paileti nō sị wę, “Onyē kę Ọnụ chọ nị m hapu nị Ọnụ [Jizos̄i wụ] Barabasi ra Jizos̄i hụn w'a kpō Kraistị?” ¹⁸ (Paileti ku ihienni makeni o maringhọ nị iwe kę wę gi we Jizos̄i wụ Kraistị ye e.) ¹⁹ Ogēn o gi nōdị ali elu Ocho-okink'ikpe, nwunye e nō zi ozi jenn'e, sị a, “Wepukwọ eka oku onyē ezi-omumē hụ, makeni e giguo m ufiri e ta afunfun ọda-oda imē nrọ tannị.” ²⁰ Ndị-isi nchụ-ejan lę ndị-isi Izrēlụ nō nwan gwa igunrun hụ wę sị Paileti hapuni wę Barabasi, gbu Jizos̄i. ²¹ Paileti nō sịzị wę, “Onyē imē wę ebuo kę ụnụ chọ nị m hapu nị ụnụ?” Wę nō sị, “Barabasi.” ²² Paileti nō sị, “Kị m'e gi nwan Jizos̄i hụn w'a kpō Kraistị mè?” Wę ile nō sị, “Kpogbu e enu obe.” ²³ O nō sị, “Kị hain? Elee eje-ihiēn k'o mè?” Kanị wę ile e yikenmède, sị, “Kpogbu e elu obe.” ²⁴ Ogēn Paileti gi hụn nị ihiēn o rị e ku e nwọnni isi ebe wę rị, hụnzi nị isusu choko n'o bidon, o nō weri mirin kwopụ eka id'enya igunrun hụ, sị, “Edeke onyēni ari m eka; eka Ọnụ k'o rizi!” ²⁵ Igunrun hụ ile nō sị, “Edeke e 'ya rị enyi lę ụmu enyi isi!” ²⁶ 'Ya o nō hapuni wę Barabasi, o fiangụ Jizos̄i mkpiñsin, o nō w'e ye wę kpogbu.

*Ndị-agha A Kpa Jizos̄i Ye Emu
(Mak 15.16-20; Jon 19.2-3)*

²⁷ 'Ya ndị-agha Paileti nō weri Jizos̄i si imē ogwa Paileti, kpogbama itu-agha hụ ile; ya wę nō fihunmè

Matiu Isi Nke Esa-kwasi-ogun:28 xciv Matiu Isi Nke Esa-kwasi-ogun:39

ẹ. 28 Wẹ nọ yipụ a ẹwuru e, yimẹ e ẹwuru ኃnanrannị e nwun ufie-rọnị, ufie-rọnị*. 29 Wẹ nọ weri agalaba osisi-ogun, gi e kpa okpu-eze, bu e che e isi, bu ọkpọ che e ẹka-ihiẹn; e gbu n'ẹ osekpu, a kpa a e ye ẹmụ, a sị a, “Agu!! Eze ndị Ju!!”

30 Wẹ nọ jụ a eson, napụ a ọkpọ hụ wẹ te buche e ẹka, fianma a ya isi. 31 Ogèn wẹ gi kpagụ a ye ẹmụ, wẹ nọ yipụ a ẹwo ufie hụ, yimẹzi e ẹwuru e. Wẹ nọ duru e d'a kpogbu elu obe.

*A Kpoma Wẹ Jizosị Elu Obe
(Mak 15.21-32; Luk 23.26-43; Jon 19.17-27)*

32 Ebe wẹ jenḳo, wẹ nọ kunrun onyę Sajirini ohu w'a kpọ Saimonu, wẹ nọ w'a y'ẹ olu buru obe Jizosị.

33 Ogèn wẹ gi ru ebe w'a kpọ Gogota ('ya wụ Ebe-Okpokom'isi), 34 wẹ nọ ye Jesu manya wẹ buche olulu-anụ ra, kani, ogèn o gi danmin a, o nọ jụ n'o rakọ a. 35 Ogèn wẹ gi kpomagụ a elu obe, 'ya wẹ nọ tụ nkpo, gi e keri ẹwuru ndị o yi. [Ọnwan mè keni ihiẹn onyę-amụma ku hụn uzọ mèzu—makeni onyę-amụma sị,

“E keri wẹ ẹkwa m,
a tụ wẹ nkpo,

gi e keri ẹwuru m.”]

36 Wẹ nọ nὸdị ali, e che e nche. 37 Wẹ de ihiẹn wẹ gi m'a ikpe ye enu obe hụ. Ihiẹn wẹ de wụ, “Ọnwan wụ Jizosị, Eze ndị Ju.”

38 Wẹ kpomazi ndị ohin ebụo che n'ẹ, onyę ohu elu obe rị ẹka-nni e, onyę ohu elu obe rị ẹka-ekpẹn e. 39 Ndị hụn ghafekonị hụ a kpa a e ye ẹmụ,

* **Isi Nke Esa-kwasi-ogun:28** ẹwuru ndị nze lẹ ndị-ịdafiṇ

e finfin isi, ⁴⁰ a si, “Iyu hụn jenkö d'e tikpọ Ulo-nsọ, gi akpụ-uhuohin eto tundonzi e, zuopuha nwan enwèn i! Omèni i wụ Nwa Osolobue, gha elu enu obe hidan.” ⁴¹ Eriṛa kẹ ndị-isì nchụ-ejan lẹ ndị-nkuzi Iwu lẹ ndị-isì donzíkwọ kpa a ye emu, a si, ⁴² “O zuopuha ndị ozọ, kanị o sanị eka zuopuha enwèn e. Iya wụ eze Izrelu nụ! ‘Ya gha nwan elu obe hidan, keni enyi kweri n’e. ⁴³ O tukwasị Osolobue obi; Osolobue ‘ya zuopuha a nwan ọwụni o sụogho a. Makèni, o si, ‘Mmè wụ Nwa Osolobue.’” ⁴⁴ Eriṛa kẹ ndị ohin ndị hụ wẹ kpogbu ‘ya le wẹ donzíkwọ kpari e.

Onwụn Jizosị

(Mak 15.33-41; Luk 23.44-49; Jon 19.28-30)

⁴⁵ Efinnaị hụ, gha ọkụloku mmebuọ, ogèn hụ enya anwụn gi a rị isi, d'e ru ọkụloku eto, ọkiki nọ gba ali hụ ile. ⁴⁶ Ihièn rike ọkụloku eto, Jizosị nọ gi okèn olu yi oro, si, “Elai, Elai, lama Sabakaniani?” Ya wụ, “Osolobue m, Osolobue m, kị hain i gi la m tọ?” ⁴⁷ Kanị, ogèn ndị hụ imè ndị turu ebahụn gi nụ a, wẹ nọ si, “O rị a hị Elaija!” ⁴⁸ Ozigbo, onye ohu imè wẹ nọ gba ọso, weri eru bianye imè manya rụ-uka, fa a ye mkpiñsin, y'ę 'ya n'o ra. ⁴⁹ Kanị, ndị ozọ si, “Cheri ni, ni enyi lee omèni Elaija jenkö d'a bịa d'a zuopuha a.” ⁵⁰ Jizosị nọ gi okèn olu yizi oro, kwonbepu, nwunhụn. ⁵¹ Ozigbo hụ, ekwa wẹ gi gbọnbepu Ebèhụ kachanrin-nsọ imè Ulo-nsọ nọ bawapụ ebụo, gha elu d'e ru ali. Ali nọ mahihie, ọmụma hụ e tiwa; ⁵² ili ndị nwunnị nọ kpupu, ndị nsọ bu ọda nwunnị nọ lihi. ⁵³ Ogèn Jizosị gi ghagụụ onwụn lihi, wẹ nọ pụha, si obodo nsọ hụ wụ Jerusalém, ndị bu ọda nọ hụn wẹ ebèhụ. ⁵⁴ Ogèn

ọkị-agha hụ lè ndị-agha 'ya nị wẹ rị e che Jizosị nche
gi hụn alị-omahihie lè ihiɛn ndị hụ mèni, egun nọ bia
wẹ, wẹ nọ sị, "Ezioku, onyeni wụ Nwa Osolobue!"

⁵⁵ Ikpoho bu ọda gha Galili sònhen Jizosị e yen'ẹ
eka rịzi ebahụn, wẹ rị a gha ebe teni e lee ihien
rị e mèni. ⁵⁶ Ndị hụ imẹ wẹ wụ Meri onyę obodo
Mag'dala, Meri nnę Jemisi lè Josefụ lè nnę ụmụ
Zebèdi.

Olili Jizosi

(*Mak 15.42-47; Luk 23.50-56; Jon 19.38-42*)

⁵⁷ O ru ogen ẹnyasi, ọdafin ohu w'a kpo Josefụ,
onyę obodo Arimatia, nọ bia. Okennyen i wuzikwo
onyę e sòn uzoz Jizosị. ⁵⁸ O nọ jen d'e kunrun Paiłeti,
sị a buye e ẹhụ Jizosị. 'Ya Paiłeti nọ sị wẹ buye e
ya. ⁵⁹ Josefụ nọ buru ẹhiụ hụ; gi ekwa linę nwunni
fuma a, ⁶⁰ bu e che imẹ ili ọhụn o kwademeni enwèn
e, hụn wẹ gu nöké okporo ye imẹ ọmuma. O nọ gi
ọmuma hi-ogbe nukin ọnụ ili hụ, pụ. ⁶¹ Meri onyę
obodo Mag'dala lè Meri hụn-ebọ nödị alị bu ihun
zinmẹ ili hụ.

E We Wẹ Ndị-nche D'e Chedon Ili Hu

⁶² Ogen ụhụohin Nkwademé gi ghafegụ, o ru
enyasi, ogen Ụhụohin Izu-ikèn gi bidon, ndị-isì
nchụ-ejan lè ndị Itu-Farisi nọ zugbama d'e kun
run Paiłeti, ⁶³ sị a, "Di-ókpa, ẹnyi a nyanhanghọ
nị ogen onyę-ntụni gi rị ndụn, o sị, 'Akpu-ụhụohin
etò ghafegụ, m jenkö d'e lihi.' ⁶⁴ Sị wẹ nwan d'e
gbonkinkenme ili hụ ọhụnma-ọhụnma d'e ru akpu
-ụhụohin etò hụ, amamgbe ụmu-azụn a abia d'e
zunrun ẹhụ a, gwama ihiian ile nị, 'O ghaguo ọnwụn
lihi'; ogen hụ ndufie ikpazụn hụ a karị nke ibuzo
njo." ⁶⁵ Paiłeti nọ sị wẹ, "Weri ni nwan ndị-agha; jen

ni d'e chedon e kę ụnu sikọ d'a saeka.” ⁶⁶ 'Ya wę nō jenmę, kpuinkemę ili hụ, bu ndị-nche tọ ebęhụ.

Isi Nke Esato-kwası-ogun

*Jizosì A Gha Ọnwụn Lihì
(Mak 16.1-10; Luk 24.1-12; Jon 20.1-10)*

¹ Ogèn Uhuohin Izu-ikèn gi ghafegu, ogèn eki gi fònme nke uhuohin ibuzo imé izu-uka (hùn wù nwan uhuohin Sonde), Meri onyé obodo Mag'dala lè Meri hùn-ebø nō jen d'e lele ili hụ. ² Idènmizi, ali nō mahiie ọda-ọda, makèni mmón-ozi Di-nwọnini-enyi gha elu-igwee bia, nupu ọmuma hụ hi-ogbe, nodị ali elu e. ³ O hụ e be nwanran-nwanran rịkè amúma, ewuru e hụ e nwun nökè igwere. ⁴ Egun e nō bia ndị nche, ehem nō mama wę nni, wę nō richanrin kę ndị nwùnhunní. ⁵ Kani, mmón-ozi hụ nō sì ikpoho ndị hụ, “Atulé ni egun, a maringho m ní ụnu rị a cho Jizosì, hùn wę kpogbu elu obe. ⁶ O rịzi ebeni; o lihigu o k'o dòn ku. Bia ní d'e lee ebe o te ri. ⁷ Jenmę ni nwan ozigbo d'a gwa umu-azụn a, sì wę, ‘O ghaguo ọnwụn lihi, o burugu ní ụnu ụzo si Galili; ebęhụ kę ụnu jenkö d'a nō hùn a!’ A gwaguo kwó m ụnu.” ⁸ 'Ya wę nō gi egun lè okèn ighogho gha ili hụ pü ozigbo, gbama ọsò d'a gwa umu-azụn a.

⁹ Idumuzi, Jizosì nō kunrun wę, sì, “Darụ ní!” 'Ya wę nō bia d'e kunrun e, fiedon e ọku, fe e. ¹⁰ 'Ya Jizosì nō sì wę, “Atulé ni egun, jen ní d'a gwa umuné m wę jen Galili, ebahụn kę wę k'a nō hùn m.”

E Ye Wę Ndị-nche Egho-azụn, Sì W'e Kulę K'o Mę

¹¹ Ogèn ikpoho ndì hù gi jènkò, ndì hù imè ndì-nche hù nò si imè obodo d'a gwa ndì-isi nchù-ejan ihièn ile mèni. ¹² Ogèn ndì isi nchù-ejan lè ndì-isi gi zugùù, tùgbamagùù iroro, wé nò ye ndì-agha hù ego hi-ogbe, ¹³ sì wé, "Gwakwò ni ihian ile nì, 'Umù-azùùn a bìa d'e zunrun è imè abalì ebe ènyi rì uran.' ¹⁴ Omèni ònwan e ru ntìn Govano wù Paileti, ènyi jènkò d'e mè obi ru è alì, hùn a nì nsongbu arìkònì ụnu." ¹⁵ Ya wé nò narin wé egho hù, mè ihièn wé gwa wé. Echen kẹ wé rìkwò a kò akìkònì imè ndì Ju d'e ru tannì.

*Orùn Hu Rì Mkpa Jizosí Ye Umù-azùùn A
(Mak 16.14-18; Luk 24.36-49; Jon 20.19-23; Orùn Ndì-Ozi 1.6-8)*

¹⁶ Ya umù-azùùn mmanai hù nò nwan si ugu hù rì Galili, ebahùn Jizosí gwa wé. ¹⁷ Ogèn wé gi hùn Jizosí, wé nò fe è, kanì ndì hù imè wé nwòn obi-ebuò. ¹⁸ Jizosí nò jènzùnhàn, sì wé, "E yeole wé m iken ile rì elu-igwee lè elu-uwà. ¹⁹ Jenmè ni nwan d'e mè ndì alì ile rì ichèn-ichèn nì wé wùrù ndì e sòn ni m; e gi ni ẹfan Nèdì lè Nwa lè Mmòn-nsò e mè wé mirin-Chuku. ²⁰ Kuzi ni wé, nì wé hùn ụzo e mè ihièn ile m sì ụnu mè. Ezìè, m nòye ni ụnu ogèn ile d'e ru ọgùgù-ogèn."

**Elu Ohun: Ekukwɔ-Nso (Azuun Ohun rɪn'a)
Revision of New Testament in Ika**

copyright © 2010 Wycliffe

Language: Ika

Translation by: Wycliffe

Ika (ikk) Nigeria

In Nigeria the word Ika is not only the name of the Ika people, but is also used to designate a local government area in the Akwa Ibom State. The Ika people are a sub group of the Igbo people. It is interesting to note that Ika is the name of a town in Croatia is one of the eight Annang local government areas of the local government areas in Akwa Ibom State. An alternative name for the Ika people is Ika-Annang. There appears to be another dialect of Ika that is spoken in Delta State of Nigeria.

Copyright Information

© 2010, Wycliffe. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789037056

Revision

The New Testament

in Ika

© 2010, Wycliffe. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

c

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 11 Nov 2022 from source files
dated 29 Jan 2022

31b0248e-272a-5dee-8226-bcc00c54d9b1